


1893-1



1530












2557

Q

A. XVIII. D. 5





# CLAVDII

GALENI DE ALIMENTO  
RVM FACVLTATIBVS  
LIBRI III

IOACHINO MARTINIO GAN-  
DAVO INTERPRETE.



PARISIIS  
APVD SIMONEM COLINAEVM

1 5 3 0.

*July 1781*  
*Orn. di. Pietrantonio Buteri. 1781.*



BOCCLAWDII

CAVENDISH ALIMENTO

RAMTACALITIVS

LIBRI III

LOCHING MARTINIO GAN

DAVO INTERRETTI



PARIS 1512

ADAM SIMONIS COLINVS

1512

ADAM SIMONIS COLINVS



# LIBRI I. CAPITA.

V N I V E R S A L I S quædam methodus seu ratio de alimēto-  
rum facultatibus explorandis. folio. 1. facie. 1. & deinceps.

- De tritico. fo. 2. fa. 1.
- De bellarijs ac placentis. fo. 14. fa. 2.
- De itrijs. fo. 15. fa. 1.
- De pane eloto. ibidem, fa. 2.
- De alica seu chondro. fo. 16. fa. 2.
- De tritico in aqua elixo. fo. 17. fa. 1.
- De amylo. fo. 18. fa. 1.
- De hordeo. fo. 18. fa. 1.
- De hordeaceis panibus. fo. 19. fa. 1.
- De polenta. fo. 20. fa. 1.
- De maza. ibidem, fa. 2.
- De typha, olyra, & zea. fo. 21. fa. 2.
- De auena, quæ bromus dicitur. fo. 26. fa. 1.
- De milio & panic. fo. 26. fa. 1.
- De leguminibus. ibidem, fa. 2.
- De oryza. ibidem.
- De lente. fo. 27. fa. 1.
- De fabis. fo. 28. fa. 2.
- De faba ægyptia. fo. 29. fa. 2.
- De pis. ibidem
- De ciceribus. ibidem
- De lupino. fo. 30. fa. 1.
- De fœnogræco. fo. 31. fa. 1.
- De phaselo & eruilia. fo. 32. fa. 1.
- De cicercula. ibidem, fa. 2.
- De araco. ibidem
- De dolichis. fo. 33. fa. 1.
- De eruo. fo. 34. fa. 2.
- De sesamo & erysimo. fo. 35. fa. 1.
- De papaueris semine. ibidem, fa. 2.
- De lini semine. ibidem
- De ormino. ibidem
- De cannabis semine. fo. 36. fa. 1.
- De viticis semine. ibidem
- De aphaca & vicia. ibidem
- De seminib. alienigenis q̃ in vnoquoq; genere nasci reperiuntur. ibi. fa. 2.



## LIB. II. CAPITA.

- PROOE MIVM libri secundi. fo. 37. fa. 1.  
 De fugacibus fructibus, quos græci horæos vocant. fo. 38. fa. 2.  
 De cucurbita. fo. 40. fa. 1.  
 De peponibus. fo. 41. fa. 1.  
 De melopeponibus. ibidem, fa. 2.  
 De cucumeribus. fo. 42. fa. 1.  
 De arborum fructibus. fo. 43. fa. 1.  
 De ficibus. ibidem, fa. 2.  
 De vuīs. fo. 44. fa. 2.  
 De vuīs passis. fo. 47. fa. 1.  
 De moris. fo. 48. fa. 1.  
 De cerasijs. fo. 50. fa. 1.  
 De rubi fructu. ibidem.  
 De fructu sentiscanis. ibidem.  
 De iuniperi fructu. ibidem, fa. 2.  
 De cedri fructu. ibidem.  
 De pinea nuce. fo. 51. fa. 1.  
 De myrti fructu. ibidem.  
 De persicis. ibidem.  
 De malis quæ armeniaca & præcocia dicuntur. ibidem, fa. 2.  
 De malis. fo. 52. fa. 1.  
 De cotoneis & strutheis malis. fo. 55. fa. 1.  
 De piris & punicis. ibidem, fa. 2.  
 De mespilis & forbis. fo. 56. fa. 2.  
 De palmæ fructu. ibidem.  
 De oliuis. fo. 57. fa. 2.  
 De nucibus. fo. 58. fa. 1.  
 De amygdalis. ibidem, fa. 2.  
 De pistacijs. fo. 59. fa. 1.  
 De prunis. ibidem.  
 De fructu quem serica græci vocant. ibidem, fa. 2.  
 De ceratijs, id est filiquis. fo. 60. fa. 1.  
 De cappare. ibidem.  
 De sycomoro. ibidem, fa. 2.  
 De persea. ibidem.  
 De citrio. fo. 61. fa. 1.  
 De agrestium plantarum fructibus, in quibus & quænam glandes nu-  
 merantur. ibidem, fa. 2.  
 De alimonia quæ ab ipsis plantis sumitur. fo. 62. fa. 2.  
 De lactuca. fo. 63. fa. 2.  
 De feri. fo. 65. fa. 1.  
 De malua. ibidem.



De beta. ibidem, fa. 2.  
 De brassica. ibidem.  
 De attriplice & blito. fo. 66. fa. 2.  
 De portulaca. fo. 67. fa. 1.  
 De rumice. ibidem.  
 De oxylapatho. ibidem, fa. 2.  
 De solano. ibidem.  
 De aculeatis plantis. ibidem.  
 De cinara. fo. 68. fa. 1.  
 De apio, equapio, sio, & smymio. ibidem.  
 De differentia quæ in plantarum quæ edendo sunt, partibus conspici-  
 tur. fo. 71. fa. 1.  
 De rapis. fo. 72. fa. 2.  
 De aro. fo. 73. fa. 1.  
 De dracontio. ibidem, fa. 2.  
 De asphodelo. ibidem.  
 De bulbis. fo. 74. fa. 1.  
 De pastinaca, dauco, & caro. ibidem, fa. 2.  
 De tuberibus. fo. 75. fa. 1.  
 De fungis. ibidem.  
 De raphano, seu radícula. ibidem, fa. 2.  
 De cepis, allio, porro, & ampelopraso. fo. 76. fa. 1.

### LIB. III. CAPITA.

DE NVTRIMENTO quod à pedestribus animalibus sumitur. f. 77. f. 1.  
 De limacibus seu coeleis. fo. 80. fa. 1.  
 De excarnibus pedestrium animalium partibus. ibidem, fa. 1.  
 De animalium pedestrium lingua. fo. 81. fa. 2.  
 De glandulis. ibidem.  
 De testibus. fo. 83. fa. 1.  
 De cerebro. ibidem.  
 De ossium medulla. ibidem, fa. 2.  
 De medulla spinali. ibidem.  
 De pinguedine & adipe. fo. 84. fa. 1.  
 De pedestrium animalium visceribus. ibidem.  
 De quadrupedum animalium ventriculo, vtero, & intestinis. ibidem, fa. 2.  
 De ferorum & domesticorum animalium differentia. fo. 85. fa. 1.  
 De lacte. ibidem.  
 De acido lacte. fo. 87. fa. 1.  
 De caseo. fo. 90. fa. 2.  
 De pedestrium animalium sanguine. fo. 91. fa. 2.  
 De alimento quod à volatilibus sumitur animalibus. fo. 92. fa. 1.  
 A. iij.

De anseribus, & struthocamelis. ibidem, fa. 2.  
 De differentia partium quæ in volatilibus sunt animalibus. fo. 93. fa. 1.  
 De ouis. fo. 94. fa. 1.  
 De volatiliū animalium sanguine. fo. 95. fa. 1.  
 De nutrimento quod ab aquatilibus animalibus sumitur. ibidem.  
 De mugile. ibidem.  
 De lupo, seu labrace. fo. 97. fa. 1.  
 De mullo, seu trigla. ibidem, fa. 2.  
 De saxatilibus piscibus. fo. 98. fa. 2.  
 De gobione. ibidem.  
 De piscibus molli carne præditis. fo. 99. fa. 1.  
 De piscibus duræ carnis. fo. 101. fa. 2.  
 An dura omnia per decoctionem salfos sapes gignāt. fo. 103. fa. 2.  
 De animalibus testatis. ibidem, fa. 2.  
 De crustatis. fo. 105. fa. 1.  
 De mollibus. ibidem, fa. 2.  
 De cartilagineis. ibidem.  
 De cetaceis animalibus. fo. 106. fa. 1.  
 De marinis echinis. ibidem.  
 De melle. ibidem.  
 De vino. fo. 108. fa. 1.  
 De sale asseruatis piscibus. ibidem, fa. 2.  
 De medijs edulij. fo. 109. fa. 2.



# LECTORI.



On te latet, cādde lector, quā multis in locis græcus Galeni codex, qui ex Asulanī officina prodijt, mutilus sit, ac deprauatus. Vnicus autem hic nobis fuit: quam ob rem sæpenumero aut addere quædam, aut lectionem immutare sumus coacti. Hoc stellulis, sed in præcipuis tantum: illud notarum istarum [ ] veluti septo significamus: quanquam & vbi dictionem pro dictione reposuimus, iisdem notis nonnūquam vsi sumus. Haud porrò necessarium fuerit singulorum hic rationem annotare, aut græci exemplaris errores corrigere. Nam quiuis per se ex codicum colatione facillè vtrunq; præstabit. Quædam, duntaxat de quibus aut meritò dubitari possit, aut quibus notas iam dictas non affiximus, hic indicabimus. Cap. de tritico, folio. 47. facie. 2. versu. 34. græce τροφᾶς οὐκ ἐνυχυμοτάτης legitur, id est, cibos non optimi succi. nos omīssa negatione contrarium interpretati sumus. Etenim caro suilla, & panes non optime vt Gal. præcepit præparati ac cocti, quibus paulo pòst exēplis vsitur, inter cibos optimi succi numerantur: id quod ex libro etiam de euchymia perspicuum est. locum ipse inspicias fo. 70. fa. 2. versu. 2. & 5. Cap. de lente, fo. 51. fa. 1. ver. 38. senius cum vero ex diametro pugnat. Proinde sic græce legendum puto, διὸ τυτλᾶ μὴ ἥπιον ὑπάρχειται, φακὺς δ' ἐδιαχωρεῖται μᾶλλον. Cap. de lupino, fo. 51. fa. 1. ver. 42. nos ordinem lectionis immutauimus, melius ita sensum congruere, quòd Galeno familiarior esset, arbitrati. Tu si aliter censes, suo loco singula repone. Cap. de dolichis, fo. 52. fa. 1. ver. vltimo, nos Theodorū Gazam secuti pro ἐρημώδης, ἐρυσσώδης legimus. Fo. 59. fa. 1. ver. 4. pro μειώλῳ legimus ἀκύνλῳ. ac ibidē ver. 5. ρ μεμῆκυλος, ἀκύνλῳ. Fo. 65. fa. 2. ver. 21. græce legitur, θερμότερον δὲ ἥπαρ &c. quæ oratio propter δὲ particulā mēbrum alterū, quod præcedat, desiderare videtur. id quod ex veteri tralatione sic reponendum puto, καὶ ποτὶ μὴ ὅλην κεφαλὴν ψυχρότερα, θερμότερον δὲ τὸ ἥπαρ. Proinde & in nostro codice fo. 89. fa. 2. versu. 8. pòst frigidior, scribe, Nonnunquam item totum caput frigidius, iecur vero calidius. In alijs partibus eadem est ratio.

Vitiatam lectionem sic corrige.

Folio. 12. fa. 1. pro furno, scribe clibano. Fo. 24. fa. 1. versu. 5. pro consumitur, cōficitur. Fo. 29. fa. 1. ver. 3. p ex sole, velut ex sole. Fo. 34. fa. 1. ver. 9. pro ochrus, ochrum. Fo. 38. ver. 20. fa. 1. pro vua, acinus. Ibidem fa. 2. pro valuulæ, valuuli. Fo. 49. fa. 2. ver. 1. pro immaturi, immaturus. Fo. 53. fa. 2. ver. 10. pro cum nostræ, scribe, cum quidam ex nostra. Fo. 74. fa. versu. 5. pro, super prunas, scribe, in craticula. Fo. 86. fa. 1. ver. 23. lege, natura ad succi bonitatem. Fo. 91. fa. 1. ver. 9. scribe, concoctu facilior, & commeabilior. Fo. 108. fa. 1. ver. 19. scribe, verius ei vt medicamento quàm vt cibo. Pro medicaminosus lege vbiq; medicamentosus.



# CLAVDII GA

LENI. DE. ALIMENTORVM.

FACVLTATIBVS. LIBER. I. IOACHI  
no. Martinio. Gandauo. interprete. ad Ia-  
cobū. Sadoletū. Carpentoraetē. Episcopū.



DE ALIMENTORVM fa-  
cultatibus & multi & percelebres  
medici cōscripsere, magna cura, præ-  
cipuoq; studio in hanc speculatio-  
nem cōuersi. Nihil est enim omni-  
um ferè quæ in medicina tradūtur,  
hac vna vtilius. Siquidē aliorū præsidiorū nō passim  
nec quouis tēpore est vsus: at sine alimētis ne viuere  
quidem neq; in secūda neq; aduersa valetudine pos-  
simus. Quare non iniuria pleriq; præstātissimorum  
medicorum, quæ in illis sint vires, diligenter perue-  
stigare summopere contenderunt. In his alij solam  
experientiam ad illarum notitiam nos perducere af-  
seruerūt: alijs rationem quoq; vnā placuit adiungi:  
quemadmodum non defuerunt qui vel primas illi  
deferret. Itaq; si vt inter Geometras & Arithmeti-  
cos, ita & inter eos qui de alimentis tractauerunt, o-  
mnium consensus consonantiaq; fuisset: haud erat  
sanè quod hanc nos denuo de ijsdem scribendi post  
tot ac tã eximios viros puinciā molestiāq; subire-

*Nota pulcherr  
ma dicitur.*

mus. Enimuero quū mutuis dissensionibus inuicē sese suspectos reddiderint, (omnino enim fieri nequit vt omnes verū attigerit) singillatim ab illis tradita, incorrupto iudicio diligēter excutere atq; estimare fuerit operæpretium: quippe iniquū cēleatur vni præ alijs absq; demonstratione fidem adhibere. Quū porro huius duo in genere sint principia (aut enim à sēsu, aut ab euidentī notione proficiscitur demonstratio omnis ac fides) & nos itidē ad p̄sentis cōmētationis collectionē aut altero horū aut vtroq; vti erit necesse. Ceterū quoniā ratione res disquirere ac iudicare nō cuius prōptū est & expeditū, quū & ingenij solertis hominē, & à puero in ijs quę animum exacuūt disciplinis exercitatū tritūq; postulet: satius fore duximus ab experiētia auspicari, eoq; maxime, quod bona pars medicorū hac sola alimētorū virtutes inuētas esse phibuerit. Nā empiricos, qui omne studiū operāq; in hoc cōferūt, vt ambitiosis cōtētionibus, quę ratione sūt explorata, oppugnēt: fortasse quis despiciat. Verū Diocle quid facias, qui tametsi professione dogmaticus, hęc ad Plīstarchū in primo de sanitate libro scripta reliquit. Qui omnia sapore eodē, odore, caliditate, aut alio id genus prędita, vires protinus easdē obtinere existimāt, haud rectē opinātur: quippe quū multa à similibus eiusmodi dissimilia fieri, possit mōstrari. Nō enim si quid aluū aut vri nā mouet, aut aliā quālibet habet facultatē, ideo tale



» vnūquodq; esse, quod vel calidū, vel frigidū, vel falsū  
» sit, arbitrādū: quandoquidē nec dulcia, nec acria, nec  
» falsa, nec cetera id genus paribus statim facultatibus  
» dotata sunt, sed totā naturā eorū omniū quæ ab illis  
» efficiūtur, causam esse existimādū est. Sic nimirum  
» minimū quis à veritatis via aberrauerit. Qui vero  
» singulorū causas, cur videlicet nutriāt, aut aluū ducāt,  
» aut vrinā prouocēt, vel simile quid præstēt, reddēdas  
» autumant, ignorare vidētur primū quod hæc inqui-  
» rere haud frequenter ad vsum rerū sit necessariū: de-  
» inde quod multa certo quodā modo cū arcanis na-  
» turæ p̄cipijs amicitia ac similitudinem habētia, ra-  
» tionē de se efferri non admittāt. Ad hæc nōnūq; de-  
» linquunt, cū incognita, & incōfessa, neq; admodū ve-  
» risimilia sumētes, abunde causam se credūt assignas-  
» se. Itaq; ratiocinatores istos, cū suis causis, quas nusq;  
» nō ingerunt atq; obtrudūt, missos faciamus. Præstat  
» enim quæ lōgo vsu excogitata cōpertaq; sūt, simpli-  
» citer credere, ac admittētiū seu cōsētaneorū dūtaxat  
» rationes perscrutari, dū quod disquiritur, notius ac  
» credibilius inde spes est emerfurū. Hęc est Dioclis  
» oratio, vnica experientia ciborum potestates, absq;  
» indicationibus, quæ cū à \* tēperatura, tum a saporibus  
» sumūtur, cognitæ esse arbitrātis. Tertiæ porro  
» præter has, quā à plātarū partibus mutuamur, ne ver-  
» bo quidem meminit. Ea vero est quam Mnesitheus  
» vnā cū reliquis vsurpauit, alias hinc radicibus, alias

caulibus, ceu folijs vtiq, fructibus atq, seminibus, alias virtutes inesse demonstrans. Itaq, experiētiam vt aliorum multorū magistrā, ita & quæ facile aut difficulter concoquantur, quæ stomachū inuent aut lēdant, quæ aluum laxent aut sistant, docere, omnibus notum est, quibus vel mica superest intellectus. Cæterū in ijs ipsis sæpe grauiterq, fallūtur qui citra discrimen rerū faciāt periculū: veluti in cōmentarijs de simplicium medicaminū facultate, atq, in tertio de tēperamentis ostensum est. Nec sanē qui vtrinq, cōmittuntur errores, multū inter se dissident. Quapropter hoc loco ad plenū viuūq, vti illic, limitationes describere, quibus intentus singulorum quis facultates citra errorē possit deprehendere, haudquāq, mei est instituti, qui semel dūtaxat de quaq, re integram narrationē soleo cōtexere, non eadem diuersis cōmētarijs passim inculcare. Vt igitur vsitatū mihi morem ne nūc quidem omittā, summā tantūmodo limitationū illarū seu definitionū, idq, ea breuitate quā orationis patietur pspicuitas, sum cōplexurus. Incipiam autē ab eo quod Erasistrato minus recte scriptū, vno omniū ore iactitatur, melicratū videlicet aluū non cuius subducere, neq, lenticulam cohibere, sed esse qui præterq, quod neutrū experiuntur, in cōtrarium etiā incidant: nempe melicrato sistente aluum, lenticula laxante. Item aliquos inueniri qui bubulā minori negotio, q, saxatiles pisceis cōficiant.



Equidem ab istis semper soleo sciscitari (nam à postremis exordiar) qualinā tentante symptomate saxatiliū piscium cruditatem arguerent, vtrum ex pondere quodam, quod instar plumbi, aut lapidis, aut luti, vētriculo incumbat (hoc nēpe modo quidā huiuscemodi cruditatis sensum enūciant) an ex demorsu ventrē palām infestāte, an flatibus, an grauis deniq; eructationis sensu? Mox alij nidorosū seu fumidū ructare, alij mordicationē, nonnulli vtrunq; se percipere aiebāt. Horū igitur corporis habitū statū q; diligenter contēplatus, flauę bilis copiā in vētriculo vel à praua quapiā temperie, vel peculiari cōstitutione collectā deprehēdi. Peculiarē autē dico constitutionē, quoniā hominibus quibusdā bilis ex iecore ad intestina defluēs, in ventriculū regurgitat. Prauā vero tēperiem, quum calor quidā natura ipsis inest acris ac modax, & (vt quispiam dixerit) febriculosus. Proinde par est vt isti cibos difficiles concoctu, melius quā faciles vincāt. Quod enim ex facili cōcoquitur, facile item alteratur, & corrumpitur. Contra quæ concoctionis difficilis sunt, difficulter quoq; tum alterantur, tum corrumpuntur. Hæc ergo largioris melius, quā moderati caloris ambitu seu commercio perficiuntur. Atque hac profecto ratione euenit quosdā bubulā leuius quā saxatiles pisceis conficere. Cur autem lenticula aluum plerisq; moueat magis quā supprimat, causa à nobis in cō

mentarijs de simpliciu medicinaru facultate demōstrata est: habetq; in hunc modum: Quēadmodum quædā a nobis composita, cōtraria facultate substātiaq; constant, ita & natura ipsa permulta quæ sensui simplicia vidētur, cōmiscuit. id quod in cibis nō paucis est videre. Etenim non sola lenticula, sed & brassica, atq; adeo marina propemodū omnia, quibus testa pro tegmine est, græcis ostracoderma appellata, cōpositam ex pugnātibus facultatibus naturam sortita sunt. Nam solidū quodq; corpus & tardus meatus est, & ventrē constringit: succus vero illi permistus, ad excretionē extimulat. Huius porro rei à coctura manifestū sumi argumentū potest. nā aquā in qua dictorū quodlibet fuit elixū, aluum diluere, ipsum vero corpus sistere experimur. Hinc illud est quod nōnulli dictitant, Si brassicā leuiter coctam, & vniuersim ex lebetē in vas oleum garumq; cōtinens transfusam ante alias dapes assumas: aluū subducat. At alij brassicā quæ græcis disepthos, id est recocta nūcupatur, ad ventris retentionē hoc modo præparāt: Primo simul vt in aqua ebullit, quicquid in lebetē liquidi est, fūditus eximitur, mox pura feruente aqua infusa secundo elixatur: vt si quid propriæ humiditatis post priorē remāsit decoctionē, in hac penitus exuat atq; deponat. Cunctis enim quæ in humido coquuntur, id vsuuenit, vt quiddam ab eius facultate in se deriuēt, ac de sua vicissim por



tiunculā aliquam impartiantur. Id quod in ijs quæ in iure aliquo elixamus, siue legumen, siue animantis particula, siue olus sumatur, quotidie licet experiri. Res nāq; elixa tā gustu quā olfactu ipsius iusculi qualitātē ac naturā repræsentat, ceu ius itidē corporis quod in se elixū est. Totius porro qui nūc nobis instituitur sermonis veritatē hoc pacto licebit explores. Lenticulā, aut brassicā, aut aliquod marinorū quæ dixi animalium decoquito, postea decoctū oleo garo pipereq; conditū, cui libuerit propinato. Idē facito in brassica bis decoctionem perpessa. Nimirū cernes iurulenti potione aluū dilui, solido corpore cōstipari. Quare nō est quod miremur si ab huiusmodi cibus quum simul succus solidūq; corpus ingeritur, tormina & inflationes oriantur. Tū enim quædā vtrinq; pugna excitatur, nēpe solido resistēte corpore, ac moram trahente: succo contrā celeriter ad exitum properante. Quod si mordicās illud excernatur, cessāt symptomata. sin hæreat, tātis per ventrē torqueri, & flatibus distēdi erit necesse: quibus sola pugnantium expulsio finē imponet. Quare quum quibusdam aluus subductu facilis, quibusdam siccior, & difficilis sit, pro illius vtriq; natura, symptomatis quæ ab huiusmodi cibus fiunt, afficiētur: nempe modo succi, modo solide partis facultati ventre succurrente. Duabus nāq; cōtrarijs simul commissis causis, vnam superare, alteram succuma-

bere est necesse. Id ipsum & a vetriculi affectibus accidit, non natiuis quidem illis, sed occasione quapiã subortis. Nũc enim pituitosum in eo humorẽ, nunc biliosum acervari contingit. Ipse item pituitosus, iam acidus, iã falsus, iã dulcis est, quandoq; sensibilis prorsus qualitatis expers. Rursum idẽ aut liquidus est, aut crassus, aut glutinosus, aut dissipabilis. Et in bilis genere, aliud flauũ, aliud pallidũ cernitur: estq; in vtroq; multiplex pro maioris & minoris ratione discriminẽ: vt interim alias eius species præteream quæ laborantibus iam corpusculis superuenire consueuerũt. Ergo dictorum humorũ quilibet, siue ad excretionem, siue ad alui retentionem sit accommodatus, postea quàm solida ciborum memoratorum corpora suis cum succis in ventrem peruenerunt, ijs quæ eiusdẽ secum sunt facultatis, suppetias fert: ijs quæ contrariæ, aduersatur. Itaq; duas in genere causas supra recẽsuimus quam ob rem ijsdẽ sumptis cibis diuersi in ventriculo effectus sequantur. Iam vero præter naturalem constitutionem, & liquidas solidasq; τὸν ἰδιόμεινον, hoc est eorũ quæ eduntur, parteis, tertia quoq; adinuenta est. Nec vero apud Græcos siue ἰδιόμεινα, siue ἰστέα, siue τροφὰς dicas, quicq; intererit. Siquidem & ijs nominibus, nec minus etiam σπρία & βρόματα illi ea quibus vescimur, appellant. Sic namq; in volumine populariter grassantiũ morborũ scripsit Hippocrates, τὰ βρώ-



» *μετα*. i. escas potusq; experiētia examinare oportet  
» an ad æquale spatiū maneāt. Ac alio rursus in loco,  
» Exercitatio, *σπιτιον*, hoc est, cibus, potus, somnus, ve-  
» nus, omnia moderata. Itaq; nominū (id quod iugi-  
ter monemus) curam negligere, nec de eorum vīu,  
si quidem omnibus græcis sint vsurpata, anxie tor-  
queri oportet (quod de latinis quoq; dictum acci-  
pi velim) sed contrā rerum ipsarum cognitionē am-  
plecti, ac gnauiter consēctari. Alimenta ergo citi-  
tardive transitus esse comperiuntur, aliās ob naturā  
a primordijs ingentam, aliās ob aduentitium ven-  
triculi affectum, nonnunq̃ ob peculiarem aliquam  
propriamq; esculentorum ac poculentorum natu-  
ram: quandoquidem ex ijs ipsis quædam humida,  
quædā sicca [durave] sunt: ceu alia glutinosa & tena-  
cia, alia friabilia diuiduaq;. Nōnulla deniq; acrimo-  
niam in se habent, alia acorem, aut amaritudinem,  
aut dulcedinem, aut falsitatem, aut austeritatem,  
aut acerbitem, aut alias extra has medicas vires,  
eiusdem cum ijs quæ purgantibus medicaminibus  
insunt, generis. Siquidem atriplex, blitum, malua,  
cucurbita, quia glutinosa & perhumida sunt, alijs  
quæ talia non sunt, celerius subsidunt: ijs potissi-  
mum qui sumptis illis in solo leniter obambulant,  
sensim modiceq; cedentia. Quippe concussione  
promptius, quā si quietus sedeas, delabuntur.  
Ad hoc genus pertinent mora, dulcia cerasia, & ex-

DE. ALIMEN. FACVL:

vinis item quæ dulcia simul crassaque sunt. Pepones quoque, et quos melopepones vocant, humiditatis glutinisque nomine ventri molliendo idonei sunt. quâquam ijs quoque mediocriter abstergendi facultas concessa est, maximeque peponibus: quam facile, si sordida aliquam ijs partem confrices, perceperis. protinus namque cernes quicquid est sordium extergeri. ideoque inter ea quæ urinam mouent, connumerantur. Humidis autem aquosisque corporibus & præcocia vocitata & persica merentur ascribi: ac in totum quæcumque nullam eximiam gustu aut olfactu qualitatem præ se ferunt. Quæ, si quidem venter deiectioni sit accommodus, non egrè transeunt. Sin minus, hærent & ipsa in supernis locis, nihil ad expulsionem conferentia. Etenim huiusmodi edulia mediū quodammodo inter aluum sistentia, & aluum prouocantia, locum sortita, exiguum quid in alteram partem afferunt momenti si in ventrem incidant nec ad excernendum valde residem, nec ad distributionem procliue seu vehemētem. Adeo hinc quoque aluum aliquando retineri contingit. Atque ipsum melicratum, si quando membratim celerius digeratur, nihil aluo ad excretionem conferet: quin imò cibus secum commistis ad digestionem præbit. Contra si distribui non anteuertat, excretionem non secus ac flaua bilis, acrimoniæ & mordacitatis suæ causa iritabit. Hoc ergo esculentorum ac poculentorum genus dūtaxat mordicatione sua ventris parteis ad



expulsionē iritat. Ceterum & latinos ventris, & græcos κοιλίας vocabulo intestina etiam comprehendere haud arbitror obscurum. Hinc nempe hi προγάστρα & μεγακοιλία, nos item vētre prominulo, & vētricos homines illos esse dicimus, quibus intestina propēdere, magnoq; extare spatio cernimus. Sunt porro alia quædam ventri subducendo apposita, quæ in se medicinales virtutes commistas obtinent, quales in scammonia, & colocynthide, quæ sylvestris est cucurbita, veratro, ac id genus alijs cōspiciūtur. Horū enim natura cibo & medicina cōmixta est, ceu si ipse in ptisanæ cremorē succi scāmōnij paululū quid iniicias. Quippe sensum quidē sic effugerit, sua vero efficacia minime delitescet, sed aluum palām delaxabit. Atq; hoc quibusdam Hippocrates insinuasse videtur quū inquit, In cibo medicina. Alij nō id solum, sed de illis quoq; accipi posse sermonem voluerunt, quæ neq; alendi neq; purgandi corporis habēt potestatem. Hæc enim inquiunt nō modo vt cibos, verū etiam vt medicamēta nostrum in corpus identidem agere, cum manifeste id calfaciant, refrigerēt, siccent, atq; humectent: veluti dum horum nihil in homine efficiūt, sed ipsum tantūmodo alunt, tū medicamenti nomen haudquāq; promereri. Sunt autē sane q̄ pauca id genus edulia. Quotquot vero & quæcunq; tandem ea sunt alimenti duntaxat rationem planē obtinentia, sumentis corpus in qualitate non

DE ALIMENT. FACVL.

immutabunt. Etenim quod refrigeratū, calfactū, humectatum aut siccātū est, secundum qualitē permutatū dicimus. At quod ex cibo portionē aliquā in locū resolutæ substantiæ sibi suffecit, id ab illo duntaxat vt alimēto iuuatur. Quāobrem quæ mediij sunt temperamenti, nulla eximia qualitate prædita, ea merè alimenta sunt, non etiam medicamenta: ventremq; nec soluūt, nec retinent: stomacho nec robur nec languorem inducunt: sicuti sudores vrināve nec prouocant, nec coërcēt: nec aliam quāuis dispositionem calidam, frigidā, humidā aut siccam animantis corpori conciliant: tale id prorsus asseruantia, quale acceperunt. Cæterū hic finitio quēdā mire utilis exoritur, quæ ne ipsa quidē a Diocle posita est, vt nec aliarum vlla quas hæcenus recensuimus. Siquidem hominis corpus, quum mediæ omnino tēperature fuerit, per alimenta mediæ temperaturæ eo in statu seruabitur. At si hoc frigidius, calidius, siccius aut humidius sit, mediij temperamenti cibum & potum perperā exhibueris. Quippe huiusmodi corpus quatenus ab exacte mediā tēperie recessit, in diuersum statum, idq; per præsentis distēperantiæ contraria, mutari postulat. Pari autem interuallo in vtraq; oppositione cōtraria vtrinq; à medio discedāt oportet: vt si tribus (verbi gratia) numeris à mediā cōstitutione ad calidiorem corpus deflexit, totidem cibū quoq; à mediā ad frigidiorē deflectere erit necesse.

qd Alimenta necesse dicitur

remedio theriaca  
equale in gmo.  
idem pot. comp.  
med. 2. cap. 30.



Sin quatuor numeris illud ad humiditatem declinauit, totidem hunc tēperato sicciorē esse cōueniet. Atq; hinc sanē permultos est inuenire qui de ijsdem cibis ex diametro pugnantia pronuncient. Nuper enim duos inter se concertantes spectauimus, quorum alter salubre, alter insalubre esse mel affirmabat. Siquidem ex illato sibi à melle affectu vterque coniectura vtebatur: nondum illud intelligentes, haud eandē initio omnibus mortalibus concessam esse naturam: nec, etiam si esset, immutabilem eam in ætatis decursu, veluti nec in temporum ac locorū variatione, tueri licere: vt ne in præsens pro exercitijs, vitæ ve institutis, & victus ratione, natiuū corporis habitum immutari posse cōmemorem. Continuo igitur eorū qui de melle ita inter se disceptabant, alter ætate senex, natura pituitosus, vitæ inertis ignauaq; erat, ab omnibus munijs, atq; ijs etiam quæ balneum præcedunt exercitijs alienus. quas ipsas ob res mel ei apprimē cōueniebat. Alteri vero biliosa natura annos nato triginta, quotidianis negotijs molestijsq; districto, non abs re celeriter mel in bilē cōuertebatur: ex quo plus illud obesse quàm prodesse iudicauit. Noui & ipse quendam qui os vētriculi non recte sibi habere quereretur. quod cū ab acervata in eo pituita prouenire, ex ipsius sermone intellexissem, cōsului vt vna cū sinapi betam & porrum voraret: quorum equidem ope incisa pituita,

largiterq; per aluum excreta, ab omnibus tētationi-  
bus est liberatus. Atenim idem aliās ob acreis cibos  
cruditate & ventriculi morfu vexatus, sumpto rur-  
sus cum beta sinapi, non modo nō leuabatur à mor-  
dicatione, verumetiam longe cruciabatur atrocius.  
Et ipse sanè admiratus quinam fieret vt ab ijs quæ  
antè summopere iuuissent, nunc grauius læderetur,  
ad me accessit causam rei sciscitaturus. Itaq; homi-  
nes rei medicæ imperitos in his falli minime est ab-  
surdū. Verum medicis viris speculationes plerasq;  
mire vtilēs indistinctas & indeterminatas relinque-  
tibus, quis est hominum qui ignoscendum putet?  
Etenim non simpliciter saxatiles pisceis permultis  
quidem faciles esse concoctu, à nonnullis tamen bu-  
bulam facilius confici dicēdum est: sed vtrosq; præ-  
cise discernere oportet. Sic vtq; & de melle non se-  
mel & absolute statuendū, sed cui ætati, naturæ, tem-  
pori, regioni, vitæq; rationi vtile aut noxium sit, ad-  
dēdum est, veluti quod calidis & siccis perquam re-  
pugnat, frigidis vero & humidis maiorem in modū  
conducit, siue ea temperies sit ab ætate, siue natura,  
siue regione, siue anni tempore, seu vitæ cōditione.  
Itaq; ad præsentem speculationem summe videtur  
necessarium, hominum pariter ac ciborū tempera-  
mēta consyderare. Atque hominum quidem qua-  
lia sint, & qua ratione dignoscere conueniat, in com-  
mentarijs quos de temperamētis inscripsimus, di-



ctum est: ceu utiq; & de medicamentis in ijs qui de illorum facultate pertractant. In praesentia vero tempus exposcit ut alimentorum temperaturas exequamur, sicut in libro de victus ratione scriptum est, qui, ut nonnullis placet, Hippocratis est: ut alijs, Philistionis, aut Aristonis, aut Euryphontis, aut Philistae: quorum nullus non inter antiquos habendus. Initium vero ipsius secundum quaedam exemplaria hoc est, Vniuscuiusq; cibi ac potus vires tam eas quae ab arte, quam eas quae a natura, sic oportet dignoscere. In alijs autem istud, Regionis cuiusq; situm ac naturam sic oportet dignoscere. Ergo quum seorsum commentariolus ille circumfertur, de victus ratione inscribitur, estq; secunda pars operis totius in tres diuisi. Cum vero totus codex tribus voluminibus constans, indiuisus inuenitur, de natura humana & victus ratione titulum praefert. Secundus igitur liber quo cibi recensentur, fortassis haud iniuria Hippocratis esse statuatur: sed primus in permultis ab hippocratica sententia recedit. Verum haec ceu praeter institutum obiterq; sint dicta. Quicumq; tandem ille memoratorum virorum author dicendus sit, is certe ad vniuersalem quandam methodum cibatus rationem referre voluisse videtur. Qui enim hordeum natura frigidum, & elixatione humidum esse scit, quique corporum temperaturas tam a natura comparatas, quam per affectum, quempiam accersitas pernoctat,

DE ALIMENT. FACVL.

is rite non tantum sanis, verumetiam laborantibus hordeū cibo exhibebit. Quin idem & cataplasmate ex hordeacea farina percommode vtetur, qui & corporis & hordei temperamentum tenuerit. Nec vero satis fuerit principem maximeq; propriā vniuscuiusq; cibi temperiem nouisse, sed, vt in libris de medicamētis monstratum est, eas quoq; quæ ex hac oriuntur qualitates callere oportet. nec enim hę minorem illa vtilitatem præstant. Quarum pleræq; in sapore, nisi vtique omnes, quædam etiam in odore consistunt. Quoniam enim vnūquodq; ex calido, frigido, humido & sicco quodammodo temperatū est: idcirco hoc dulce, illud amarum, falsum, acerbū, austerum, acreve apparet. ἄλυκοι autem, quod falsum interpretamur, nihil aliud quā quod græcis ἀπὸ τῆς ἀλμῆς, hoc est muria, ἄλμυρος dicitur, significat. nam vtraque voce vna quædam res designatur. Item acerbi & austeri cōmune genus est, quod græci σύφοι, nos adstringens vocamus. Cæterum in quarto libro de medicaminum simplicium facultate, de omni saporū genere late fuscq; differuimus. Ac si quis quæ nunc tradimus, animo consequi volet, omnino necessariū est illū prælegisse: ne quæ semel de ijs dicta sunt, hic repetere cogamur. Ergo ciborū quidā, vt pauloante memoratū est, nullā insignem gustu aut odore qualitātē præ se ferunt: quos ἀποις & ὑδατώδεις græci, id est qualitate vacantes



& aqueos nominant. quidam perquam manifesta cōstrictione, aut cōgenita dulcedine, aut acrimonia præditi sunt, sicut nonnulli quoq; falsiores aut palam amari videntur. Quare perspicuum est eiusmodi eandem potestatem cum ijs obtinere medicamentis, quorum similitudinem sapore referunt. Cæterum in commentarijs de medicamentis, causam explicauimus quāobrem adstringentia quædam diuersum ab alijs adstringētibus effectum sortita sint, vt aloë, æs vstum, atramētum sutorium, flos æris, squamæque, & chalcitis. Etenim cum in vnoquoq; istorum adstringenti facultati & substantiæ alia quæpiā admixta sit, euenit vt opera quæ singillatim edunt, sint diuersa, perinde ac si malo cotoneo scāmoniam inferas: quod utiq; interdum facimus. nam excavata interiore mali particula quæ semen tangit, cauum locum scāmonia impletum oblinimus, deinde malum ipsum assamus, atq; ita assum mandendū offerimus. Quod nanq; hunc in modum præparatum est, absque stomachi subuersione aluum subducit. Quauis enim facultas græcis cathartice appellata id est purgans, quam latini quidam ventrifluam seu aluiducam dicere tentauerunt, quæ malo per scāmoniam acquisita est, in ipso exuperet: propria tamen [substantia] semper manet. Alioqui nec iucundum nec adstringēs nec vtile stomacho esset. Sic ergo cibaria quædam virtutem quampiam aut depur

b.j.

*Scamonia*

gantem, aut aliud quippiā agere natam continent. Quāobrem saporum facultates suspectas minime esse oportet, quasi id præstare [non] queāt ad quod natura sunt comparatæ. Siquidem cuicunq; qualitas inest adstringens, ipsa, quantum in se est, admotā corpora colligit, stringit, ac refrigerat. Idem autē corpus nonnunquam aliquas sui parteis calfacientes, aliquas infrigidantes habere potest: velut in libris de simplici medicina ostensum est: ita scilicet eas permiscente natura, vt solēt medici quidam frigidō cuiuspiam pyrethrum aut piper interdum commiscere. Itaq; hæc, vti diximus, in commentarijs de medicamētis amplissime pertractata, præsentī doctrinæ maiorem in modum cōducunt. Etenim particulatim cuiusq; cibi cōfectionē ijs quibus ea præcognita meditataq; fuerint, inuenire erit expeditū. Proinde & nos quandoq; teutlophacen à beta & lēte commistis vocitatum edulium offerimus: atq; ante nos Heraclides Tarentinus nō tantum inculpatā valetudine fruentibus, verumetiam malo aliquo affectis exhibebat. Principio ergo illi betarum copiam iniijcimus: deinde cum volumus condire, aut salis plusculum, aut dulcem garū, sic nempe aluum subducit efficacius. Sin hoc non destinasti, lentem excorticatā bis decoquito, aqua videlicet priore effusa, dein salis aut gari portiuncula addita, paucū quid eorum quæ aluum morantur, iniijcito, puta acetum,



ea mensura, vt gustum nō offendat. Ita enim cibum pariter & medicinam confeceris, plerisq; diuturno alui profluuiο vexatis non minus iucundam, quā salutare. Dixi porro plerisque, non omnes complecti volens. Nam hic quoque limitationum est vsus, per quas diuturno ventris fluori obnoxiorum affectus possint inueniri. Omnino enim nullius rei vires experientia commode indagabis, nisi prius per rationem ad vnguem compertum habueris affectum cui applicatur quod exploras, siue id cibus, siue potio, siue medicina sit. Quippe talium cognitio est materia auxiliorum, non autem ipsorum auxiliorum cognitio. Quoniam vero nisi exacte rerum quibus vtimur, vires calleamus, illarum ope egentibus succurrere haud valebimus: necesse est vt alibi de medicaminum, ita hoc quoque loco de alimentorum facultatibus differere. Harum porro cognitio longo tempore cum ex certa definitaq; experientia, tum ex odorum saporumq; naturis quæ examinatis rebus insunt, ad hæc, consistentia quam & glutinosam [aut friabilem] & laxam aut densam, & leuem aut grauem esse cōtingit, vix demū rite percipitur ac consummatur. Adeo enim hæc omnia ad illarum inuentionem expediunt, vt si in peregrinam delatus regionem, esculenti quid nunquam prius tibi conspecti offenderis, permultas sis occasiones habiturus ad eius pernoscentiam facul-

tatem. Cæterum quæ Mnesitheus de radicibus, caulibus, folijs, fructibus, seminibusq; prodidit, nō vsq; adeo certa firmaque sunt, si præcisa & determinata experientia ipsa iudices: quod ex ijs quæ sequentur, fiet manifestum. Quippe de vnoquoq; edulio proprium sermonem statui contexere, etiam si prolixior is interim sit futurus. Denuo nanq; alio tractatu, breuiore quidem illo, sed qui in arte consummatiss erit peridoneus, omnia complecti poterimus: quandoquidem exercitatio quæ per diffusam enarrationem, & solidas traditiones præceptorum excolitur, sola nos effingere artifices valet: ideoq; non incite illud mihi vulgo ferri videtur, Optimam esse doctrinam quæ viua voce hauritur, non autem quenquam ex libro nauclerum, aut militiæ ducem euadere, aut alterius artis magisterium seu professionem adipisci. In hoc nanq; comparati sunt libri, vt eorum quæ antè didicimus, monumenta & commentarios habeamus, nō vt rudes & ignari per illos ad viuum perfecteq; edoceantur: nisi qui velint, & hi præceptoribus destituti, ijs quæ luculente & recto ordine tradita sunt (qui nobis scribendi mos est) diligenter incumbere. Hi nanq; ex priuato suo studio, præsertim si eadem relegere identidem nō grauentur, fructum non poenitendum sunt percepturi.



## DE TRITICO.

**T**ritici iniuria plerique medicorum præsentem doctrinam à tritico auspicati videntur: quandoquidem cum apud Græcos omneis, tum etiam Barbaros complures semen hoc & frequentissime & summa cum vtilitate usurpatur. Inter cætera autem laudatissimum est cui prædensa confertaque vndique est substantia, vt dentibus vix queat confringi. Id enim exigua mole corpus valentissime nutrit. diuersum ab hoc facile dentibus frangitur: fractumque, rarum & subinane apparet, nec ex magna mole magnam alimoniam præstat. Quod si vtriusque parem modum libeat pendere, densum multo maiore ex parte propendere cernes. Est itidem & colore id quam laxum magis flauo. Cæterum horum naturam non simpliciter decet explorare, quod foris & superficie tenus extat duntaxat contuendo: sed diffringere quoque & comandu care oportet. Etenim sæpenumero quod foris subflauum densumque apparet, intus rarum, laxum, albidumque conspicitur: quod utique plurimum & furfuris habet: sique posteaquam molitum est, tenuissima farina cribro succreta, reliquum in panes quos Græci pityrias nominant, id est furfuraceos, conuertas, infirmum præstare alimentum, & ventrem excrementis implere eos comperies: ac proinde facile per intestina descendere: tametsi ad celeriorē transitum

b. iij.

Bonu tritici  
quale sit

panis furfuraceus

DE. ALIMEN. FACVL.

*panes mundi*

furfuris absterforia facultas suo iure iuuabit, ut pote stimulat ab ea ad excretionem intestinis. his contrarij panes omni ex parte puri nitidique sunt, plurimum ponderis exigua mole eleuantes. Inter omnes vero hi tardissime deijciuntur. Quinetiam eorum massam glutinosam admodum est videre, adeoque tenacem, ut quam longissime indiuulsa trahi possit. quod glutinosis corporibus proprium est. Quapropter hos ampliore fermento saturare, omniumque maxime subigere par est: nec illico post inditum fermentum & subactionem coqui debent. Furfuraceis vero paucum fermentum, leuis elaboratio, breueque interuallum sufficit. Coquuntur item prolixius puri, citius furfuracei. Cæterum medij inter mundissimos, & sordidissimos panes, longe lateque pro minoris maiorisque ratione inter se discrepant. Alij nanque mundi, alij sordidi & nominantur, & reuera sunt. Præter hos tamen aliud est panis genus plane in his mediis, Græci nunc autopyrum, antiqui medici synonymistum appellarunt. atque hunc quidem ex confusanea farina furfure à candido neutiquam creto conflare, græcæ voces perspicue significant. ἀυτοπυρρον enim dicitur, quoniam ὅλον αὐτὸς ὁ πυρρὸς, id est totum ipsum triticum nulla sui parte adempta in panificium cedit. συγκόμις autem, quoniam in eum συγκομίζεται, hoc est conuehitur seu confertur



simul furfur, vtricoli, & similia. Verum & inter istos ipsos qui ad vnguē medij inter furfuraceos & quā nitidissimos panes esse videntur, non mediocre est pro varia tritici natura discrimen. Etenim ex denso prægrauique semine panis præstantior, ex stolido leuiq; deterior fit. Ac panis quidem syncerissimus cum a Romanis, tum ab omnibus ferè qui illorum subiacent imperio, siligineus vocitatur. Huic proximus similaceus, qui græce ab antiquo nomine semidalis dictus est semidalitis. nā silignis, quæ latina inflexione siligo dicitur, græca vox non est: at nec apud illos alia habetur. Inter panes igitur summum alimentum præstat siligineus, mox similaceus, tertio medioque loco is quem Autopyrum græce vocari diximus. Quartus ab his est sordidus. Postremus furfuraceus, qui inter omnes imbecillimus est, & quā citissime per aluum descendit. Panes autem ad concoctionem appositissimi sunt qui plurimum fermentati & approbe elaborati, in furno igne moderato percoquuntur. Nam profusior ignis primo statim occurſu adurens exteriorem superficiem in testæ modum inducat, ex quo vtrouque ineptum prauumque panem fieri contingit, vtpote qui cruda incoctaque interiora habeat, ambusta obarida & crustacea exteriora. Ignis vero iusto minoris vis in totum panē nequit penetrare, ideoque illū nō percoquit, sed relinquit

b.iiij.

crudiore, maximeque intimas partes. Qui autem longiore spatio vndiq; equabiliter perassatur, hic & probissime in ventriculo concoquetur, atq; ad sequētes functiones erit accommodatissimus. Contra is deterrimus panis censendus, cui nihil comprehensorum inhæret. Equidem quum iam fines probitatis & prauitatis in panibus statuerimus, nulli posthac vel nobis tacētibus difficile fuerit intelligere quosdā esse aut optimis aut deterrimis vicinos, quosdā porro ab illis semotos, aliosque nonnullos in horū amorum confinio collocari. Itaq; quemadmodū supra de melle admonuimus nō simpliciter pronunciādū esse id sanitati vel conferre vel officere, sed pituitosa quidē nature, hoc est iusto humidiori & frigidiori, ac vtriq; etiam seorsum, hoc est vel frigidiori dūtaxat absq; multa humiditate, vel humidiori absq; excessu frigiditatis diximus cōuenire, calidis autē naturis, ac in his multo magis calidis & siccis, aduersari: ita nūc quoq; censemus, panes nō exquisite coctos, nec valde fermentatos athletæ [iuueniq;] ex vsu esse, priuato autem seniq; homini apprime in furno coctos, & abūde fermentatos. At qui omnino fermento caret, nemini prorsus is erit accōmodus. Quod si caseus insuper addatur, ceu rura nostra festis diebus facere cōsuerūt, quē azymū nūcupāt, præsto quibus uis etiā robustissimi corporis noxa erit, quales sunt messorum ac fossorum præstātissimi quiq;. Ab his

Mel pini rosos  
juuare



nanq; panes non fermentatos facilius q̃ à grauibus  
 athleticis confici videas, ceu vtiq; bubulā & hircinam  
 carnē. Quorsū enim ouillæ aut caprinę post has at-  
 tinet meminisse? In Alexādria asinina quoq; vescun-  
 tur. Atq; adeo sūt qui à camelina nō abhorreāt. Ad  
 horum porrò concoctionē tum consuetudo, tū vero  
 etiam parciōr assumptio conducit, ac deniq; ipsa to-  
 tius corporis inanitio, quæ illis supuenire solet qui  
 de mane ad vesperam vsq; in statis negotijs desuda-  
 runt. Nam vacuæ venę nō tantum semicoctū succū,  
 verū etiam omnino rudem & incoctum ventriculo  
 nonnunq; præripiunt cum à cibo statim laboratur.  
 Qua de causa grauissimis quoq; illi morbis tandem  
 corripiuntur, raroq; ad iustā perueniunt senectutē.  
 Atq; hæc vulgus ignorans, beatos illos de corporis  
robore prædicat, cū ea & esse & concoquere cernūt,  
 quæ nemo nostrū ne deuorare quidem possit, nedū  
 concoquere. Enimvero & graues alti q; somni, qui  
 defatigatos arctius solent complecti, quum conco-  
 ctionem ipsam mirifice iuuent, multū afferunt mo-  
 menti ne à prauis edulijs dānum accipiant. Quippe  
 si plures ex ordine noctes peruigilare eos cogas, illi-  
 co morbum incurrēt. Illis igitur vnicum hoc ad pra-  
 uos cibos peruincendos datū est. Athletę autem vt  
 crassos lentosq; optimi certe succi cibos comedunt,  
 qui quidem in ipsis graues censentur: quo nomine  
 palęstritę potissimū accipiebātur, nūc vero & pācra-

*Labor à cibo  
noceat*

*Nota d' vniuersis*

tiastæ & pugiles. Quoniã enim omnes illorum apparatus certamina spectant, ijsq; solis destinantur, in quibus totos aliquando dies aut luctandũ, aut pãcratia sunt obeũda: idcirco cibaria quæ nec corruptibilia, nec euaporabilia facillè sint, expostulāt. huiusce modi vero sunt crassa & glutinosa, qualis in primis est suilla caro, & panes in eum quem diximus modũ præparati, quibus legitimi duntaxat athletæ vescuntur. Siquidem priuatus quispiam, nec exercitijs deditus si in eius cibi vsu diuersetur, aliquem redūdantiæ morbũ, græci plethoricũ vocant, celerrime sit incursum: vti sanè qui exercitijs assuetus est homo, si olusculis & ptisanæ cremore tãtum victitet, vniuersum corpus protinus corrumpet & exhauriet. Succus porro ex panibus illis redūdans quibus athletas pasci dicebã, si quis nostrũ de vulgo illos esitet, crassus gelidusq; erit, qualẽ proprie crudũ nominare cõsueuimus. Quamquam est sanè pituitosus quoque humor & crudus & gelidus, verũtamẽ haud crassus, vt qui humiditate multa & flatulẽto spiritu sit repletus. Crudus autẽ humor proprie appellatus talis est quale sedimẽtũ in vrinis, puri quãdoq; adsimilis: sed pus & graueolens & glutinosũ est: crudus vero succus crassitie & colore illi duntaxat similis, & odoris grauitate caret, & lentore. Nec vero in febribus tantummodo quæ ex crudorum humorum copia generatur, tale quid, quale dicebam in vrinis subsidit, sed



per sanitatem etiam in ijs qui laboribus inediaque diuexati, duros difficileſq; cibos ingeſſerunt. Ac de alijs quidem aliàs. Nunc quoniã de panibus primo ſtatuiſmus dicere, prædictis hæc item adnectamus. Eorum laudatiſſimi ſunt qui in clibano coquuntur: Græci clibanitas, Romani textuaceos nominant: ad eum quem præſcripſi modum & cocti, & ad ipſam coctionem adornati. Proximi ſunt qui hipnitæ, id eſt furnacei nuncupantur, eodem videlicet modo inſtructi: hoc tamẽ clibanitis inferiores, quod intima ijs pars non æque percoquatur. At qui in craticula, aut feruidis cineribus, aut foci tegula, quos inde focaceos vocant, furni loco aſſantur: noxi planè ſunt, inæqualiter attemperati. exuſta nanq; ſuperficie, intimæ partes crudæ relinquuntur. Subcinerici autem vocati, quoniã cineribus tecti aſſantur, ab illis ipſis neſcio quid noxę contrahunt: quapropter omnium tantũ non deterrimi cẽſentur, quod quidem ad coquendi attinet rationẽ, alijs nimirum omnibus pari modo ſe habentibus. Haud aliter enim quæcunq; iam diximus, accipienda ſunt, quàm vt in illis duntaxat quæ adinuicẽ cõparantur, diuerſitas mutatio ve eſſe intelligatur. Si qua vero nõ ſimpliciter, ſed pluribus inter ſe modis differentia cõponuntur: quę de vnoquoq; membratim & ſeorſum diximus, ea inciſim aceruatiq; vniuerſa cõtinebunt. Itaq; de panis generibus ac differentia abunde tractatum eſt.

**D**E bellarijs autem quæ triticea farina constant, dicere nunc fuerit opportunū. Ergo quæ ab Atticis *τρικυβίτου*, à nobis Asiaticis *τρικυβίτου* appellantur, ex solo fiunt oleo. Principio namq; in sartaginem, vnde & illis nomen, oleum solum funditur, luculento igne substructo, ne fumus contingat: eiq; feruefacto triticea iniicitur farina, multa aqua conspersa. hæc vero mox cocta, cum oleo ipso, quasi mollis caseus in calatho concretus, coit ac conspissatur. Tum autem coci superiorem eius superficiem, deorsum, vt patellam tangat, vertunt: cumque hæc pars satis cocta apparet, sursum agunt, sic vt exstet: ac denuo cum id quod modo inferius fuit, concretū est, versant: bis scilicet aut ter id factitantes, donec strues tota æqualiter vndiq; cocta videatur. Ex quo perspicuum est, cibum hunc crassum crudūque succum gignere, & ventrem constringere. quapropter & à quibusdam mel admiscetur. Sunt qui marinum quoq; salem. Sed is tum inter placentæ genera seu species, siue alio quouis modo loqui libeat, censebitur, velut aliæ quædam placetarum species, quas leui manu ac perfunctorie rustici, & ex vrbaniis pauperrimi quiq; instituunt. Itaque bellaria quæcunq; in furno citra fermentum coquuntur, atq; mox quàm extracta sunt, in mel calidum, vt per omnia id imbibant, præcipitantur, sunt



& ipsa quoddam placentæ genus:ceu adeo omnia  
quæ cum melle ex itrijs definguntur.

## DE ITRIIS, SEV LIBIS.



Triorum duplex est genus. Præstantius  
rhyemata, deterius lagana Græci appellât.  
Quæcunq; ex his ac similagine componû-  
tur, pravi succi sunt, & tarde cōmeant: iecoris mea-  
tus, per quos defertur alimentum, obstruere, lienem  
imbecillem adaugere solita, calculosq; in renibus gi-  
gnere. Sed valenter satis alunt, modo cōcoqui, & in  
sanguinē probè conuerti queant. Quæ quum melle  
parâtur, mistâ acquirût facultatē: nempe quum mel  
ipsum tenui humore constet, admotaq; sibi omnia  
possit extenuare. Quamobrem itria quæcunq; co-  
pioso melle in ipso apparatu saturantur, diutiusque  
decocta sunt, merito & citatius descēdunt, & ex te-  
nui crassoq; mistum humorē procreant. iecori vero,  
renibus, & lieni, recte vtiq; habētibus, magis quàm  
ea quæ melle carēt, cōducūt. Quod si obstructionis,  
aut inflāmationis, duritiæ' ve qui scirrus dicitur, ru-  
dimenta apparuerint: nequaquam alijs minus, sed  
quandoq; etiam grauius oberunt: & multo omniū  
maxime, quorū glutinosa admodum fuerit farina.  
Succus nanq; ex ijs proueniens, non modo retentus  
præ crassitudine prorsum ire vetatur, verum etiā an-  
gustis vatorū osculis seu finibus penitus infarctus

*Rhyemata  
Lagana*

tenacitate vix dissolubili cōcluditur, ac adherescit. & grauitatē vtiq; laborantes ex viscere ita læso persentiscūt: cui extenuāte cibatu potioneq; succurrimus. Alibi porro de tenuatoria victus ratione vnico libello tractatū à nobis est. Quanquā nec thorax nec pulmo ab huiusmodi epulis offenduntur. Verum de edulijs crassum ac glutinosum succum generantibus alio loco rursus differemus. Cæterū præsens sermo alia quoq; hætenus relata vt memoria complectaris exposcit, & maxime omniū, quæcunq; de ipsis panibus eorumq; facultate audiuisti: quoniā nunquam illis nō vtimur. Et nihil sanē fuerit incōmodi, summatim, quæ dicta de ijs sūt, perstringere. Itaq; panis cui fermēti salisq; plurimum inditū est, quiq; à pistore antequam fingatur & coquatur, permultū subigitur, inq; clibano moderate calido assatur, vti supra præcepimus: is demū ad hominis neq; iuuenis neq; exercitijs dediti sanitatē apprimē conducit. Modum vero fermēti ac salis gustu iudicato, quod nanque in largiori horum mistura offenderit, prauum. Intra ergo insuauitatē, dūtaxat quæ gustu percipiatur, illorum mensuram augere conueniet.

## DE PANE ELOTO.



Vi eluendi panis rationē excogitarūt, imbecillioris sanē nutrimentū cibum, sed eum ipsum quantū licet maxime ab obstruēdi noxa immunem inuenerūt. Siquidem quā min-



mum habet hic panis crassitatis glutinisq; vt qui ex  
 terrestri ac graui aëreus leuisque sit factus. Eius  
porro leuitatem cum in statera, si pendas, tum quod  
in aqua non submergatur, sed instar suberis super-  
natet, facile est conspiceret. Cæterum eduliū quod no-  
 stra rura ampla triticeę farinae portione cū lacte deco-  
 cta crebro parant, scire licet ipsum quoq; in eorū nu-  
 mero quæ infarctu obstruūt, habendū. Huiuscemo-  
 di ergo cibi omnes vt & probi succi, & alibiles sunt,  
 ita assiduo vtentibus nocent, in iecore obstructionē,  
ac in renibus calculos pariēdo. siquidē crudo humo-  
 re glutinosū simul adepti, siquādo renales vię natura  
 angustiores aliquibus cōtigerit, crassissimū quodq; &  
 maxime glutinosū in illis herens trahēsque tophū seu  
 porū facile ingenerat, qualē in caldarijs vasculis coa-  
 lesceat, & spōte nascētū aquarū saxis adnasci sæpe  
 numero videmus. Quinetiā renū ipsoꝝ tēperatura  
 cū veluti igneus & acris eorū fuerit calor, huic malo  
 plurimū solet adijcere. In hoc itē genere sūt & pori  
 illi quibus articularij discruciantur. Quicquid enim  
nostro in corpore redundat, semper ad parteis con-  
fluit maxime imbecilles: in quibus aliquem tādē  
affectum pro sua natura exsuscitat. Cæterū de vni-  
 uerso crassi succi vsu ac natura, in sermone de lacte  
 rursum agemus, ceu vtique cum de incrassantibus  
 edulijs mētio inciderit: quandoquidem & alia quæ-  
 dam huiusce sunt facultatis.

*panis lotus  
supernatat*

*Cibi obstructione  
iecinoris (vici chro)  
et renū calculos  
procreantur*

*Causa efficiens Lapidis.*

*tritic. dicitur alicam  
in xpo.*

**T**riticæi valentissimiq; generis est alica, glutinoso succo prædita, siue in aqua dūtaxat coctam cum mulso aut dulci vino aut etiam aultero sumas, (nam suo quodque tempore vsui accommodatur) siue ex oleo salēq; conditā. Nonnunq̃ & acetū illi iniicitur. Atque præparatam hanc alicam seu chondrum medici ptisanæ confectionem fuisse dictitant: quidam chōdri ptisanam, nutritum ea laborantem referentes. Veterum nonnulli, veluti Diocles & Philotimus, ptisanam triticeam alicam hoc modo instructā appellitāt. Quapropter eius nomē apud antiquos perrarū est, quēadmodū & sitanum, quod trimestre triticū appellamus. cōmuni enī nomenclatura triticū ipsū nomināt. Dictū porro est in libro Hippocratis de victus ratione, panes ex alica abunde nutrire, sed tardius excerni: præterea similaginem & alicam coctam valentissimi esse cibi. Verū multus horum vsus fugiendus est, ijsq; maxime quibus iecur facile obstruitur, aut renes calculis gignēdis sunt appositi. Cæterum diligentissime dum ex alica elota forbitiones parātur, animaduertere oportet. Hic nanque eius est succus aquæ commistus, qui cū prolixius decoqui postulet, cocis subinde, quasi satis coctus sit, solet imponere. atqui nō exiguum hinc ægrotis, quibus scilicet parāt, dānum conciliatur. Ocius enim, cum glutinosus sit, coit, ac



densatur. Conueniet ergo admista multa aqua super prunas decoquere, subinde peragitando, donec exacte coctus videatur. tunc vero & sal erit adijciendus. oleū si protinus ab initio infundatur, nihil fuerit incommodi. Sed hæc obiter, & in trāscursu sint dicta, magis ad medendi rationē, quā ad præsens negotium spectantia. Qui autem per sanitatem ob uehementem ventris mordicationem siue à biliosi humoris copia, siue aliunde profectam, forbitione egent, ijs alicam affatim coctam, quoad teneram flaccitatem adepta colliquescat, deinde conditam & colatam, vt ptisanę colatitio cremori persimilis sit, sorbendam exhibeto. Eadē elotę alicę cōdiēdę ratio est.

*Modus decoquendi  
Alicam.*

*Quibz conueniat  
Alicę exhibitio*

#### DE TRITICO IN AQUA ELIXO.

**I**nō ipse aliquando triticū in aqua elixū comedissem, nūquā aliquem eius in cibo vsum esse sperassem. Etenim nec fame grafsante ad hūc vtēdi modum quis facile cōfugiat, cum suppetente quidem tritico panē eadem opera formare liceat. In cōenis vero sicut elixum frictum ve cicer, aut alia quædam semina similiter parata pro bellarijs quæ vocant, sumimus: ita triticum elixum à nemine vsurpatur. Quibus de causis elixū triticum nūquam sanē esitari credidissem. Atenim ipse ego cum semel in rus procul ab vrbe dissitum cū duobus meis equalibus peruenissem, offenso iam cōenasse rusticos, meliorum penuria id ingerere fui

coactus. Etenim quedam ex mulieribus quas tū panis defectu operi pistorio accinctas deprehēdimus, ingressis nobis cōfestim triticum in ollam coniectū cōepit decoquere: postq̃ mediocriter id sale condies ad edendum nos inuitare: & nobis profecto, vtpote ex itineris labore famelicis, minime id tum recusandum videbatur. proinde auide affatimq̃ id esitauimus. Verum à cœna grauitatem in ventre ad instar incumbētis luti cōepimus sentire: postridieq̃ toto die crudi cibū fastidientes languebamus, adeo vt nihil omnino possemus assumere. Præterea flatulento spiritu plenis caput dolebat: oculique ceu per nebulam cernentibus caligabant. Nihil enim per aluū adhuc secesserat, quod vnicum cruditatis remediū esse consuevit. Rogabam ergo rusticos num & ipsi aliquando elixum triticum edissent, ac quonam pacto ab illo affecti essent. Illi vero & esitasse frequēter, eadem qua nos necessitate compulso se aiebāt, graueque & contumax edulium huiusmodi triticum comperisse. quanquam sanè id facile vel citra experimentū colligi poterat. Quando enim & ipsius farina comesa, vt antè retulimus, concoctioni rebellis est, nisi per salem, fermētum, cōspersionē, tritationē furnūque edometur ac perficiatur: quis hinc non intelligat rude & illaboratū triticū firmissimū ac pertinacissimū esse? Verūtamē hoc modo ingestū præclaras habet vires, si quidē cōcoquatur: & valenti nu

*Cruditatis vnicū  
Remediū*



trimēto insignē vescētū corporibus robur cōciliat.

## DE AMYLO.



**A**mylū ex tritico conficitur, æquādi ac leuigādi exasperatas partes vim obtinēs, quę communis est omni substantiæ sicce consistētia, constrictiōis, acrimoniæ, atq; alterius cuiusuis manifestæ facultatis exorti: quam ipsam non temere ἀμιλῶν, id est qualitate carentem, vt ad sensum, nuncupant: qualis inter humidās substantias aqua censetur. Cæterum amyllum similem cum elotis panibus habet facultatem, duntaxat illis in alendo tenuius. Nec vero calfacere potest, vti nec eloti illi: quod alijs tamen panibus est cōcessum. Nā cū tritico in aqua elixo ne conferendum quidem videatur: cum palam id exalfaciat, & eximie, dū cōcoqui possit (quod illi vtiq; perdifficile est) nutriat: quemadmodum antè declarauimus.

## DE HORDEO.



**H**oc item semen in frequēti apud mortales vsu habetur, diuersæ à tritico facultatis. siquidem illo palam calfaciente, hoc adeo nō calfacit, ceu quædā in calidi frigidiq; medio cōstituta, vti amyliū, & elotus panis, vt etiā frigerare aliqua ex parte, quocūq; modo paretur, appareat, siue inde panem fingere, siue ptisanā coquere, siue polētā instituere libeat. Recedit præterea humoris speciei à tritici natura hordeū. nā ex succis quos vtrūq; semen

*Tritici codm  
robur ad augm  
facultas amyli*

*Hordeū remigerau*

edere natum est: qui quidem è tritico in nobis prouenit, crassus glutinosusq; est: qui ab hordeo, tenuis, ac non nihil abstergens. Nulla igitur apparandi ratione hordeum vnquam calfacit, sed varie pro modo præparationis nunc humectat, nunc desiccatur. Etenim manifeste cernimus polētam ex tosto hordeo factam siccare, ptisanā cōtrā humefacere, si quidē rite fuerit instructa, hoc est, in ebullitione quā amplissime intumuerit, ac demū igne lento diu, donec affatim in cremorem profudet, percoquatur. Cū porro perfecte intumuit, acetum ei admiscetur: exquisite vero decoctæ sub edēdi tēpus friamentū salis superinijciendū. Oleum si ab initio statim addas, nulla ex parte cocturam vitiaueris. Præter hæc nihil debet admisceri, nisi velis anethi aut porri pauxillū, idq; protinus ab initio. Verū ineptissime à cocis omnibus eam parari video. In mortario nanque crudam tundentes citra ignem dissoluūt. Sunt qui amy lum addant, quò à coctura scilicet in succum abunde contabuisse videatur. Hæc ergo concoctioni admodum renitens, flatus quā plurimos meritò excitat. Sed nos quæ ad rectam præparationem desiderantur, adiiciamus. Crudam ptisanā aliquādiu præmaceratā aqua in mortario manibus terere cōueniet aspera quapiā re, veluti sparto vnde iumentis soleæ nectūtur. vsq; eò autē id faciendum, dū ambiēs cortex deteratur. is enim, quo vestitur ceu tenui tunica,



non totus inter pinsendum decutitur. Quapropter & præmacerari, & in mortario tundi debet. Quod si nō quicquid est aceris deglubatur, elixa ptisana citra vllum aliud damnum magis abstergebit. Longe pessima est ptisanæ confectio cum à cocis cruda in mortario ex aqua tunditur, deinde paulisper coctæ sapa, quā græci hepsēma & sīrēū vocant, iniicitur, ceu à nonnullis mel quoq; & cuminū; quæ cinnus verius quā ptisana dici meretur. At quæ p̄bē parata fuerit, vtilitates ab Hippocrate enarratas & sanis & ægris corporibus præstabit. siquidē lentitia eius, vt inquit, leuis, continua, iucunda, lubrica, modice flaccideq; humecta, sitim arcet: ablutioni, si ea quoq; requiratur, peridonea est: ad strictione caret: turbā, dū coquitur, nō excitat malā. deniq; in vētre nō exturgescit. siquidē inter coquendū in q̄ maximam posuit molē protumuit. Hæc nobis in præsentia de ptisanæ facultate indicasse suffecerit, non medēdi rationem tradentibus, sed alimentorum duntaxat vires. quanquā in sermonis transcurso carptim illorū aliquem quoq; vsum nonnunquam attingemus.

## DE HORDEACEIS PANIBVS.

**N**unc ad hordeaceos panes trāsire fuerit opportunū, qui haud aliter sanē ac triticei passim parātur: sunt tamē nō modo illis, verū etiā olyrinis, & multo magis ipsis typhinis macriores, ac aridiores, nihil in se glutinosi, vt illi, habētes.

*hisane Laudes  
Ab se pot. ioe. biter  
in nobis a culis.  
denonant.*

DE. ALIMEN. FACVL.

Ex quo clarum est exiguam ex eis alimoniã in corpus cōcedere, præcipueq; si ex vili hordeo fiãt, quod Hippocrates ne ptisana quidem dignũ cẽsuit. dum enim coquitur, copioso succo non exuberat. Laudatissimũ est quod vbi pinsitũ est, cãdidũ apparet, proque hordei captu densum ac pōderosum. Item plenum, confertum, ac foris vndequaq; tensum, rugoso casto ac gracili præfertur. Atq; hæ quidem cōmunes publicæq; sint omnium seminum exploratrices notæ. At caue ne illa tibi imponãt, quæ peringentẽ molem suprà quã fert natura, ostẽtant, cũ molli laxitudine & vanitate quadam coniunctam. Scito enim hæc humore excremẽtitio redũdare, & cōmemoratis esse deteriora. Quãobrem nec simul atque collecta sunt, illis vti protinus expediat: sed siccis in locis diu seruanda erunt, partim vt exspiret inutilis humor, partim vt amplius percoquãtur, donec scilicet siccata mediocriter pressa cōtractaq; euaserint. Etenim ab omnibus plãtis, seminibus, fructibusq;, quũ collecta reponuntur, primũ defluit quicquid aquosi subtilisq; adest recremẽti: tãdẽ vero & proprii qppiã ac natiui succi absumitur, ac cōtabescit. Enim uero hæc cũ sicciozem q̃ par sit substãtiã habuerint, vt deteriora sint ijs quæ ad fastigium bonitatis peruenerũt, nõ tamẽ prorsus ceu praua veniẽt reijciẽda: quin affectibus quibusdam ficcari postulãtibz vtilius accommodabũtur. Quæ autem quã diutissi-

Hordeum Lano  
ab, mu, uale

Humiditas  
ultra 863 prius  
conlumy



me referuatur, fathiscunt, & suis viribus destituuntur. Huius porro vitij nota terminusque sit tenuis quidam ex illis diffractis defiliens ceu puluisculus. Hec itaq; semel nunc explicata, semper meminisse oportet. Nam mihi sane voluptati non est eadem de iisdem rebus idētidem commemorare, nisi si quando nuda rerum capita ad memoriam reuocare necessarium videatur. Sed ad hordeaceos panes, de quibus sermo erat, redeamus. In his quoq; differentias quasdam extare dicimus, illis quas paulo ante in triticeis indicauimus, proportionē respondentes. Siquidem omnes hi triticeis multo minus alunt: attamen qui ex probatissimo hordeo conficiuntur, non tam huic vitio sunt obnoxij. At qui ex inaniusculo leuique conflatur, proportiōe similes sunt furfuraceis panibus. Omniū autem promptissime deorsum subeunt huiusmodi panes: quanquam non segniter & alij hordeacei, si ad triticeos conferas. Quę porro in his hordeaceis panibus medię sunt confectiones, eadē proportiōe ijs quas de triticeis retulimus, sūt iudicandę.

## DE POLENTA, QVAE GRAECE

ἀλφιτρον dicitur.

**P**X nouello hordeo mediocriter tosto fit probatissima polēta: cuius si non sit potestas, nonnūq; & ex alio conficimus. Quū porro omnis polēta boni odoris sit: tū potissimū quę ex optimo recētiq; fit hordeo, cuius non sint pręaridę

c. iij.

Signu ore atq

Polenta

# DE ALIMENTIS FACVL.

spicæ, hac gratia commendatur. Compluribus autē per sanitatem ex more est eā conspersam in sapa & vino dulci mulsoq; commistis, aliquando etiam sola aqua, in æstate duabus tribusve ante balneū horis bibere: aiuntq; sentire se, hac potione sitim arceri. Equidem cum austero vino pota, ventrem desiccatur.

Polentam gētes quædā pro pane vsurpant, vti in Cypro agricolas vidi, tametsi plurimū agri frumentarij colerent. Prisci militibus etiam polentā dabāt. Hac verò tempestate, damnata eius imbecillitate, Romani milites non vtuntur. Etenim parum alimonie corpori præstat, quod priuatis & otiosis sanè quàm satis sit, non ijs qui quoquo modo exercentur. Hæc quum liquore conspergitur atq; subigitur, mazæ appellationē, de qua deinceps differemus, assumit. Philotimus nanq; in primo de alimentis libro fuse quidem de hac scripsit, sed quod erat omniū in eavtilissimū scitu, indeterminatū reliquit.

*Philotimus*

## DE MAZA.



Niuscuiusq; edulij vires ante certā etiā experientiam ex ipsius qualitate ac natura licebit conijcias. Etenim perspicacis vir ingenij farinā exacti leuoris candorisq; cernens, atq; ab omni furfurea substantia puram, facile ex ijs notis deprehēdet in vētriculo quoq; citius eam magisq; alterari, eoq; probius cōcoqui,



facilius in corpus digeri, ac prōptius nutrire, vtpote quæ tota adfimulatione & adpositiōe in aliti corporis substantiam cedat. Quicquid autē furfureū in ea durumq; est, vt foris in aqua nō videtur dissolui, eadem ratione ne in ventriculo quidem maceratum colliquescere intelliget: sed contrā integrū omnino & inconfectum, quale assumptum erat, permanere. Ideoq; nec probe cōcoqui, nec distribui poterit: quādoquidem osculis venarum ad ventrem ac intestina pertinentiū minime accommodatum est, ad quæ necessariū est vt stercoreis maior vis ipsum sequatur citatioq; descensus, tum ob grauitatem quam adfert multitudo, tum etiā ob absterforiam fursuris facultatem. Ista igitur rumināti atq; intelligēti perspicuū est, tanto mazam in alendo corpore, hordeaceis panibus, quāto hi triticeis, inferiorē esse. quippe cum hordeum suapte natura fursuris abundans torreatur, id ipsum furfur obduratius infractiusque hinc obtinet, atq; vnā cum eo prāstantiorem hordei partem vnde corpus nutritur, aridiorē. Hac ergo de causa hordeaceis panibus maza minus nutrit, vētrē inflatione magis implet: ac si in eo diu maneat, concitat perturbationes. Macerata verò & pertrita prolixius, promptius descendit. Quòd si mēl quoq; addatur, citius etiam ob hoc ipsum ventrem ad excretionem incitabit. Cæterū quod Philotimus opinatur crassum glutinosum gelidūq; ex omni maza

DE. ALIMEN. FACVL.

succū progigni, quem ipse cū suo præceptore Praxagora vitreū nominat, secus profecto habet: quoniā nec glutinū, quod potissimū in alica apparet, nec valens alimonia polētæ inest. At illū maza fefellit affatim vino dulci sapaq; cōspersa, & longo tēpore subacta: quam ipse, sicut Athenienses, τριωτηρ, id est tritā vocauit. quod enim in ea triticeæ massę respōdet, cū ob longā permollitiōē, tū ob humoris polentæ cōmisti crassitiem sequax ac glutinosum videtur. Etenim sicut crebra cum crasso liquore tritatio facit vt pressata farina vel miliacea glutinis speciem præ se ferat: ad eundem modum ptisanæ cremor apparet glutinosus, tametsi nihil huiusmodi, nihilq; illitricis aut infarctoriæ facultatis gerat, quin incidat potius, & abstergeat, ceu nostræ quoq; cutis sordes extergere conspicitur. Ad hæc si sorbere quēpiam, pauloq; post vomitu eam reiectare iusseris, pituitam deradet ventriculi tunicis adhærētem, eamq; omnem secum per vomitum educet.

DE TYPHA, OLYRA, ET ZEIA,

quam latini semen vocant.



Post triticum & hordeum, typham tertio loco Mnesitheus cōnumerat: at Diocles hanc percurrit negligentius, concisum ac compendiosum scribendi genus diffusæ accuratæq; explanationi præponens. Aequē itē suc



cincte de tritico, hordeo, alijsq; permultis tradidit. Paulo de his prolixius Praxagoras ac Mnesitheus: at ne ipsi quidē faciunt satis. Philotimus de quibusdam admodum prolixē, de alijs egit perieciune. sunt quorū ne verbo quidē meminit, vt zeia. Quod porro nec eius præceptor Praxagoras, in cōfesso est. Nihil enim prorsus eorū quæ is prodidit, Philotimus indictū reliquit: sed multa insuper elaborauit, multaq; arti adiecit. Illud vero mirari subit, quod neque libri de victus ratione, qui Hippocrati adscribitur, author, quicunq; tandē ille veterū fuerit, quicquā de zeia nomine meminerit. Si nanq; typhā a nonnullis zeiam vocari existimauit, id ipsum indicatum oportuit. Sed singulorum verba satius fortasse fuerit adscribere. Diocles ergo in primo ad Plisarchū de sanitate libro, in quo ciborum facultates percurrit, sic  
» inquit: Hordeo triticoq; ante alia in primis olyra,  
» typha, zeia, panicū, milium, virtute proxima sunt. In quibusdā exēplaribus zeia nomen non ponitur. Quin in quibusdam non virtute, sed vsu legitur,  
» hoc modo: Hordeo triticoq; ante alia in primis vsu  
» proxima sunt olyra, typha, panicum, & milium. tāquam aliud quiddā olyræ semen, aliud typhę videatur. Mnesitheus autē vni semini bina nomina indita esse voluit, scribēs ad hūc modū. Ex feminibus cū  
» primis ad nutritionē apposita sūt triticū & hordeū.  
» quod hæc euestigio sequitur, duplici quidem voca-

» bulo nuncupatur: sed res vna est. nā alijs typha, alijs  
 » olyra vocatur. deinceps ista adiungit. Post hæc zeia,  
 » miliū, & panicū. Diocli igitur ea quæ modo recita-  
 uimus, de typha & olyra scribere satis visum fuit.  
 At Mnesitheus particulatim quoq; de ijs exinde ser-  
 monem fecit, primum de tritico & hordeo, mox de  
 » typha scribens, his verbis. Inter alia vero semina ty-  
 » pha principatū obtinet. nā & satis nutrit, & non ma-  
 » gno negotio conficitur. Panē ex zeia nemo affatim  
 » citra sanitatis iniuriā ingerere queat. Quod si quis  
 » insolens eo vescatur, etiam à minima portione da-  
 » mnū sentiet. est enim grauis, & cōcoctioni rebellis.  
 » Qui autē sub gelido ac hyemali coelo degunt, pasci  
 » zeia, ac eā serere, vt quæ frigoribus perstrenue resi-  
 » stat, compellūtur. Atque hi principio non multum  
 » edere assuescūt, tum quia ingrati odoris cibus, tum  
 » quia rarus est illis in locis meliorū frugū prouētus.  
 » Post autem cū iam familiare fuerit eduliū, facillime  
 » in corporibus conficitur. In summa, grauis, cōcoctu  
 » pertinax, valens, ac mēbranosa est zeia. Ex his qua-  
 le semen Mnesitheus zeiam quæ in frigidis regionib;  
 bus terrę mādatur, dici voluerit, liquet apertissime.  
 Equidē nec ipse ego omneis hybernas regiōes per-  
 agrauī, nec ab ijs tamen qui eas perlustrauiſſent, au-  
 diui vnquam aliquod esse frumētaceū semen quod  
 incolæ zeiam aut zeam appellarēt. vtrunque enim  
 scriptum inuenitur, in alijs priore syllaba e & i ha-



bente, in alijs e tantum. Existimare tamen licet fieri potuisse vt indito illi proprio a barbaris alio nominæ, græci vernacula lingua semen hoc zeiam appellarint. Cum ipse aliquādo in Thracia & Macedonia segetem multis in aruis non spica solū, sed toto culmo nostræ in Asia typhæ simillimam conspicerem: quodnam illi apud eos nomen esset, sciscitabar: aiebant omnes & stirpem totam & semen *βειζον* vocari, priore syllaba tribus his literis scripta, β ε ι, sequente ξ & α, in recto casu: in accusatiuo autem cum accessione υ literæ. Ex hoc semine panis fit grauis odoris, ater, & quodāmodo membranosa, vt Mnesitheus loquitur, substantia. Quod si nigrum quoque panem qui ex zeia formatur, esse adscripsisset, libentius crederem id esse semen quod ab eo zeia nominatur. Est itē in frigidissimis locis Bithyniæ semen quoddam zeopyrum nominatum, prima syllaba i non habente, vt apud Homerum cum ait: Et zeia & triticum cum fœcundo hordeo & albo. Ex eo panis præstātor fit, quā qui in Macedonia aut Thracia ex briza cōficitur. Ac ferē quemadmodum nomen ipsum zeopyrū ex vtroque nomine zeia & pyrū componitur, sic & substantia eius inter vtrunque media, & quasi ex ambobus conflata est. proinde quāto tritico deterius, tanto thracia briza præstantius habetur. Nomina autem vrbiū in quibus hoc semē prouenit, sunt Nicea, Prusa, Crassopolis, Clau-

diopolis, Heliopolis. Quin & Dorylis nascitur,  
quod extremum est Phrygiæ Asiaticæ opidum:  
adeoq; in ipsa Phrygia, sicut & in vrbibus illi finiti-  
mis. Qui porro ex hoc semine conficitur panis, tã-  
to eo qui fit ex briza in Thracia & Macedonia pro-  
ueniente, melior est, quanto triticeo deterior. Me-  
minit zeæ & Theophrastus in octauo libro de plan-

Theophrastus

» tis, sic scribens: Inter ea quæ tritico hordeoq; similia  
» sunt, vt olyra, typha, auena, firmissima est zeia:  
» terramque defrugat ac extenuat, multiplici altaque  
» radice nixa, & culmo quum denso, tum numero-  
» so assurgens. semen vero & leuissimum profert, &  
» cunctis animalibus mire gratum. Nec longe post  
» rursum. Omnium leuissima est typha. nam vnico  
» culmo, eoq; tenui, cõstat. quam ob rem gracilius so-  
» lum, nec, vt zeia, pingue fertileq; exposcit. Post quæ  
» cõtinuo hæc subdit: Duo hæc, zeia, & typha, tritico  
» potissimum similia sunt. Hæc quidẽ de zeæ Theo-  
» phrastus. Herodotus autem in secundo libro hæc  
» scripta reliquit: Tritico hordeoq; multi mortales  
» viuunt. Apud Aegyptios vero ijs in victu vt, sum-  
» mum dedecus putatur. ipsi nanq; olyrã in cibo vsur-  
» pant: quam alij zeam cū z nominant. Dioscorides  
» quoque in secundo de medica materia, hæc scribit:  
» Zeæ duplex est genus. vnum simplici grano, alterũ  
» duplici constat: quod inde δίκωνος vocatur. nam bi-  
» nis vtriculis semen conuestitũ gerit. zeæ hæc hor-

Herodotus

Dioscorides



deo valētius nutrit, ori gratior, stomachoq; vtilior. in panificio tamen minoris q̄ triticū est nutrimenti. Crimnon est crassior farinæ in cōfectione pars. fit ex zea, fit item ex tritico. Puls ex crimno coqui potest, abunde alit, & facile consumitur. Ventrē vero sistit efficacius puls ex zea, eaq; maxime torrefacta. Præterea olyra ex eodem zeæ genere est: sed minus aliquanto nutrit, est & hæc panificio apta, & similiter crimnon seu puls ex ea paratur. Athara fit ex zea in pollinem tenuissimum molita, hæc sorbetur, non secus ac liquidior pulticula, pueris accommodata, est & in cataplasmatibus eius vsus. Tragi semen alicæ adsimile est, multo vero alit imbecillius quàm zea, ob glumofam, qua dense vestitur, substantiam: eaq; ex parte ægre in ventriculo peruincitur, & aluū magis emollit. Et de zea quidem hæc sufficiant. Mnesitheū profecto iure quis demiretur, quod discrimen inter olyram ac typham non agnouerit. Vtrūq; enim in Asia terra abundat, & potissimum in regione quæ supra Pergamum iacet: adeo vt ipsi agricolæ eis ad panificium vtantur, quoniam triticum omne in opida conuehi solet. Prima laus olyrinis panibus debetur, nam triticeis proximi sunt, si quidem ex nobilissima olyra fiant. Secundi ab his typhini. Quod si olyrini vitioso semine constent, hi illis non erunt inferiores. Calidi vero ac recentes panes ex laudatissima typha facti, olyrinis etiā lōge

DE. ALIMEN. FACVL.

præstant: sed aliquantisper asseruati semetipsis deteriores euadunt. Cum namq; in longum tractabilis ac tenax sit illorum massa, tempore maiorem in modum contrahuntur ac desescunt, maximeq; cum non accurate parati fuerint: adeo ut si quis hesternum aut duorum dierum, aut hoc magis pristinum hunc panem comederit, putaturus sit lutum se in ventre gestare. At calidus etiã ab ipsis vrbis expetitur, cum caseo quodam sumptus qui vernaculo vocabulo oxygalactinus, quasi lactacidum dicas, appellatur. Hunc porro & mollem esse, & ipsum panem furni calorem adhuc retinere oportet. Nam qui in hunc modum coctus est, non rusticis tantum, sed vrbis quoq; hominibus in delicijs habetur. At qui trium quatuorve dierum fuerit, vel ipsis rusticis insuavis apparet. Cõcoctus est hic quoq; difficilior, & tardius per aluum transit. quæ incommoda calido minime accidunt. Quanquam enim hordeaceo, quod ad deiectionem pertinet, longe posterior est, non tamen de eo ceu de miliaceo queri licet. Quinetiã corpus egregie dum calidus est nutrit: ut penè triticeo qui farina sit nõ succreta, syncomistus græce dictus, par sit. Habet autem typhæ semẽ forinsecus glumam, veluti olyra, & hordeum. nihilominus pinsitum in panes congeritur, totumq; vsui accommodatur. Nam ex aqua estur elixum, haud aliter ac vocatus à rusticis apothermus: sapa, quam alij σίρεον, nos εψιμα



vocamus, adiecta: nonnunquam etiam cum sale, uti  
me ipsum triticum retuli comedisse. Ex nobilissi-  
ma olyra, cum ut decet perpurgata fuerit, tragū no-  
minatum conficiunt: quo utuntur plerique, primum  
in aqua decoquentes, deinde ea effusa sapam aut vi-  
num dulce aut mulsum infundentes. superinijciunt  
& pineas nuces præmaceratas aqua, donec amplissi-  
me intumuerint. Quidam autē nō forma nec aspe-  
ctu tantum simile, sed idem genere hoc semen cum  
olyra esse dictitant. Sunt & alia permulta semina  
consimilia quidem prædictis, sed non eadem peni-  
tus specie aut figura: quæ partim in hordei ac ty-  
phæ, partim in typhæ olyræque, aut olyræ & tritici  
medio collocantur. Quædam simillimæ cum olyra  
sunt naturæ, quædam cum hordeo aut typha aut tri-  
tico, ceu alia panico, alia milio. Atque hæc alibi sim-  
plices habent nomenclaturas, ut in Italia id ex quo  
alicam illi conficiunt: alibi compositas, ut quod in  
Cappadocia gymnocrithon vocatur, & in Bithy-  
nia zeopyron. Verū satius fuerit missa hac tam no-  
minum quàm seminum commentatione, de semi-  
nibus omnibus communem quandam rationē ex-  
ponere. Ergo quæ parua mole multum substantiæ  
continent, eamque crassam ac glutinosam: probissimi  
succi sunt, & nutrimenti: haud tamen facile per aluū  
descendunt. Contrā, quæ mollem minimeque dēsam  
substantiam habent, eamque magna ex parte furfureā,

cōmodius deiiciuntur, sed tenuius alunt. In ijs ipsis vero quæ graueolentia, & gustu nescio quæ insuaui sunt, manifeste omnia & prauī succi, & difficilis sūt concoctionis. Quæ porro exigua mole permultum substantiæ cludant, tum ex pondere cū in libra appēduntur, tū ex farinæ multitudine cognosces. ea nāq; in ijs quæ compacta densaq; substantia sunt, ab exiguo seminū aceruo perampla proficiscitur. Caliditatis autē & frigiditatis discriminē antè quidem quā intro sumātur, cū ex colore & gustu facile erit colligere, tum vero etiā ex eorum quæ præstant vsu foris applicata. Intus vero sumpta, exactam sui notionem ac sensum ventriculis vescentium imprimunt, aut calfaciendo, aut refrigerando, aut neutrum horū manifeste agēdo. Est præterea hordei ac olyræ naturalis color albus, tritici sufflauus, typha tritico flauior. Quin & huius corpus in arctū cluditur, ac densatur: quod fortassis ad seminis paruitatem nōnihil adfert momēti. est enim id tritico longe exilius. quanquā inueniuntur qui typhā in tritici numero habere non dubitent: eamq; id seminis esse volunt cuius Homerus meminit cum Hectorem equos suos alloquentem facit, his verbis:  
Triticum enim vobis primum prædulce ferebam.  
Aiunt enim typham paruum triticum esse, ex eaq; equos pastu in innoxium capeßere, cum vero tritico offendantur. Nec sanè absurde typham quis

Hordey  
minzi  
olyre  
tritic  
color



exile triticum vocauerit, cum & colore & densitate & calfactoria vi illi perſimilis videatur.

DE AVENA QVAE BROMVS DICITVR.

**H**oc ſemen in Aſia perſequens eſt, & poſtiſſimum in Myſia quæ Pergamo ſuperiacet, vbi & typhæ & olyræ vberriſimus eſt prouentus, iumetorum magis pabulum, quàm hominū: niſi utiq; aliquando extrema fames hoc quoque ſeminis in panes corrogare compellat. Aeterna annonæ penuriam coctū ex aqua eſtur cum vino dulci aut ſapa aut mulſo, ſimiliter typhæ. Egreſſe calfacit, non ſecus ac illa: quanquam non eadem duritie eſt: ex quo minus quoq; corpus enutrit. Eſt & inſuavis alioqui qui ex eo fingitur panis: cæterū alui ſtatum non immutat, in retinendi ac impellendi munere medium locum ſortitus.

DE MILIO ET PANICO, QVOD ELYMON ET MILINEN VOCANT.

**H**is item in panes nonnunq; abutūtur urgente dictarum frugum penuria. panis eorum exigui eſt alimenti, & refrigerās. conſtat inſuper præaridum & friabilem inſtar arenæ aut cineris eſſe. caret enim penitus glutinoſo pingui. Iure ergo aluum humetum deſiccat. Agricola horum farina cocta admiſto adipe ſuillo & oleo veſcuntur. Milium ad omnia panico præſtātius, ſuauius editur, facilius conquiritur, ventrem

d.ij.

*ſimpl. & frigore dicitur  
nunc. C. d. legatij in ſe  
coluit coctis:*

*Milium panico  
preſtantiuſ*

DE. ALIMEN. FACVL.

minus coërcet, magis nutrit. Horum insuper farinā lacti incoctam esitant, veluti triticeam, rustici. Clarumq; est id edulij tanto quā illa per se sola assumpta melius esse, quanto lac vtriusq; feminis natura ad boni succi procreationem aliaq; omnia eminentius habetur. Dico autem alia omnia, cōcoctionem, ventris subductionem, in totum corpus digestionē, adeoq; ipsam in edēdo suauitatem ac voluptatem. Hæc nanq; semina nulla gratia aut iucunditate commendantur, & minime panicum, quod quidem nostra in Asia nascitur. nam apud alias gentes, sicut in Italia quoq; melius inuenitur.

*Panicum in italia  
melius*

DE LEGVMINIBVS.

**L**egumina appellant, ea cerealium seminū, quæ panificio non accommodantur, vtpu-  
ta fabæ, pisa, ciceres, lentes, lupinum, oryza, eruum, cicercula, aracus, eruilia, phaselus, fœnūgræcum, aphace, & siqua sunt similia. Ergo deinceps de singulorum facultate tractabimus: vt ijs notis, quā minimo licet damno vtare.

DE ORYZA.

**S**emine hoc omnes in sistenda aluo vtuntur, eodem molo quo alicam, decoquētes. difficilior tamen q̄ alica conficitur, & tenuius alit, ceu vtiq; & in edēdi suauitate longe illa inferius sentitur.

*Oriza*



## DELENTE.



**N**ex lente quidem panem quis tētauerit. præarida enim, sine pingui, & friabilis est. cortex eius vehementer adstringit, carnea substantia tenuiter: quæ & crassi succi, & terrestres est. succus porro lentis, sicut ante retulimus, adstringenti est contrarius. Quocirca si elixæ in aqua iusculum sale garo oleoq; conditum bibatur, aluum deijciet. At quod ex bis decocta lente ad eum modum quem retulimus, ferculum apparatur, contrariam succo vim obtinet. Nam quæ ventri obueniunt fluxiones desiccant, os ventriculi, intestina, & totum deniq; ventrem corroborans. Quam ob rem coeliacis & dysentericis accommodatus est cibus. Lens vero decorticata, vt illam adstringendi vehementiam, cūque hac alia videlicet omnia quæ consequuntur, amittit: ita alibilior quàm integra illa efficitur, crassum prauumq; succum gignens, tarde commeans. alui tamen fluores haud desiccant, vti ea quæ cortice non est spoliata. Iure igitur qui modum in hoc edulio non seruant, elephantiasim quam vocant, & cācrum incurrunt. Siquidem crassa siccaq; cibaria facile in melancholicos humores vertuntur. Quare ijs duntaxat quibus vitiosa est habitudo ob aquam in carne diffusam, lens cibo vtiliter præbetur, ceu aridis & squalētibus admodum damnose. Eandem ob causam visum integrū & inculpatū hebetat, immoder-

d. iij.

*Nota d. Lentis  
putrum*

*Lens generat  
elephantiasim &  
cancerum*

*Menstrua cohibet**Phacoptisana*

rate exiccās. ei vero qui contrario modo se habet, humidiori videlicet, opitulatur. Menstruis purgationibus inidonea est. crassum enim & tardifluum sanguinem facit. At muliebri appellato profluui conuenientissima. Cum porro lens & ptisana contrariæ inter se sint facultatis, ex amborum commistione præstâtissimum edulium componitur: quod nos in Asia phacoptisanam nuncupamus. Verum nō aqua vtriusq; portio esse debet. minus enim ptisanæ adiiciendum, vt quæ per decoctionem in cremorem late diffunditur, & in magnâ attollitur mole: lente cōtra minimum intumescere. Sedenim huius edulij eadem ac ptisanæ est confectio, præterquam quod satureia & pulegio adiectis, iucundius, & paratius concoctioni efficitur: ptisana illis minime gaudēte, sed solo anetho porroq; contenta. Deterrima est lentis conditio quam diuitum coci sapa inficiunt. minime enim incrassantia sibi vult admisceri, sed liquida potius, & crassitudinem incidētia. Cui vero sapa commiscetur, iecoris obstructions gignere nata est, & ipsius visceris atq; vnâ lienis inflammationes inaugere, nisi addito melle corrigatur. Illud præterea non arbitror obscurū, durescentes visceris vtriusq; affectus, quos scirros vocāt, hoc epulo exacerbari. Quod si suillam simul libeat incoquere, ptisanæ recentem, lenti sale asseruatam congruere deprehendes: ceu vtiq; quæ inter has media est, a



græcis neales dicta, hoc est recens salita, phacoptisana percommode & ad suauitatem & ad concoctionem immittitur. Magis tamē lens cum falsis carnibus esitata crassos humores augebit. Nam hæc quæque pariunt crassum & melancholicum sanguinem. Quapropter neque istis affatim sæpeque uti expediet, præsertim cui corpus melancholico præcrasso & omnino prauo humori obnoxium est. Hæc eadem & de regionibus, anni temporibus, & aeris constitutionibus in vnoquoque edulio intelligere oportet. Ac autūno quidem melancholicis & siccis elcīs abstinentendum, hyeme vero eis utendū: uti sanē in æstate humectantibus & refrigerantibus, in vere medijs temperamenti, mediæque facultatis epulas offerendum. Est porro mediorum non vna nec simplex species. Quædam enim huiusmodi sunt, quoniam cum extremis nihil habent commune: quædam ex duorum contrariorum æquo interuallo à medio distantium mistione sunt mediocritatem affecuta: ut si quis iuxta id quod paulo ante dixi, ptisanam lenti cōmisceat. Sic & teutlophacen, quæ ex beta & lente nomen apud græcos inuenit, Heraclides Tarentinus non sanis modo, verumetiam laborantibus exhibebat. Est enim & hoc ex pugnantis compositum edulium: quam ob rem etiā tardius quā beta, \* citius vero quā lens per aluum descendit. Est & illud perspicuum, huius succi.

*Carnes falsæ*

*Autūno cib.  
melancholici nocet*

DE. ALIMEN. FACVL.

cum in corpus dispartitum, ex amborum virtute,  
lentis videlicet ac betæ, esse permistum.

DE FABIS.



Abarū multiplex est vsus. quippe ex ijs  
conficitur & liquida in ollis puls, & spissa  
in patinis. Tertius confectionis modus  
cum ptisana instituitur. Plurimum hoc  
edulio gladiatores quotidie apud nos vtūtur, carne  
non densa nec solida, qualis à suilla acquiritur, corpo-  
ris habitum faginantes, sed nescio quo modo magis  
fungosa. Inflat is cibus, quocunq; modo apparetur:  
nec per quamuis lōgam decoctionem id vitij potest  
amittere: quod ptisanæ minime negatum est. depo-  
nit enim per illam quicquid habet flatulenti. Qui  
porro affectus, singulos cibos sequi natos animad-  
uertere, & mente consequi volet: quandā totius cor-  
poris tensionem quasi à flatulento spiritu persenti-  
scet, maximeq; qui ad huiusmodi esculentum non  
fuerit assuefactus, aut ipsum minus recte coctum as-  
sumpserit. Habent autem fabæ nō densam nec gra-  
uem, sed fungosam leuēq; substantiam: quæ tamen  
ipsa nonnihil absterforiæ possidet facultatis, simili-  
ter ptisanæ. Etenim manifeste fabacea farina cutis  
sordes detergere cōspicitur. quod intelligentes man-  
gones ac mulierculæ in balneis quotidie hac vtūtur,  
velut alij nitro pariter ac aphronitro, & in vniuer-

*Faba est sep  
flatulosa*

*Faba absterget*



sum ijs quæ abstergent. Illinunt præterea & faciem  
 hac, quemadmodum ptisana. nā quæ in summa cu-  
te eminent lentes, exterit, & maculas ex sole contra-  
ctas. Huius ergo facultatis nomine ne in alui quidē  
 transitu diu cunctatur, sicut quæ glutinosa, & crassi  
 succi sunt sine vlla abstergendi facultate, qualia ali-  
 cam, tragus, similaginem, & amyllum esse perhi-  
 buimus. Cū porro ferculum ex fresa faba paratum,  
 quod etnos græci nūcupant, flatibus nō careat: mul-  
 to amplius integræ fabæ inflabit cibus: quanq̃ fricta  
 (nā hoc modo aliquādo p bellarijs sumūt) flatū de-  
 ponit: sed tū concoctu perdifficilis, tardoq̃ descensu  
 incōmodior redditur, & crassi succi alimentū in cor-  
 pus diffundit. Quod si viridis immatura nōdūq̃ are-  
 facta edatur, communem omnium fructuum quos  
 ante perfectam maturitatem ingerimus, rationem  
 obtinens, corpori humidiores alimoniam exhibe-  
 bit, ac proinde maiorem excrementorum vim non  
 tantum in vijs intestinorum, sed etiam per vniuer-  
 sum corporis habitum producet. Merito igitur mi-  
 nus quoq̃ nutrit, sed promptius deijcietur. Pleri-  
 q̃ autem hominum non crudas solas fabas come-  
 dentes, vnā eas cum suilla carne decoquūt, veluti ole-  
 ra consueuerunt: ruri vero etiam cum caprina & o-  
 uilla. Alij fabas inflare sentientes, cepas admiscunt  
 cum in ollis pulmentum ex illis struūt. Sunt qui nō  
 simul elixatas, sed cū pulmento cepas ingerant cru-

macule ex sole  
contractæ

Faba fresa

Faba viridis

DE. ALIMEN. FACVL.

das. In omnibus nanque dapibus quicquid flatuosum continetur, per calfacientia & extenuantia corrigi comparatum est.

DE FABA AEGYPTIA.



Egyptia faba sicuti nostram magnitudine longe præcellit, ita & naturam humidiorē, magisq; excrementitiam sortita est. Quāobrem si memoria complecteris quæ de eiusdē generis alimentis, duntaxat humidioribus, & excremento plenioribus, quantū ad illorum concoctionē, excretum, distributionem, & nutritionē pertinet, exposita sunt: non est quod plura nunc de hac audire desideres. illinc enim ex ijs quæ diximus, assumere potes quæ ad hunc locū pertinere videbuntur.

DE PISIS.



Imile quid tota substātia pisa cum fabis obtinēt: nec alio quā illā modo comedūtur. Duo tantum sunt in quibus euariant. Non enim similiter ac fabæ inflāt, nec abstergent: ideoq; segnius quā illæ per aluum secedunt.

DE CICERIBVS.



Non admodum consuetū est vrbani hominibus ex cicere pulmentum conficere: ruri nōnunq; id conspexi: quemadmodū & farinam eius cū lacte decoctam. Haud enim perinde ac fabæ & pisa, cōminutioni paret, vt possit ex eo cō-



fracto pulmentum institui, quod græci inde eregmū  
 appellarunt. Apud nonnullas gentes moris est cicer  
 in aqua elixū esitare, interdū ipsum solū, interdū fale  
modico conditū. Nostrates vero quiddā instar fari-  
 næ à sicco & inueterato caseo defriatū illi inspergūt.  
 Cicer non minus q̄ faba inflationes excitat, sed va-  
 lentius nutrit. Venerem stimulat: creditumque est  
 vnā seminis geniturā augere: cuius gratia admissa-  
 rijs equis quiddā obijciunt. Inest præterea ciceribus  
 abstergerendi vis potentior, quā ipsis fabis, adeo vt  
 quædā species contractos in renibus calculos euidē-  
ter frangat, atq; cōminuat. atrum hoc, & exile est, in  
 Bithynia præcipue nascens, arietinū nomine. Hu-  
 ius in aqua bulliti decoctū haurire præstiterit. Vescū-  
 tur & virentibus adhuc ciceribus homines ante ade-  
 ptā maturitatem, quemadmodū fabis. Modo autē  
 cum de fabis ageremus, commune edictū de omni-  
 bus immaturis fructibus protulimus. Quinetiā de  
 his frictis haud alia quā quæ de fabis dicta sunt,  
 audisse te existimato. Si quidem cuncta quæ frigun-  
 tur, vt inflandi vitium deponant, concoctu certe fiūt  
 pertinaciora, magisq; aluum adstringūt, & crassius  
 corpori præbent alimentum.

*Cicer flatuosum  
 etiam ipse est*

*Cicer Nigrum  
 fragit lapidem*

DE LVPINO. LVPINO  
**H**oc quoq; semē πολύχενον, id est multi vsus  
 esse nouimus, altera eius vocabuli acceptio  
 ne. nam πολύχενον dicitur & de eo quod

multis corporis affectibus accommodatur, & de eo quod omnibus aut plurimis hominibus vtile est, etiam si vna duntaxat constet vtendi ratio. Hoc nimirum modo lupinus multi vsus legumen cense-  
tur. Elixus enim, ac deinde in aqua dulci donec omnem sibi ingentam exuat insuauitatem, comade-  
factus, ita editur, cum garo, ac oxygaro, vel sine his etiam, sale modico conditus, non velut hordeum, & alia multifariā instructa. Lupini dura ac terrestris substantia est: quocirca necessario concoctioni re-  
pugnat, & crassum gignit succum: ex quo non pro-  
be in venis confecto, crudus proprie appellatus suc-  
cus aceruatur. Cæterum quum inter parandū quic-  
quid habuit amaritudinis, amiserit, *ως ἀπώλετο*, id est  
qualitatis expertibus insipidisve similis euadit. Sic  
autem edulia quædam medici appellant nulla præ-  
pollenti qualitate, duntaxat quæ sensu percipiatur,  
prædita, qua vel aluum ad excretionē irritare, vel ab  
excretionē coërcere queant. Proinde cōsentaneum  
est, lupinum nec deiectioni, nec alui fluentis reten-  
tioni, vt adstringentia, appositum esse. haud tamen  
sine ratione tardus, & egestu transituq; difficilis effi-  
citur. Illæ quidem igitur facultates cibis non tanquā  
cibis, sed tanquam medicamentis inhærent. Quæ-  
cunq; vero omni illa euidenti qualitate caruerunt,  
haud sanè temere *ἀπώλετο*, vt diximus, appellātur. Ve-  
runtamen pro humiditatis [ac siccitatis, crassitudi-

*Ex hoc loco dicitur  
cibū medicinale*



nis ac tenuitatis,] lētoris[ac friabilitatis] differētia aut tarde aut celeriter aut medio modo commearē ijs contingit, nempe humidis, & vngvine suo lubricis, celeriter; duris & ficcis, veluti lupino, contrario modo. At quæ in dictarum differentiarum medio sunt constituta, nec celeritatem insignem, nec tarditatem inferunt deiectioni. Hæc ergo quemadmodum de omnibus communiter nouisse oportet, ita & ea quæ iam insequuntur. Omnia quæ humidioris sunt substantiæ, exigua corporibus alimoniam largiuntur, quæ ipsa ex facili euaporatur ac discutitur: vt rursus alia haud multo post sit exhibēda. Cōtra dura & terrestria, perdurabile, copiosum, ac vix diffilabile alimentum ex se præbēt. Quod si glutinis quoq; nonnihil habeant, multo hæc omnia perficiēt efficacius. Constat item hæc nō expedite prompteq; concoqui, ceu vtiq; nec in sanguinem commutari, nec assimilari solidis animalis partibus: ideoq; nec cito nutrire. dū vero perdomita confecta; fuerint, corporibus haud parum nutrimenti contribuent.

## DE FOENOGRAECO.



Pud græcos hoc semen telis, & buceras, & ægiceras appellatur. Inter manifestò calfacientia censetur, eundem hominibus in cibo vsum præstans, quem lupinus. Presumitur enim cum garo,alui subducēdæ gratia: estq; huic muneri multo quàm lupinus accōmodatius, cū nihil ex sua

*Cibi humidioris  
subtē et tenuioris*

*Telis  
Bucceras  
Ægiceras*

natura quod transitum remoretur, possideat. Estur  
etiam cū aceto & garo, sicut lupini. Multi præterea  
& fœnumgræcum & lupinum ex vino garo & oleo  
sumunt: aliqui etiam cum pane: habentq; id sufficiē  
tis obsonij loco. nam vt ventrē minus subducatur, ca-  
put certe non pertentat, ceu nonnullis fœnūgræcum  
ex garo facere solet. Insuper stomachum nō subuer-  
tit. nā hoc quoq; fœnūgræcū affert incōmodi. Ad eū-  
dem modum phaselis & ochris quidam in cibo vtū-  
tur. De quibus omnibus & cōsimilibus mox cōmu-  
nem sermonem sum adscripturus. Edunt nonnulli  
etiā fœnūgræcum ante seminis exortū plantam eius  
aceto intingentes ac garo. quidā affuso oleo cū pane  
obsonij vice assumunt. sunt qui cū aceto quoq; & ga-  
ro. Quod ipsum quoq; sumptū liberalius, caput in-  
uadit, & magis adhuc si absq; pane. Aliquibus itē os  
ventriculi subuertit. Liquor elixi fœnigræci cū mel-  
le haustus, idoneus est ad exturbandum omneis præ-  
uos humores in vijs intestinorum retentos. nā & lu-  
brico suo glutine iucūditatem, & caliditate doloris  
lenimen inducit. Quoniā autem mellis causa abster-  
soriæ facultatis particeps est, intestina etiā ad excre-  
tionē instigat. sed parcius mel admiscēdū, ne exupe-  
ret mordacitas. In diuturnis vero thoracis citra fe-  
brem affectibus, pingues vnā cū eo palmulas elixa-  
re expedit, atq; expressum liquorē affatim melle sa-  
turatum, denuoq; super prunas decoctū vsq; ad me-

*Fœnūgræcum  
dolorē sedare*



diocre crassamentum, longe ante cibum assumere.

DE PHASELO ET OCHRO, QVAM  
ERVILIAM DICVNT.

Aec item semina donec radix pullulet,  
h nō secus ac fœnūgræcum homines exone-  
randi ventris gratia prima mensa esitant  
in aqua præmacerata, garo post intingētes. Succum  
habēt alibilē cum in corpus digeritur, & facilioris q̃  
fœnūgræcū cōcoctionis. In Alexandria iuuenē quē-  
dam noui artis medicinæ exercitio deditum, qui per  
quatuor annos singulis diebus his duntaxat fructi-  
bus, phaselis, fœnogræco, ochris, & lupinis pro obso-  
nio vtebatur, degustans interdum & oliuas ex Mē-  
phide, & oluscula quædā, fructusq; perpaucos, quos  
citra decoctionem esse licet. Nam illi decrētum erat  
ne foco quidem vti. Omnibus ergo illis annis sanus  
permāsit, nec vlla ex parte habitu corporis deterio-  
re tum, quā ab initio, esse visus est. Edebat autem  
huiuscemodi fructus cum garo scilicet, oleū aliquā-  
do solum adiiciens, aliquando etiam vinum. Erat  
nonnunquam cum præter hæc adderet acetum, in-  
terdum vero salem tantum, sicut & lupinos sumere  
solebat. Ac salubris quidem victus rationem fusa  
& explicata verborum serie in libris de tuenda sa-  
nitate enarrauimus: quædam vero & in his rursus  
succincte ac summatim referemus. Nunc ijs quæ

Succus Alibilis

DE. A LIMEN. FACVL.

de ochris ac phaselis dicta sunt, ista quoque addantur. Hæcedulia, inter ea quæ bonum succum, & ea quæ prauum gignunt, inter concoctu facilia & difficilia, tarde citoque transeuntia, flatulenta & flatu leuata, parum alentia & multum, medium quodammodo locum obtinuerunt. Nullam enim effectricem qualitatem gerunt, veluti quædam acrem, austerum, acerbum, salsum, amarum, aut dulcem saporem habentia.

DE LATHYRO, QVAM CICERCVLAM VOCANT LATINI.

*Cicerula*

**L**Athyri per similes ochris & phaselis substantia sunt. Rura nostra in Asia, maximeque Mysia & Phrygia, his plurimum vtuntur: nec eo tantum modo quo in Alexandria, aliisque multis urbibus, ochris & phaselis: sed instar phacoptisanæ quoque parant. Succum habent phaselo & ochro potentia cõsimilem, sed cõsistentia crassiore: ideoque illis plus aliquanto nutriunt.

DE ARACO.

**P**ostremam araci syllabam per c in Aristophanis comœdia quæ Holcades inscribitur, exarata inuenimus, vbi inquit: Aracos, triticum, ptisanam, alicam, zeiam, lolum, similam. Semel hoc simile est cum lathyri semine. Quidam etiam ambo hæc vnum esse genus existimant: quandoquidem & omnis vtriusque vsus & facultas in omnibus cõueniunt, præterquam quod du



riores, & minus coctiui araci sunt, eoq; etiam concoctu difficiliore. Apud nos sylvestre quiddā, durū, eruoque minus in cerealibus seminibus reperitur, quod arachum nominant, non per c, sed x ultimam syllabam proferētes. Selectum id abijcitur, vti & securinus, quem græci *σελεκίνορ* appellant.

## DE DOLICHIS.



Olichorum nomen à Diocle post aliorū quoq; feminum nos alentiū nomina recē letur. Inuenitur etiam scriptum in libro Hippocratis de ratione victus, cuius antè memini. Opinor autem satiuæ plantæ semen sic eos nominare, quod nunc à multis plurali numero dupliciter græce appellatur. quidam enim lobos, id est siliquas, quidam phasiolos quatuor syllabis proferentes vocant: atque ita aliud nomen à phaselo faciunt, quod tribus syllabis pronunciatur. Sunt qui phaselum eundē cū lathyro esse dicant, alijs eius speciem. Sed dolichos sanè semina ea quæ in ortis feruntur, esse conijciat quis ex ijs quæ Theophrastus in octauo de plantarū historia recitat, hūc in modum:

„ Alia caule sunt erecto, vt triticum, & hordeum, & omnino frumētacea, ac estiuā. Alijs hic magis in latus vergit, vt ciceri, eruo, lēti. alijs humi serpit, vt ochro, pisæ, lathyro. Dolichus adactō longo palo cōsurgit, & fructum gerit. sin hoc adminiculo careat, vitiosus fit, & rubigine \*tētatur. Quoniā enim ligna oblōga

affigi iubet, niq̃ id fiat, rubiginosum euadere ait, cō-  
 iectura sumi potest, de nunc vocitatis phasiolis & lo-  
 bis sermonem eum facere. Lobi autē ab eo appellā-  
 tur ea quibus semen huiusmodi leguminū, qualia  
 sunt lens, eruū, faba, pisa, lupinus, concluditur. Quē-  
 admodum enim frumentacea semina suis spicis, ita  
 iam dicta lobis, id est siliquis continentur : qui ipsi lo-  
 bi dolichos quoque continent : atque ex eo totum  
 fructum à nostræ tempestatis hominibus lobos ap-  
 pellari crediderim, veluti astachyas, id est spicas, in-  
 tegros frumētaceos fructus. Scimus nanq̃ alia mul-  
 ta quę in frequenti hominum vsu sunt, totius gene-  
 ris nomen vsurpare : vt calamus quo pingimus, & a-  
 tramentū. In libro autem Hippocratis de victus ra-  
 » tione ita scriptum habetur : Pisæ minus inflant, &  
 » magis per aluum descendunt : ochri & dolichi his  
 » promptius subeunt, & vberius nutriunt. Siquidem  
 quum in hac dictione pisas fabis comparet, quas  
 prius flatulentas esse dixerat, deinde subnectat o-  
 chros & dolichos : indicat dolichon eiusdem esse ge-  
 neris cum prædictis seminibus, & potissimū ochris.  
 Verum quoniam nullam prorsus mētionem lathy-  
 ri aut phaseli fecit, suspicetur forte quis fieri potuis-  
 se vt alterum illorum seminum dolichi nomine in-  
 tellexerit. Quod si quis phaselum in lathyri genere  
 comprehendi velit, non idcirco obtinebit lathyrum  
 in dicta oratione dolichum dici non posse, sed in eo-



dem adhuc hærebit luto. Quinetiam Diocles in leguminum censu primo fabas ponēs, mox pisas, hæc deinceps his scribit verbis: Dolichi nō minus q̄ pisæ nutriūt: similiter etiam flatu carent: sed quod ad suauitatem pertinet, & deiectionem, vincuntur. Verum hic quoque deinceps ochri, lentis, ciceris, & erui mentionem faciens, omisso lathyri nomine, in eisdē nos salebris relinquit. Et possit quis dicere, omnia hæc, ochrus, lathyrus, phaselus, vnū genus esse, pluribus nominibus vsurpata, forte nihil discrepantibus, vt ensis & gladius apud latinos, apud græcos κίον & σύλον: forte vero aliqua existente in illis differentia. Cæterum ex quo dolichi non minus pisas nutriunt, & similiter illis flatu vacant, indicium est Dioclem nunc passim nominatos phaseolos sic nuncupasse. Siquidē lathyrus pisas nō minus inflat, nec ochrus, nec phaselus: siue hæc vnū, vt dixi, genus, siue vnus generis differentia, dicēda sint. Philotimus autē & Praxagoras nullius huiuscemodi esculētorū cōmeminerunt, nisi fabarū, & pisorū. quāobrem nihil ab illis iuuari possumus vt sciamus cui tādē rei dolichorū nomen impositū sit. Itaque vocet vnusquisque quocūq; libet nomine fructum illum qui a multis hodie plurali numero phasioli & lobi appellatur, dū sciat talē obtinere virtutem, qualē dolichis Diocles attribuit. Ad cuius propemodū sentētiā accedit is qui librū de rōne victus Hippocratis titulo

DE. ALIMEN. FACVL.

conscriptis, cū inquit ochros & dolichos facilius deijci quàm pisas, parciusq; inflare. quin & alibiles esse testatur: atque ita res habet, nisi quando integros & etiānum virides vnā cum suis valuulis ex oleo & ga-ro in vniuersum ingerunt. aliqui vinū etiā adijciūt. Sed horum in repositione, vt pisarū, nullus est vsus: cum nempe natura sint humidiores, corrumpi cito consueuerunt. Attamē si quis hos tutō cupiat reponere, sicuti meus pater factitabat, siccare prius diligēter & exacte oportebit. Quippe eo modo & a putrefactione & a corruptione tota hyeme vindicantur, eundē nobis vsus, quem pisæ, exhibētes. Quisdam meorum amicorum Romæ agens, narrauit in Caria iuxta Ceramum patriam suā serri in aruis dolichos haud aliter quàm alia legumina, figuramque lathyris longiorem obtinere.

DE ERVO.

**B**Oues apud nos, vt apud alias plerasque gētes, eruo in aqua edulcato pascuntur. Hominum cibis prorsus hoc semen damnatur. Est enim & insuauissimum, & prauī succi. Cæterum ingenti grassante fame nonnunquā, sicut Hippocrates quoq; scripsit, ob inexpugnabilē necessitatē homines ad id etiā cōfugiūt. Nos eruo instar lupini præparato ex melle vtimur vt medicamēto crassos pulmonis thoracisq; humores expurgāte.



Cādidū, minus est medicaminosum, quā id quod ad flauum aut pallidum colorem tendit. Eruum bis elixum, & in aqua identidem cōdulcefactum, insuaui-  
tatem certe deponit, sed vnā cum ea & abstergēdi & incidendi vim, vt sola in eo relinquatur terrestris  
substātia: itaque citra amaritudinis intellectum de-  
siccans, fit esculentum.

DE SESAMO, ET ERYSIMO.

**S**esami semē pingue est, ideoque repositum  
citissime fit oleosum. quamobrem & ve-  
scentes satietate ocyus implet. stomachum  
euertit. tarde cōcoquitur, & pingue corpori præbet  
alimētum. Liquet ergo quod ventris partes nec ful-  
cire valeat, nec corroborare, quemadmodum quod-  
uis aliud pinguium eduliorum. Est item crassi succi,  
ideoq; nec celeriter deorsum potest penetrare. Raro  
admodum hoc solo vescuntur. Cum melle autem  
crudo sesamides vulgo nominatæ fieri solent. Pani-  
bus etiā pro dulciario inspergitur. Vt porro milio  
panicum assimile est quodammodo, sed ad omnia  
deterius: ita & sesamo erysimum corporis substan-  
tia nō nihil affine: sed mādatur insuauius, & tenuioris  
est nutrimenti: adeoq; in omnibus illo deterius ex-  
istit. Ambo hæc semina calidi sunt tēperamēti, eāq;  
ob causam etiam siticulosa.

Sesamides

DE. ALIMEN. FACVL.

DE PAPAVERIS SEMINE.

*Papauer  
Candidum*



Atiui papaueris semen panibus vtiliter  
ceu dulciarium inspergitur, non secus ac  
sesamum. Cādidum nigro prestat. Refri  
gerandi vim habet, ideoq; somniferū est:  
siq; liberalius sumatur, nō somnum tantū, sed soporē  
etiam inducet: ægreq; cōcoquetur. Tussim pre  
terea ex thorace ac pulmone compescit. Confert ad  
uersus acutas ex capite fluxiones. Corpori nullū no  
tabile dat nutrimentum.

DE LINI SEMINE, QVOD COMPOSITA  
ETIAM DICTIONE LINOSPER-  
MVM DICITVR.



Vidam hoc tosto instar obsonij non secus  
ac factitio sale cum garo vtūtur. In vsu est  
& melle conspersum. Inserunt nōnulli pa-  
nibus quoque. Stomacho & concoctioni repugnat:  
tenuiter corpus alit. Quod spectat ad deiectionem,  
nec laudandum nec vituperandum. per exiguam ta-  
men vim mouēde vrinæ tenet, quæ in tosto extat effi-  
caciōr. Idē aluū quoq; magis sistit. Rustici homines  
eovtūtur sepe numero, frictō tuloq; mel admiscētes.

DE ORMINO.



St & hoc frictum, instarq; farinae detritum  
in vsu, admisto itidem melle. Parum in se  
habet quod alēdo sit: mediæ inter erysimū  
& cuminum naturæ.



## DE CANNABIS SEMINE.



Ametſi cannabis ac viticis planta plāta, ac ſemen ſemini quodammodo ſimilia ſunt, virtute tamen permultum diſtāt. Etenim cannabinum ſemen difficulter concoquitur: ſtomacho capitiq; aduerſatur, & prauos humores gignit. Sunt tamen qui hoc quoq; frictū tuſumq; vlurpent vnā cum alijs bellarijs. Bellaria autem voco ea quæ ſecunda mēſa, vt cum maiori voluptate bibatur, inferri cōſueuere. Admodū calfacit, ideoq; caput æſtuanti & medicaminoſo halitu ſurſum miſſo inuadit.

*Bellaria*

## DE VITICIS SEMINE.



Rictum eſt & huius ſemē, non ſecus ac cānabinum, creditum venerios ſtimulos inhibere. exiguū corpori dat nutrimētū, idq; ſiccum & frigidum, flatum egregie leuans. Ob quæ omnia ijs peridoneum eſt, qui caltitem cuſtodire decreuerūt: vnde & nomē illi ἀρρον impoſitū tradunt. Caput nō perinde ac cannabis tētat.

*hanc ſemina ſunt  
potius q̄m vicia  
Atque  
Hic eſt cōuadiſco  
qm̄ galē 6<sup>o</sup> de ſim  
plicib; dicit q̄ eſt  
calidu & ſiccum  
medicis hu & alijs*

## DE APHACA ET VICIA.



Orum ſeminum figura non rotūda eſt, veluti fabarū, ſed aliquāto latiuſcula, ſimiliter lēti. Hęc quoq; cū ſua plāta & valuulis integra ruſtici reponūt, vt brutis pecudibus pabulo ſint. Per famē tamē quosdā noui qui hęc quoq; deuo rarēt, potiffimoq; i vere, cū etiānū virēt, quēadmodū

e.iiij.

DE. ALIMEN. FACVL.

fabe & ciceres solent esitari. Semina autem hæc non solum insuauia sunt, sed concoctu etiam difficilia, & aluum retinentia Perspicuū ergo est, cū huiusmodi naturam obtineant, alimoniam quoq; quæ ex ipsis in corpus permanat, improbi crassiq; succi esse, idoneam ad humoris melancholici generationem: ceu prius de lente retulimus. Verum hæc multis præclaris dotibus prædita est: quarū nulla illis concessa est. Cæterū nomen hoc bicium, id est vicia, apud nos & vsitatissimum est, & solum id noscitur: Attici vero faracum aut cyamum id seminis appellant.

DE SEMINIBVS ALIENIGENIS. QVAE IN  
vnoquoq; genere permista reperiuntur.

**D**Ensum in tritico lolium frequensq; inuenitur, ceu in hordeo quoq; sed parcius. festuca vero ægilops dicta, minime in eo rara, si quando imbecillum semen terra diutius retentum, infelicem exortū progressumve habuerit. At meus pater ætate iam inclinata factus agriculturæ studiosior, triticum atq; hordeum summotis diligenter omnibus diuersæ naturæ seminibus aliquando cōseuit, vt certò posset cognoscere an per illorū degenerationē hæc frugum vitia producantur, an propriam & ipsa naturam sortita sint. Cumq; permultum lolij in tritico, in hordeo parum, sed ægilopis plurimum enatum conspiceret: in alijs quoq; seminibus idem facere periculum tentauit. Reperit er-

*Galenus pater  
agricultor studiosus*



go lenti quoque per degenerationē durum rotundūque aracum innasce, & securinum, cibo dānata semina: præterea aparinam, quæ cibo nō modo aliena est, sed in hærba quoque lentem strāgulat, humique detrahens enecat, sicut eruum eruangina. Sunt igitur sanè perquam pernicioſa hæc semina. Quod porro melampyron dicitur, generatur & ipsum ex tritico per degenerationem: sed nequaquam tantæ est prauitatis. Deprehendit insuper alia semina consimiliter mutari. Proinde vsuris solitus est præcipere vt noxia omnia cum ad salubrem vsū semina vellent adhibere, prius seligerent, neve illa negligenter, vt mos est publicis pistoribus. Etenim cū aliquando malignus esset annuus frugum prouētus, lolium affatim tritico innasce contigit: quod & agricolæ & pistores nō satis diligenter expurgabāt, factis idoneis in hoc incerniculis, quo scilicet vel hoc pacto rem frumentariam auctiorem facerent. nam ea admodum tenuiter prouenerat. Extēplo ergo multi capitis dolore vexari cœperūt: ineunte verò æstate vlcera etiā in vescentium cute prodire, aut alia quæpiam symptomata, quæ succorum prauitatem declararent. Quā ob rem præceptum illud de repurgandis seminibus quæ cibo aptamus, minime est cōtemnendum. quāuis enim noxam quæ singulis diebus succedit, præ exiguitate non sentimus, haud tamē longa dierum serie collectam atque exaggeratam effugiemus impu

*Malignus annus*

*Lolium dolorem capitis inducit*

ne:quin erumpet tandem aliquando,atq; manifeste non sine nostro se magno malo est proditura.

## LIBER. SECVNDVS.



Vandoquidē ante me omnes qui de alimentis tractauerunt, non à plātis & animalibus, etiā si ijs maxime alamur, sed à cerealibus vocatis seminibus sermonē exorſi sunt, quoniā videlicet panis, quo nihil in vita vtilius, illis cōstat: idcirco nos quoq; primū volumen tritico, hordeo, olyræq; ac deniq; leguminibus dicauimus. Iam vero ad alia quæ ex plātis sunt alimēta, trāsire oportet: ac deinde ad ea quæ ab animantibus, ex quibus præcipuam homines vtilitatem percipiunt, venire. Nam id sanè non in postremis esse putatum est: adeoq; nōnullis curæ fuit, vt non seriatim omneis congeneres cibos, neq; cuncta plantarum genera post cereales fruges simul recensere, sed vt quidq; mortalium vitæ vtilissimum esset, ita primum ei locum in enarrationis serie dare voluerint. Videmus porro suillam carnē, hœdinā, caprillam, vitulinam, bubulam, ouillam, præterea venationem omnē, ceu vtiq; & volatiliū ac aquatiliū pleraq; magno hominibus vsui esse. Verum enim uerò ego cum singula eduliorum genera videam vno volumine comprehendi non posse,

*Panis in vita  
vtilissimus.*



haud ita multum referre existimās quid prius, quid  
 ve posterius sit, nondum dicta alimenta deinceps  
 sum persecuturus: & in hoc quidē secundo quæ no-  
 bis terra suppeditat, in tertio quæ ab animalibus  
 vsurpamus, enarrabo. Licebit enim vnicuiq; codicē  
 hunc de alimentis ad manum habenti, quotiescunq;  
 libuerit, nunc ad primum, nunc ad secundū tertiūve  
 volumen, prout quoq; maxime statuit vti, transcur-  
 rere. Vt igitur omnis de plantis sermo primis duo-  
 bus voluminibus absoluator, venio ad ea quæ dictis  
 supersunt, hinc sumpturus initium. Quæ primo li-  
 bro dicta sunt edulia, ea omnia plātarū semina sunt.  
 Nūc à fructibus ordiemur, si prius à seminibus eos  
 distinxerimus: præsertim quū plerisq; siue semē si-  
 ue fructum dicas, nihil interesse videatur. Ergo quæ  
 modo retulimus, paululum quid à fructibus discre-  
 pant: ab ijs vero quæ iam trademus, non mediocri-  
 ter. Etenim fici fructus, ipsæ sunt ficus: minutū ve-  
 ro illud quod interiore farcto cluditur granum, fici  
 est semen, sicut & vua, totius vitis fructus: nucleus,  
 eius tātum semen. ipsum itidem pirum, ac malum,  
 arborum suarum, mali inquam piriq; sunt fructus:  
 tria autē quatuorve in medio ipsoꝝ contēta grana,  
 seminis nomē gerunt. Quid amplius de cucurbitis  
 & cucumeribus attinet dicere? Quid itē de peponi-  
 bus, & melopeponibus, & quæcūq; consimilia sunt?  
 Vniuersus enim fructus permultū à semine differt.

que in 2<sup>o</sup> & in  
 3<sup>o</sup> dicitur et.

Fructus à semine  
 differt.

Cæterū in fabis, lupinis, dolichis, lēte, ac alijs quibus  
 uis seminibus quæ valuulis vestiuntur, totū id quod  
 ex tegmine semineq; cōstat, dicitur sanè fructus: at  
 maior substātię pars in solis seminibus cōsistit. Ali-  
 orū porro omniū ferme quæ in primo libro cōme-  
 morauimus, estur solum semen: solius dolichi, dum  
 adhuc virescit scilicet, integer fructus. quippe arescē-  
 tes siliquæ inutiles hominibus fiūt. fabarum autem  
 valuulę vel viridium edendo non sunt, quemadmo-  
 dum neq; ciceris, neque aliorum quæ elloba, id est si-  
 liquata Theophrastus vocare solet. quare nō iniuria  
 vulgo lobos, id est siliquas, quos quidam phasiolos  
 nuncupant, vocitari diximus: quandoquidē horum  
 duntaxat siliquę edendo sunt. De ipsorum autē fa-  
 cultate supra relatum est, veluti etiam quod a vete-  
 rum nōnullis dolichi ijdem fuerint appellati. Plan-  
 tarum fructus ab arboribus hortensijsq; holeribus  
 decerpuntur: inter quæ quidam medicorum pepo-  
 nes, melopepones, & cucurbitas cōnumerant: a qui-  
 bus ipsis præsentis quoq; libri doctrinam auspica-  
 bimur.

DE FVGACIBVS FRVCTIBVS, QVOS  
 GRAECI HORAEOS VOCANT.

**H**oram, anni id tempus appellant Græci,  
 in cuius medio canicula exoritur: durans  
 per quadraginta dierū spatium: quo tem-  
 pore omnes horarij quos vocāt fructus proueniūt:



alij florere tū incipientes, alij iam deflorere seu con-  
fenescere, alij in suo vigore, aut vltra paulū aut citra  
consistentes. Vocant porro horæos, non quòd id so-  
lum tēporis nascantur, sed (vt mea fert opinio) quò  
a cōditaneis eo nomine discernātur: quādoquidē &  
triticum, & hordeū, adeoq; omnia quæ primo sunt  
volumine enarrata, & singulis annis, & æstate pro-  
ueniunt, sed non cito cōrumpi possunt, vt cucurbi-  
tæ, mora, pepones, melopepones, persica, aliaque id  
genus. Quāquam enim hæc assiccata nonnulli con-  
dentes in hyemem vsq; seruant, attamen ne sic qui-  
dem priorem suam naturam tueri queunt, quin to-  
tam immutent. Quidā ergo cucurbitas in hyemem  
cibis seruāt, exempto prius semine, ac deinde sicca-  
to eo quod in illis quasi caro est, quo omnes magis  
quām [ipsis cucurbitis vtuntur. fiunt enim aridæ,  
exuccæ, lignosæ, & salgamarijs vasculis similes] su-  
pra quām alius quispiam esculentorum fructuum.  
In tritico autem, hordeo, & quibuscunq; cerealibus  
feminibus non euenit huiusmodi in cōtrarium na-  
turæ degeneratio. Siquidem hæc omnia talem sub-  
stantiam asseruāt, qualē in æstate maturata iam ob-  
tinebant. Illud porro nequaquam arbitror obscurū,  
nempe quæ siccò sunt corporis coagmento, vt perē-  
nantem habitum, ita solidum quoq; & terreum, eo-  
que alibilem eundem obtinere. At quæ humidæ cō-  
sistentiæ sunt, corrumpuntur ocys, & exiguum, &

*Horæi vocantur*

quod facile è toto corpore excernatur, alimētū prae-  
bent. quā ob rem etiā huiuscemodi prōptius quā  
solida per aluū deiiciuntur: prācipueq; quū adest eis  
nitrosum quippiā aut absterforium. cuius faculta-  
tis, quēadmodum ostēdimus, quidā fugaces fructus  
nō contemnendā portionē sunt adepti: quæ & pra-  
uioris succi esse perhibuimus ijs quæ nullā eximiā  
qualitatē gustabilē gerūt, sicut optima aqua. Ergo  
huiuscemodi omnia, multoq; magis quotquot ante  
exactā maturitatē esitātur, flatulenta sunt, sed cele-  
rius deorsum cōmeant: ceu ea quæ tenuē seruāt hu-  
morē, citius per mēbra diuidūtur. Sunt porro id ge-  
nus omnia vitioso succo notata. Adeoq; longo iti-  
nere defatigatis duntaxat, ingentiq; aestu squallētibus  
ex vfu sint. Tum nāq; hominē refocillant ac iu-  
uant, partim squallorē irrigantia, partim mediocri-  
ter frigerantia, si quidē frigida assumantur. Etenim  
calida ita vt retuli affectis oblata, vt per omnia hu-  
meētent, refrigerādi certe non retinent potestatem.  
Neq; enim eo frigiditatis propria illorū natura per-  
uenit, vt valeat etiam si calida offerantur, vētri refri-  
geriū prāstare. Quare extraneo adscititioq; frigore  
opus ijs erit, quo partiū calori quæ circa vētriculum  
& iecur sunt sitæ, quibus primis etiam occurrunt,  
queant resistere. Itaq; habita horum notitia quæ cō-  
muniter ad omnia eiusmodi esculenta spectāt, iam  
ad proprias cuiq; facultates accingemur.

omnes in his  
aut vbi habuol.



## DE CUCURBITA



Ruda cucurbita cibo insuavis est, stomacho perniciofa, & concoctu planè inexpugnabilis: adeò vt si quis alterius cibi inopia ingerere eam compellatur, ceu quidā iam ausus est: pondus cum algore vētriculo incūbere sit sensurus, euerfoq; stomacho ad vomitionem concitāndus: quæ vna eum ab vrgentibus illis tentationibus potis est liberare. Hanc igitur, aliaq; ex fugacibus complura, aut mox quā elixata est, aut frictā insuper in sartagine, aut assam omnes homines esse cōsueuerūt. Atq; hunc communem de omnibus quæ alterari ac corrigi per ignem postulāt, sermonē perpetuò te in memoria velim habere. Cucurbita vero, de qua dicere coepimus, elixa nullā euidētem saporis qualitātē habet: nisi quis eū quoq; saporē nominare velit, qui neque acris neq; salsus est, nec acerbus, nec amarus, nec id genus quippiā manifeste repræsentat, veluti nec ipsa aqua. At huiusmodi cuncta cōmuni nomine omnes græci *ἀραια*, id est qualitatis expertia vocitare solent, latini fatua, aut insipida: quo modo nos quoq; clarioris doctrinæ gratia appellabimus. Talis ergo cum sit cucurbita, nō immerito varias apparādi formas admittit, vtpote in medio omnis excessus cōstituta, eoq; potis promiscue & ex æquo quolibet duci, & aptari. At eorum quæ congenitū quēpiam excessum seruant, nullum in cōtrariam facile

*Cucurbita insipida*

parādi rationem pertrahi comparatum est. Proinde  
de cucurbita, quantum equidem in se est, humidum  
 frigidumque corpori alimentum præbet, ac id i=  
 psum ea de causa exiguum, vti paulo ante de omni=  
 bus quæ aqueo tenuiq; humore constant, perhibui=  
 mus. sed leuiter per aluū subit, cum ob suæ substan=  
 tiæ lubricitatem, tum ob communem omnium hu=  
 midorum ciborum rationem, qui scilicet citra ad=  
 strictionem tales sunt. Nec sanè infeliciter cōcoqui=  
 tur, modo non anteuertat corruptio. Nam ea illi so=  
 let nonnunquā accidere cum aut vitiose fuerit præ=  
 parata, aut prauos humores in ventriculo acerua=  
 tos offenderit. Est quādo ob nimiam in eo moram:  
 quod alijs quoq; omnibus fugacibus fructibus hu=  
 midæ temperaturæ ferè vsuuenit. Nam in ventri=  
 culo corrumpuntur & ipsi, ni celeri descensu id ma=  
 li effugiant. Quemadmodum ergo cucurbita pura,  
 & vt in seipsa est, succū in totum corpus alendi gra=  
 tia digestum expertē qualitatis gustabilis obtinet:  
 ita cum alicui vehemētem habēti facultatem fuerit  
 iuncta, facile illi cōsimilescit: vt si cum sinapi suma=  
 tur, succus ex vtroq; in membra diffusus acris effi-  
cietur cum manifesta caliditate. Eadem ratione si  
 cum falso quopiam esitetur, ceu nonnulli in patinis  
 cum salsamēto instruunt, falsum in corpore humo=  
 rem generabit. Est porro sic apparata cibus longe  
suauissimus, si salsamentum ex ponticis illis sit quæ



myla appellantur. Eadē cum malis cotoneis elixa, decenterq; condita, austero sapore in distributione præpollet. Assa autē, vel in sartagine fricta, vt propriæ permultū humiditatis deponit, ita reliqua eius pars nullam sibi valētem vim adsciscit, vti nec cum in iure simplici paratur. Cæterum ob aqueā qualita- tem sibi innatā nō immerito origano iungi gaudet. Quęcūq; enim talia sunt, acribus aut acidis, austeris ve aut falsis permisceri saporibus postulāt, si quis & cū voluptatē ea capere, & nauseam cupiat euitare.

## DE PEONIBVS.



Vniuersa peponum natura frigidior cū larga humiditate existit. habent & quādam abstergēdi vim: ideoq; vrinā cient, & deorsum expeditius quā cucurbita & melopepones rapiūtur. Quod porro abstergeāt, discere licet sordidam cutem defricando. Quam ob rem etiam maculas, solares <sup>epileptis</sup> vocatas, & lentes faciem occupantes, atq; summā vitiliginē extergere possunt. Sed semen quod in eorū veluti carne cōtinetur, ad hoc efficacius, adeo vt renibus etiam cal- culo infestatis sit accōmodatū. Gignit pepo in corpore vitiosum humorē, præcipueq; siquādo rectam concoctionem non assequatur. Tum vero morbum etiam qui cholera dicitur, inducere consuevit. Et enim priusquā ad corruptionē peruenit, vomitioni quoq; idoneus est: largiusque ingestus, nisi quis ali-

f. j.

Cucurbita Asa

sup. cucurbita  
asina

ren,

ren. cal.

Pepo (ho) in morbo  
gignit.

DE. ALIMEN. FACVL.

quid eorū quæ pbi sunt succi, supermādat, omnino vomitū cōcitabit. Illud porro perspicuū est, grācos in hoc quoq; fructu totius generis nomēclaturā posuisse, sicut in eo liquore quo literas pingimus, quod μέλας ipsi, latini atramentū appellāt. Hoc enim vocabulū μέλας illis veluti πὸ μέλανος sonat, hoc est maturū. quod alijs quoq; cōpetit quæ maturescunt. Nā & racemus cū exacte maturus est, dici potest pepon: quēadmodū cū nōdū maturuit, perperā sic vocetur, vtpote crudus & immaturus. Eadē ratione omneis autūnales fructus, & cucurbitā, πῖρα, id est matura nūcupare mos est, sicut & quē melopeponē nominamus, qui peponē voce cōplectitur. vnde medici quidā nō simpliciter peponē fructū hūc de quo nunc agimus, sed sicyopeponē vocandū censuerūt. Nos vero in prēsētia super eiusmodi nolumus esse solliciti, vt quæ ad medicinā nihil cōducāt. siquidē lōge præstat dilucide explicare res, q̄ huiusmodi anxia disquisitiōe doctrinæ perspicuitati tenebras offūdere. Tū porro dices perspicue, cū vocabulis vulgo maxime vsitatis seruata illorū, ppria significatiōe veris.

DE MELOPEPONIBVS.



Melopepones & minus humidi quā pepones sunt, nec adeo prauī succi. segnius item prouocant vrinā, tardiusq; deorsum descēdūt. Ad vomitū vero excitandū nō eandē vim obtinēt, sicut nec celeriter in vētriculo prauī humo-

*melones sub*



ris collectiōe aut alia corruptionis causa obsessio cor-  
rumpuntur. Ceterū tametsi in iuuādo stomacho autū  
nalibus fructibus lōge sunt inferiores, haudquāq̃ ta-  
mē ei ceu pepones officiūt: quin nec vomitū, vt dixi,  
perinde ac illi possunt cōmouere. pars porro intima  
carni semē inclusum tāgens, quū in peponibus edē-  
do nō sit, in melopeponibus passim ab hominibus  
māditur, deiectioni nō inutilis. Qui vero eorū quasi  
carne tātū vescūtur, nō tā cito eā ac peponū excernūt

## DE CVCVMERIBVS.



Rinalis quādā his quoq̃ facultas cōcessa  
est, vt peponibus, sed imbecillior, minus  
nēpe substātia humidis: ideoq̃ nō facillē,  
vt illi, in vētriculo vitiātur. Inuenias qui  
hos quoq̃ ceu alia pleraq̃ bonæ hominū parti inui-  
cibilia, cōficiant, ob totius scilicet naturæ cū eis pro-  
prietatē: quā in cōmētarijs de tēperamētis, multoq̃  
maxime in libris medicamētōrū exposuimus, de-  
monstrātes suū cuiq̃ animanti cibum tota substan-  
tiæ proprietate familiarē à natura cōparatū esse, vt-  
pote asinis equisq̃ paleam, fœnū, hordeum, aliaq̃ id  
genus similia, leoni crudas animalium carnes, homi-  
ni eas ipsas coctas, vnaq̃ panes ex frumentaceis se-  
minibus vt diximus elaboratos. Quin & hellebo-  
ro coturnices, & cicuta sturni citra noxam vescūtur,  
ceuvtiq̃ eruo boues. Quare quæ facilis cuiq̃ aut dif-  
ficilis concoctionis sint alimenta, aut ex propieta-  
f. ij.

*sunt coturnices*

*coturnices  
Puraj*

te substantiæ, aut aliquo symptomate, experiundo discere ac iudicare oportet. Quid porro id sibi velit quod ex aliquo symptomate dixi, in primo libro declaratū est. Etenim sunt quibus biliosus humor, aut qualecūq; omnino excrementū identidem in vētriculo cōgeritur: in ijsq; cibi leuis cōcoctionis cito corrumpuntur: ceu alij nonnulli reperiūtur qui natiuū calorē non humidū neq; bene temperatū, sed squalidū igneūq; obtinēt. nam in istis quoq; quæ alij facillime omniū cōcoquūt, ex facili ea vitiātur, ructātq; ij in totum fumidū quid, seu ridorosum. Cæterū illud perpetuo memoriæ mandandum erit, quod pertinacis cuiuscūq; edulij, quāuis feliciter à quopiā perficiatur, succus tamē ipse in corpus digestus, anti quā naturam mordicus sit retenturus. Siquidē fieri nō potest vt aquosus peponis succus vel optime cōcoctus, crassus terreusq; euadat: quemadmodū nec is qui ex lente aut bubula carne prouenit, aquosus, humidusq;, quem tenuē consistētia appellāt. in quo potissimum tuendæ sanitatis, & morbi præcauendi cardo vtilitasq; versatur, vt alibi demonstratum a nobis est, & nūc rursus paucis summatimq; in progressu sermonis docebimus. Ergo quibus cucumeres bene cōcoquere datū est, dum in hoc fisci intrepide affatimque ijs se explent, longi temporis tractu gelidum & vtcunque crassum humorem in venis aceruari contingit, qui per eam qua venæ fungun-



tur concoctionem haud facile in probū sanguinem potest conuerti. Proinde omnibus prauī succi edulij, quantumuis probe à nonnullis cōficiantur, abstinere in totum consuluerim. Clam enim sensimq; longa dierum serie prauus in venis succus ex ipsis suggeritur atq; accumulatur: qui velleuicula putredinis arrepta occasione febres sæuissimas & mire contumaces excitabit.

## DE ARBORVM FRUCTIBVS.

**P**ira, mala, ficus, persica, punica, omnesq; cōsimiles arborei fructus hominū adiuuant cibos. Sunt & præter hos alij, sed cibo dānati: de quibus in præsentia dicere nō est institutum. In vniuersum autem communi edicto de fructibus quibus homines vescuntur, scire oportet, humidos tenuem humidamq; ex se alimoniam corpori afferre. Quæ ipsa talis cum sit, necessario & cōmeabilis erit, inq; omneis corporis partes penetrando, velociter tum per vrinas, tum per cuticularia spiramenta excernetur. ex quo non absurde omnes huiusmodi escas græcorum medici oligotrophas, id est exigui nutrimenti vocitarunt. Cōtrā ex solidæ consistētiæ fructibus amplior corpori, quod ad alimoniam pertinet, fit accessio: sed nō eadem in transeundo est celeritas, maxime vbi crassum, glutinosum, aut adstringentem succum obtinuerint.

f. iij.

omnes fructus  
humidos & tenuem  
humidam ex se  
alimoniam corpori  
afferre.

DE. ALIMEN. FACVL.

DE FICVBVS.



Ommune omniū autūnālium fructuū, neq; eorum solū, sed & fugacium, qui à græcis horæi vocantur, vitiū ne ficus quidem effugere potuerunt. quāquam enim cæteris omnibus tam fugacibus quā autumnalibus minus prauī humoris adgenerant, haud tamen penitus huius vitij immunes iudicātur. Cæterū hæc eis insunt bona, nempe quod cōmeabiles sint, & facile in totum corpus peruadant penetrentq;. Nam & abstergendi vi pollent haud obscura: cuius gratia commansæ, è calculosis renibus arenularū vim propellūt. Cum porro omnes autumnales escæ exigū corpori alimentū præbeant, minime omnium ficibus id vsuuenit. haud tamen cōpactam firmāq; carnem efficiunt, ceu panis, & suilla caro: sed turgidulā & subinanē, veluti fabæ. Quin vētrem flatibus implent & ipsæ: & non mediocrē hinc profecto molestiam intulissent, ni celer descensus anticipando occurrisset: quo dotata, quū non multū tēporis inventre trahāt, haudquā diu inflare sinūtur: ideoq; alijs autūni fructibus innocentiores esse consueuerunt. Cæterū maturæ ficus immaturas haud paruo intervallo antecellunt. quod & in alijs omnibus cernitur fructibus: quāq; nō tam ingens in illis discrimē existat. Siquidē ad plenū maturatæ ficus paulo minus omni prorsus noxa vacant, iam vel caricis exæquā-

*Ficus inter vitiū  
nisiul magis*

*Calculi in renib;*

*Ficus flatū generat.*



dæ: quæ licet ipsæ multiplici vtilitate cōmendentur, si quis tamen crebro largiterq̃ esitauerit, sentiet non esse innoxias. Non admodum enim probum sanguinem gignunt. quapropter pediculorum quoq̃ agmen eas comitatur. Incidēdi extenuādiq̃ vim habent: quo nomine aliuū stimulant ad excretionē, renesq̃ expurgant. Iecori autem lieniq̃ inflammatio-  
ne obsessis officiūt, velut ficus quoq̃, cōmuni ratio-  
ne omnium dulciū epularū, nō peculiari quapiā exi-  
mia virtute. obstructis autem illis, aut scirro duritia  
ve tentatis ipsæ ex sese proprijs viribus nil profunt  
nec obsunt: sed incidentibus, extenuantibus, & abs-  
tergētibus iunctæ, nō mediocriter auxiliātur: ideo-  
que medici nonnulli in dictis lienis iecorisq̃ affecti-  
bus eas lōge ante cibum cum thymo aut pipere aut  
zingibere aut pulegio aut satureia aut calamentho  
aut origano aut hyssopo dare soliti sunt. Adeun-  
dem modum cum alio quouis acrem qualitatem,  
aut omnino incidendi extenuādiq̃ vim gerente ca-  
ricas assumere, non solum ita affectis, sed sanis quo-  
que ex vsu fuerit. Siquidem iecoris meatus per  
quos fertur alimentum, patentes apertosq̃ seruari  
non solis laborantibus, sed bene valentibus etiā tu-  
tissimum est. Proinde hoc pacto ficus extenuante  
sale, aceto, garoq̃ conditas vulgo comedunt, experi-  
mento id vtile esse compertum habentes. Verisimi-  
le autē est & a medico quopiā qui ita aliquando su-

*Pedijcus*

*ficus autem pectus, et  
 bene se expurgant.  
 hic notat Iecori Inflammationem*

mere præceperit, notitiam eius in vulgus dimanasse. Qui cum aliquo incrassantium eduliorū caricas ficiſve eſitant, non mediocriter offenduntur.

## DE VVIS.



Ficus, vuæq; vt autūnalia fructuum, quæ oporē nominantur, caput honoſq; ſunt, atq; fugacibus omnibus præclarius nutriūt, ita q̄ minime prauī ſunt ſucci, præfertim exactā maturitatem adeptæ. Nutritionis certē maximo argumento ſunt vinearum cuſtodes. Si quidem hoſ toto bi-meſtri quo cuſtodiam agūt, nihil eſitantes præter ficuſ & vuas, niſi interim aliquādo panis modicum admetiantur, obefoſ tamen ac pingueſ videmus. Cæterum minime firma denſaq; eſt caro quæ ex iſ generatur, ſed fungoſa, & cū vuiditate quadā flacceſcēſ: ideoq; haud longe poſt ceſſante eſu contrahitur ac corrugatur. Vuæ ficubus minus alūt: bonumq; iſ hoc maximū eſt, q̄ velociter per aluum ſubeāt. Etenim ſi aliquando retineātur, grauiter nocent, id quod maturiſ ficubus minime vſuuenit. Hæ nanq; etiam ſi non vt par eſt deorſum concedant, dūmodo probe in ventriculo concoquantur, innoxium corpori alimentū tribuūt, quorum neutrum vuis conceſſum eſt. nec enim retentæ probe nutrire poſſunt: & dum per iecur venaq; diſtribuuntur, crudum humorem procreant, qui non facile in probum ſanguinem natus eſt conuerti.

*vinearum cuſtodes*



Acini nanque corpus ex quatuor componitur: ex eo scilicet quod eius ceu caro est: exq̃ humiditate per eam dispersa, vnde vinum: præterea ex nucleo: atq̃ eo quod omnia hæc foris circuncludit membranoso tegumēto. Nucleorum porro substantia sicca est & substringens: atque per omneis intestinorum anfractus transit citra vllam sensibilem immutationem, non secus ac ficaria granula. sunt enim hæc in vtroque fructu proportionem inter se similia, cū & in sua vtrunq̃ plāta seminis rationem obtineat, & inalterabile, illiquefactum, & non mutatum transmittatur. Est & proportio quædam in exteriori tegmine quo vterque fructus vestitur, eandem illis vtilitatem præstante, quam cutis aut corium animalibus. Obscuravero & huius invētre fit immutatio: ac nōnulli ceu inutile expuūt, exucto omni eius ac nucleorum interiore succo: quos ipsos aliqui expuere tentant, maximeq̃ cum grandes fuerint vuæ. nā in exilibus id factu permolestum est. Liquet porro vētrē magis laxari sola acinorum carne cum succo hausta nucleis ac membrana foris ambiēte exclusis. Adhuc vero fufius, cum solus ipse expressus succus, quē mustum vulgo appellant, sorbetur: qui ventrē flatibus nonnihil distēdit, ni velociter pertranseat. Ergo hic quoq̃ corpus vtcunq̃ nutrit, sed q̃ carnea substantia imbecillius: eoq̃ accidit vuas quasdam magis nutrire, q̃ deorsum cōcedere: contra alias promptius con-

*Nuclej pene sub*

*Mustum flatibus  
plenum est*

cedere, q̄ nutrire. Ergo q̄bus exiguus succus, vberior  
 etiā alimonia: quibus copiosus, cū minore alendi fa-  
 cultate maior laxādi vis inest. Vocātur autē vuæ ille  
 quibus exigua humidæ substantiæ portio est, solidæ  
 vero permulta, quā ceu carnē acini esse diximus: ge-  
 nerosæ. Atq̄ ijs vtuntur autumnī tempore, non vno  
 eas modo reponētes. Etenim in mustum coniiciūt;  
 impletaſq̄ ijs nouas ollas in vinaceis cōdunt. sic por-  
 rō appello duras solidasque vuarum in torculari pe-  
 nitus expressarum reliquias: quas ipsas homines in  
 dolijs componunt stipatas admodum & cōstrictas.  
 græci stemphyla eas vocant, vulgus eorum tryga.  
 Nam stemphyli nomine congeriem illam ceu radi-  
 cularum ex sarmento prodeuntem hi significant:  
 vnde videlicet acini cum pediculis dependent. quā  
 alij βότρυχοι, latini scopium nominant. In his igitur  
 vinaceis ollas nouas vuīs refertas cōdunt, operculo  
 diligenter obfirmantes, ne vlla fiat perspiratio, spa-  
 tium inter ollam & operculum oppicādo, omniaq̄  
 spiracula obturando. Ipsas item fidelias ex luto be-  
 ne olido & plene cocto fictas esse oportet. Huiusce-  
 modi vua ventriculū dissolutū confirmans, cibi au-  
 ditatem fastidiosus inducit: sed per aluum non facile  
 delabitur: māsāq̄ largius, capitis arcē inuadit. Quæ  
 in musto conditur, magis etiam quā hęc caput in-  
 festat. Pensilis nihil ei prorsus infert noxæ, ventrem  
 nec reprimere, nec cōcitare in deiectionem nata. Si



militer & appetitū nec torpētem expergefacerē, nec  
 constantem prostertere valet. Vuarum omniū illā  
concoctū optimē sunt, quas homines in vinaceis &  
musto per totum annum conditas seruare vsque ad  
 alteram vindemiam retulimus. Pensiles vuā dū in-  
 aruerint, inutiles fiunt, idq; quibusdā statim in ipso  
 vere, nullis certe non in æstate contingit. Haud por-  
 rō exigua vuarum in sapore est differentia, dum aut  
 dulces aut acidæ aut austeræ sentiuntur, aut nullave-  
 hementi qualitate præditæ, quas ipsas vinosas no-  
 minant. Proinde dulces calidioris sunt succi, ideoq;  
 siticulosæ. Austeræ pariter ac acidæ, frigidioris. Vi-  
 nosæ, in caloris frigorisq; medio. Dulces itē aluum  
 subducunt, maxime humētes. Acidæ austeræq; non  
 huic solum muneri inidoneæ aduersæq; sunt, verū  
 etiā cōcoctioni, distributioni, ac nutritioni. Equidē  
 acidæ quāuis exactam maturitatem in ipsa vite asse-  
 cutæ, suspendantur: ne sic quidem mitescūt. Auste-  
 rarum quædam ad dulciorem naturam transeunt q̄  
 diutissime suspensæ. Acerbæ, similiter acidis, quan-  
 tūvis longa suspensione in dulcem saporē nequeunt  
 transmutari, quocirca esum earum cauere perpetuò  
 oportet. Omniū ergo tutissime illis vtare, quarū na-  
tura carneo liquore constat, cūq; hoc maturitatē sunt  
adeptę, sed has ipsas intra modū esse oportet, siue in  
vite summā maturitatē obtinuerint, siue quod de-  
erat, suspēso perfecerit. Secūdū pēsiles, eas quę auste

*vine pensiles*  
 1

DE. ALIMEN. FACVL.

re acideq; qualitatis sunt expertes, affatim vētris de-  
 ijiēdi gratia ingerere licet. Quidā in hūc vsum mu-  
 stū, idq; in primis dulcissimū, bibūt. Hoc enī, si quod  
 aliud, maxime mouet. Quod ab austeris aut acidis  
 pfluxit, ad omnia ineptissimū. Verūenimvero ego  
 me ita nominibus vsum fateor, vt passim nūc homi-  
 nes vsurpāt: maius me operæpretiū ratus facturū di-  
 lucide res ipsas tradēdo, q̄ veterem atticismū anxie  
 affectando. Qui vero id perspicuo docendi genere  
 præstantius ducūt, vuarū solidas partes ab expresso  
 musto relictas, brytia malunt appellare, ceu stēphy-  
 la oliuarum, quæ expresso supersunt oleo. Quod ve-  
 ro crassum in vino subsidit, pleriq; attici sermonis  
 studiosi τεύρα, id est fecem vocant: eoq; nec vlla apud  
 eos in vocibus ambiguitas cernitur, ceu apud alios  
 homines quicunq; vinacea etiam tryga nuncupant.  
 Quin tertium quiddā hoc nomine τεύρος græci nunc  
 solent significare. Siquidem vinaceorū madefacto-  
 rum dilutum tryga vocitāt. Quod rursus à nostris  
 atticis Δευτερία, apud nos σεμφυλίτις, a latinis lora voca-  
 tur. Coniectis nanq; in parua dolia vinaceis aquam  
 superaffundunt, vsq; dum vndiq; omnia permade-  
 scant. Quod vbi satis factum videtur, in dolij fun-  
 do foramen aperiunt, vt possit effluere dilutum: idē  
 que pro vino bibunt. Illud porro non arbitror obs-  
 curum, quod pro modo racemorum aquam affun-  
 dant, ita experientia docti: quò videlicet neq; aquo-

Lore cōficiende  
 Ratio 2 modus.



sa admodū neq; meraca sit lora. Deinde vero rur-  
 sum aquam vinaceis, parcius tamen quā prius, in-  
 fundunt, sic vt hoc quoq; potioni sit attemperatum:  
 quod quidam atticæ proprietatis curiosi proprie  
 Διυτεγίαρ dici volunt, non veluti prius illud. Vtraque  
 lora capiti dolorem affert, nisi dilutior bibatur. sed  
 prior magis ferit. Dos vna huic potioni cōcessa est,  
 nempe quod ocyus per vrinā reddatur. sed nō pau-  
 ca subest diuersitas ex varia vuarum specie è quibus  
 vinacei sunt relictī. Etenim si dulces fuerint, suauis  
 or lōge erit potus, citiusq; per vesicā excernetur. Ab  
 acerbis acidisq; multo inamœnior, & minus vrina-  
 lis. Dilutū huiusmodi seu lora valētius vinosiusque  
 efficitur, cum in ver vsq; aut estatē seruatur. Hye-  
 mis tempore vsibus aptatum, vt caput minus tētat,  
 ita & segnius emeiſtur.

## DE VVIS PASSIS.



Andem passæ cum vvis rationem, quam  
 caricæ cum ficubus, obtinent. Euadunt  
 enim dulces complures, acerbæ omnino  
 perpaucę. Plurimæ mistæ ex dulci auste-  
 raque sunt qualitate, quāquam dulcibus quoq; por-  
 tio quædam subobscura inest austeritatis, ipsiq; au-  
 steris dulcedinis. Austere temperamento frigidiores  
 sunt, ceu dulces calidiores. Stomachum item austera  
 corroborant, & ventrē constringunt: acerbæ his etiā  
 fortius. Dulces medium quodammodo inter ipsas

locum tenent, nec stomachum dissoluentes, nec aluū subducentes. Adest tamē dulcibus semper vis quædam correctrix tēperamenti: quā græci, <sup>ἐπιμαρτυρία</sup> vocant: ceu etiam modiocriter absterforia, ita vt ex vtriusq; facultatis ope leues oris ventriculi (quod & stomachus græce dicitur) morsiunculas retundere seu hebetare possint. Nā grauiiores mordicationes cōstat præstantiora sibi auxilia exposcere. Passarum optimæ, pingues, & suo veluti cortice tenues. Nonnulli, & bene profecto, ē dulcibus grandibusq; quales sunt scybeliticæ, prius quā ingerant, nucleos eximūt. Quæ & ipsę inueteratæ duram crassamque membranam acquirunt: ideoque in aqua præmacerare oportet. nam & nucleus hoc pacto extrahitur expeditius. Contra diuersæ ab his aliæ quædam sunt solidæ, crassæque, nullo prorsus nucleo. Crescunt hæ in Cilicia, subflauo colore. In Pamphylia scybeliticæ, colore nigro: quæ, vt dixi, grandissimæ sunt. Minimæ in Cilicia, vermiculæ. Aliæ præter has in Cilicia nascuntur, colore nigro, mediæ magnitudinis: quemadmodum & apud alias plerasque gentes, potissimum in Libya. In Asia varia passerū species mediocri magnitudine prouenit. Et enim subflauæ, nigræ, dulces, subaulsteræ quædā apparent. Cæterum in frigidis regionibus ne ipsæ quidem vix permaturari omnino queunt: nedum passerum quæpiam. Quapropter resinam vinis super-

*une paille que  
sont bone*



inijciunt, ne celeriter acefcant. Quemadmodum igitur coloris discrimen nihil ad passarum virtutem facit, ita nec magnitudo. Sola gustabilis qualitas omnem facultatem potest discernere: cui vni intentus, quibus, & quando exhibere eas oporteat, inuenies: uti prius dictum est. Alimentum ex passis tale in corpus distribuitur, qualis eorum fuerit natura, dulce ex dulcibus, austerum ab austeris, mistum ex ijs quæ vtriusque qualitatis participes sunt. Quantitatis hæc est ratio. Ex pinguibus dulcibusque amplior, ab austeris & macris parciore alimonia. Quod si passarum pinguium, dulcium ac enucleatarum modum parem cum vuarum modo componas, passas valentius nutrire deprehendes. Huiusmodi sane ut minus quam caricæ subducant abstergeantque, illis ipsis tamen stomacho sunt vtiliores.

*Resina vinis  
indita ab acidi-  
tate eos iudicat*

*que passe uolē  
hinc nutriūt vitiis*

DE SYCAMINIS, QUAE ET MORA  
VOCANTVR.



On hæc attici sermonis affectatoribus scribimus: fortassis enim ne lectione quidem ea dignabitur ipsorum quispiam, corporis pariter animique sanitate fortiter contempta: [verum quum medicis, potissimum de altissimo non admodum sollicitis, tum vero ijs etiam qui non uti pecora, sed pro rationis imperio vitam transigunt,

quibusq; corporis & animi cura ac cultus, ambitio-  
 ne, gloria, opibus, luxu, ciuiliq; potētia potior anti-  
 quiorq; habetur.] Hi enim, probe scio, atticam lin-  
 guam nihilo pluris quā aliorum hominum æsti-  
 mant. at sanitatem ipsam præstantius quiddam di-  
 gnusque ducunt homini qui naturæ conuenienter  
 studeat viuere. Quum igitur planissimū maxime-  
 q; perspicuum sermonē magis ijs ex vsu esse cogno-  
 scam, familiaria vsitataque ipsis nomina sum pro-  
 positurus, quāuis priscis illis græcorum minime in  
 vsu fuisse arguentur. Mōra ergo vocē esse puto vul-  
 go vtrunq; notam, si non alia de causa, at saltem ob  
 stomaticum illud medicamētum quod diā morū  
 appellatur, ex illorum succo compositum. Ceterum  
 autumnalium fructuum quos deinceps referemus,  
 quo nomine ante annos sexcentos ab Athenien-  
 sibus fuerint appellati, bona pars hominum hodie  
 ignorant: quandoquidem hac tempestate vidēt eos  
 nihilo secius ac alij græci vnūquemque fructum no-  
 minare, mora q; ipsa tam sycamina, quā mora di-  
 cere. Itē persica, carya, præcocia, cæteraq; poma pro  
 aliorum græcorum consuetudine. Siquidem nihil il-  
 lis, modo rerum virtutes calleant, etiam si priscas ea-  
 rum nomenclaturas ignorent, hinc dāni incommo-  
 dive queat accidere. Quanto hac nominum peritia  
 præstantius est illud nouisse, eduliorum scilicet deie-  
 ctionem procurantium quæ tarde cōmeant, postre-

*Dia moro*

*quidā*



mo sumēda esse ordine. quæ vero celeriter subsidūt,  
 & in ventriculo morata corrumpuntur, primo ante  
 omnia loco. Quāquam tanē non omnino mihi ho-  
 mines quo quæq; ordine sumenda sint, ignorare vi-  
 dentur. Nam in plerisque edulijs eum etiam nū ser-  
 uant, dum videlicet radiculam, oliuas, fœnū græcum  
 ex garo prægustantes, deinde maluas, betam, aliaque  
 id genus olera ex garo & oleo assumētes cernimus.  
 Ciborum enim qui quotidie esitantur, vires longa  
 eos experiētia facile potuit docere, nisi qui planē mē-  
 te sint capti. Rarius & lōgiore tempore in experiē-  
 tiam veniētes, diligētī duntaxat viro obseruare da-  
 tum est ac commeminisse. Itaque mora vbi & in pu-  
 rum ventriculum, & prima fuerint ingesta, citissi-  
 me transeunt, & alijs cibis suo veluti ductu viā stru-  
 unt. Verum secundo loco assumpta, aut prauo in vē-  
 tre humori occurrētia, celerrime alijs vnā cum cibis  
 corrumpuntur, alieno quodam atq; indicibili corru-  
 ptele modo, similiter cucurbitis. Tametsi enim fu-  
 gacibus hæc sunt esculētis innocētiora, corruptione  
 tamen, eaq; noua ac perniciosa vitiantur, nisi veloci-  
 ter deorsum concedant, non secus ac pepones. Verū  
 & hi cito subeuntes, haud ita multū efficiunt. Quū  
 porro ventriculi os squallens calidumq; erit, tum si-  
 cut peponibus, ita & moris peropportune vteris.  
 Tale nanque iecur etiam tunc esse necesse est. Cæ-  
 terū cucurbita & cucumis & pepo siue maturi siue

qui cibi prius qui  
 ne vbi dicitur  
 libet dicitur  
 contem reddi rem  
 quædam ventriculi caliditas

Mora facilis est  
 corruptionis.


DE ALIMEN. FACVL.

*Medicamen-  
tales ad di. interna.*


immaturi, cumq; ijs melopepon, adstringentis qua-  
litatis participes non sunt. At in moris, maximeq;  
non admodū maturis, manifeste hæc facultas cerni-  
tur. Immaturioribus vero adest & acida. Hæc non-  
nulli ab arbore decerpta, siccataq; in hyemē reponūt  
vt sibi medicamen ex ijs parent vtile ad dysenteria,  
aluiq; diuturnū fluore persanandū. Verū nunc mi-  
nime medicaminū facultates recensere nobis est in-  
stitutum. Rursus ergo quæ mora vt alimēta præsta-  
re possint, doceamus. Quod quidē facile descēdant,  
dictū iam est. Forte autē id eis vsuuenit sola substā-  
tiæ humiditate & lubricitate, forte vero etiam admi-  
stione acrioris facultatis, quæ stimulandæ ad excre-  
tionem aluo sit satis. Nam adstringens qualitas  
adeo nihil ad deiectionem opitulatur, vt etiam re-  
primere stipareq; sit nata. Haud paucas porro res  
cōtrariarū facultatū participes esse, in libris de sim-  
pliciū medicamētorū facultate declarauimus. Pro-  
inde moris exiguā quandam eius virtutis portiūcu-  
lā inesse conijcio, cuius permagna in purgātibus me-  
dicamētis, quæ aluiduca quidā vocarūt, habetur: quæ  
facit nō solū vt facile deiciantur, verū etiā vt diutius  
in ventre morata corrūpantur. Quod si corruptio-  
nē effugiāt, omnino quidē, vt dixi, humectāt: sed nō  
plane refrigerant, nisi frigida accipiātur. Parcissime  
corpus alūt, similiter vt pepones: haud tamē vomī-  
tum cient: nec stomacho, vt illi, aduersantur.



## DE CERASIIS.


 Erasiorum quædam moris similia sunt, minimum adstringentia: quædam rubi fructibus, manifestius adstringentia. Sunt quæ his etiam vehementius adstringant. Ergo cuiusque iam dictorum facultates ex ijs quæ de moris & rubi fructu referuntur, conijcere licebit.

## DE RUBI FRUCTU.

 Vbi fructum nostrates homines à bato batinum vocant, quemadmodum mora, & sycamina, [eum quem morus aut sycaminus profert.] nam vtriusque modo appellatur. Fructus hic magis quam mora adstringit: sique liberius ingeratur, capitis affert dolorem. Est in hoc genere qui stomachum quoque lacerat. Quapropter eluere pulchre hunc fructum prius quam assumatur oportet. quod in moris sanè non minus faciundum censeo. Alui excrementa non expellit, sed potius retinet: sique immaturiorem eum desiccans quis reponat, longe vehementius coercet. Omnia porro quæ ex mori succo medicamenta componuntur, ex huius liquore reparata efficaciorum virtutem acquirunt.

*Fructus Rubi*

## DE FRUCTU CANIS SENTIS.

 Anis sentis fructus longe adstringentior rubi fructu existit: ideoque ventri suppressando accommodatior. Rustici frequenter hunc esitant, tenui alimonia: vocantque

g.ij.

DE. ALIMEN. FACVL.

cynosbaton, id est canis sentem.

DE IVNIPERI FRVCTV.

**I**Vniperi fructū grēci arceuthidas nomināt. Acris abunde est cum leuicula dulcedine, leuioreq; etiānū adstrictione. Edit & odoratum quid: ideoq; calfaciēdi vim habere nō est obscurum, cum ob acrimoniam (ostensum enim est acria omnia calfacere) tum vero etiam quoniā gustu olfactuq; odoratus sentitur. siquidē omne odoramentū calidū est. Iecur renesq; expurgat, nimirū crassos ac glutinosos humores extenuādo: eaq; de causa salubribus medicamētis immiscetur. Perexiguū corpori humano alimētū ex eo apponitur. Affatim sumptus hic fructus stomachum arrodit, caputq; exalfacit: ex quo illud quandoq; vaporibus implens, dolore diuexat. Aluum nec retinet, nec impellit. vrinā ciet mediocriter.

DE CEDRI FRVCTV.

**C**edrinum fructum vocant grēci cedridas, iuniperino tam colore q̄ figura similem. nā & sufflauus, & rotūdus est. differt dūtaxat acrimonia. Parum enim abest quin cibo dānatus, ad medicamenta relegetur. Nullam nanq; corpori alimoniam prēbet, nisi in aqua commadefactus sumatur. Etenim commune id habent acria omnia, vt

*Fructus iuniperi calfacit*



tenuiter corpus alere possint sua acredine exuta.  
Quinetiam durior sicciorque est cedri fructus, quam  
iuniperi, ceu utique & exilior, nulla odoris vi, ut ille,  
dotatus. Quare perspicuum est stomachum impen-  
se ab eo rodi, caputque vexari, ni perquam parce su-  
matur.

## DE PINEA NUCE.

Pinea nux bonum crassumque succum gignit, &  
alibilis est. haud facile tamen concoquitur. Græci ho-  
die non conos, sed strobilos pineas nuces appellitāt.

## DE MYRTI FRUCTU.



Hunc fructum vocant græci myrta. nullius  
est alimēti, ut iuniperinus: cōtrarię tamen  
facultatis. abunde enim constringit, ideo-  
que vētrem coërcet. Verum pro adstrictio-  
nis portione, refrigeratrice vi nequaquam est prædi-  
tus: quandoquidem non solam eam, sed cū acrimo-  
nia quadam permistā obtinuit. Illud porro omniū  
eduliorum quæ vehementem quampiam medicam  
gerunt virtutem, commune est, ut ea elixando, assan-  
do, macerandove deposita, paululum alere corpus  
queant, quum antea nihil omnino valerent. Quod  
ipsum & cepis & porro vsuuenit.

*Myrta*

*Acrimonia est  
quodā in myrta*

## DE PERSICIS.



Sive mala persica fructum hunc, siue persica  
simpliciter, uti nunc græci, siue alio quouis  
antiquo nomine vocare velis, per me ma-

*Nota persicis  
cōtra commune  
usum .1*

gno equidem id otio facias licet. Iam vero quod vo-  
cabulorū disquisitione scitu vtilius est, accipito, nem-  
pe horum quoq; succum facile corrumpi, & penitus  
noxiū esse. Quapropter post alios cibos vltima mi-  
nime edere, vti quibusdam mos est, oportet. Nam  
in summo natantia, cito corrumpūtur. Quin huius  
quoq; communis edicti decet meminisse, videlicet,  
Omnia cibaria prauum succum cū humiditate & lu-  
bricitate obtinentia, ex facili descendere, eoq; prima  
mensa sumenda esse. Sic enim & ipsa celeriter per-  
transeunt, & alijs commode præeunt, ac quasi viam  
muniunt. Postremo autem sumpta, vnā secum a-  
lia in corruptionem trahunt.

DE MALIS QVAE ARMENIACA ET  
PRAECOCIA DICVNTVR.

*Encoria gestit  
La Calumia.*

**I**N persicorum genere hæc quoq; numeran-  
tur, in hoc solum discrepātia, quod minus  
mala sint. Neque enim similiter in ventri-  
culo corrumpūtur, neq; acescunt. Plerisque etiā sua-  
uiores apparent, ideoque stomacho vtiliores. Etenim  
omnibus cætera quidem paribus, verum suauiori-  
bus, id solet esse proprium: quemadmodum insua-  
uibus, vt ventriculum supinum reddant & euertāt,  
stimulentq; ad vomitionem, nimirum quā citissi-  
me desiderātem quod molestū est à se abijcere: quod  
vtiq; pro molestantiū ductu agit ac procliuitate. Si  
nāq; deorsum illa vergant, pessum trudit ac expellit.



si sursum, per vomitū reiectat. Idem in prauorū humorum ex vniuerso corpore cōfluxu facere consueuit. Etenim quicunq; ex ijs in superiorem ventrem affluxere, per vomitum eijciūtur. qui vero inferiora petūt, fluorem quem græci diarrœan vocant, efficiunt. Ceterum ante diximus poma omnia exigui nutrimenti esse: appellata tamen præcocia armeniâcis meliora cēsentur. Quibus præcociū nomē displicet; armeniaca mala vtrūq; hunc fructū nomināt: quidā armenia, quatuor, non quinq; vt priores, syllabis.

## DE MALIS.

**N**on vna horum est species, vti nec pirorū, nec punicorum. Alia nāque austerū, alia acidum dulcemve saporem gerūt. sunt quæ ex ijs mistum, nempe dulcem simul & austerū. Alia quædam cum dulcedine acida manifestò sunt. Alia præterea cum acore acerba. Inuenias nonnunquam quæ treis simul sapes luculente referant, acidum scilicet, & dulcem, cū aliquātula acerbitate. His porro tribus vocabulis, adstringēs, austerum, acerbum, vnā qualitatem significari, & acerbum ab austero duntaxat quia fortius constringit, differre, ipso adstringente ad vtrunque generis rationem obtinēte, ex quarto libro de simpliciū medicinarū facultate, in quo de saporū substantia ac viribus disceptatur, potes didicisse. Itaq; indidē dicta in memoriā reuocās, mala quæcūq; adstringūt, gelidū terrestreq;

g. iiii.

DE. ALIMEN. FACVL.

scito habere succum:acida vero frigidū quidem, sed eum ipsum tenuem. Mediæ tēperaturæ dulcia sunt, ad calidius nonnihil proniora, ceu penitus qualitate carētia & insipida ac veluti aquosa ad frigidius inclinant. Ergo pro ratione ac vi præpollentis saporis quibusq; vteris, nimirum austeris malis, cum vētriculus aut ob calidam intemperiem, aut ob copiosam humiditatē fuerit imbecillis: acerbis, cum ista admodum increuerint: acidis, cum de crasso humore in eo collecto non ita frigido inciderit suspicio, nā gelidus non acidus, sed acris ex postulat. Vtraq; enim crassitudinē incidunt, tam acida, quam acris: eo dūtaxat discrimine, quod illa cum frigiditate, hæc cum calore id præstēt. Liquet autē ex ijs quæ sæpe iam diximus, quod adstringētia infernas deiectiones, quantum equidem in ipsis est, in vniuersum cohibeant. Acida vero crassum succum offendētia, hunc ipsum secant, & deorsum agunt: eaq; ratione excrementa reddunt liquidiora. contra in purum purgatūq; vētrem incidentia, magis sistunt. Dulcis succus citra acrimoniam & crassitiem, hoc est, mere & exquisite dulcis, quantum in se est, distributioni est accommodatior: cum acrimonia vero & crassitudine, magis in descensum proclinat. Est præterea aliud saporis genus, non tantum in malis, verum etiam alijs permultis, quem aqueum & sequelem fatuūq; nuncupāt: vt supra quoq; diximus. hic stomacho minime



est utilis, in medio dictarum iam facultatū constitutus, ceu ipsa etiā aqua. Idem in malis, dum cibi causa sumuntur, aut ad oblectamentū, aut ad vtilitatem, pro vitioso habetur. Ergo huiusmodi mala cū neq̃ cibo iucūda sint, neq̃ ventri robur addant veluti adstringentia, neque aluum fluentem reprimant, merito floccipēduntur, ceu apud nos quoq̃ in Asia frequenter porcis obijciuntur *ωλαπενίσιαι*, quasi platanina dicas, appellata, quoniam mollibus platani folijs quadātenus gustatu similia sunt. Cæterum & ab optimis in toto genere malis, cum nondū in arbore maturuerūt, abstinere expedit. sunt enim cōcoctu pertinacia, frigida, tardi transitus, & prauī succi. ad hæc gelidū simul crassumq̃ sensim humorē pariunt.

Quæ vero belle maturata, in hyemē, eiq̃ proximū ver asseruantur: mrobis sæpenumero perquā vtilia sunt aut crusta pistoria circumoblita, aut in feruidis cineribus mediocriter assata, aut ad aquæ feruentis vaporē conueniēter elixata. Danda autem sunt statim à cibo, aliquando etiam cum pane, ad ventrem stomachūq̃ corroborandū, cibū auersantibus, tarde concoquentibus, ad vomitū pronis, fluxu molestatis, & dysentericis. In hūc vsum idonea sunt acerba. nam in eum quē iam dixi modū parata, ad constringendi mediocritatē rediguntur: cum austerā in hac præparatione omnem ponant adstrictionem: ideoq̃ ijs quæ natura sua aquea sunt, similia euadant.

*Poma saturata*

*πανομοιόμορφα comedέσθαι  
R. olio.*

DE. ALIMEN. FACVL.

QVI FIT VT QVIBVSDAM ALVVS  
AB ADSTRINGENTIVM MA-  
LORVM AVT PIORVM  
ESV SOLVATVR.



Voniam vero nonnullos aliquādo audi-  
ui qui sibi aluum ab adstringētibus cibis  
molliri dicerent, operepretiū facturus vi-  
deor, si hoc loco semel quæ mihi quū ra-  
tione, tum experiētia crebrò hac de re cōperta sunt,  
fuisse pleneq; explicauero. Principio igitur cū nostræ  
ciuitatis orator ab austeris piris malisq; ventrem la-  
xari sibi prædicaret: re mecum diligenter perpen-  
sa, perq; experiētiæ examen prius comprobata, in alijs  
quoq; maiore cum fiducia eius periculum facere nō  
dubitaui. Itaq; virum oraui vt mihi vel vno die cō-  
uiuia esset, quò videlicet ipse intueri possem & quo  
tempore, & quo modo constringentibus illis vte-  
retur. Ac in primis cōtinuo illū id sum precatus, vt  
ne quid ex cōsuetā victus ratione immutaret. Hic  
ergo à balneo aqua haud ita multa præbibita, mox  
foenum græcum, ac radiculā, aliāq; id genus quæ ple-  
riq; solent alijs nondū gustatis sumere, similiter præ-  
libans, dulcisq; vini modicū super his bibēs, maluas  
deinde ex oleo & garo viniq; momento comedit.  
Post hæc & de pisce nonnihil, & suilla carne, ac aue.  
Ac deniq; cū secundo bibisset, paulū quid intermit-  
tens, austeris piris prædium inclusit. Tandem vero



ad ambulationem prodimus: nec longe post alius illi egregie soluta est. Quæ ubi conspexissem, egi cū amico vt postridie mihi conuiuia denuo esse ne grauarietur, vtq; penes me omne victus arbitrium esse permetteret. Quo non ægrè impetrato, mox à balneo primæ mensæ pira induxi, cæteraque deinceps ordine quo erat assuetus. Quibus ita peractis, non modo non abunde, sed ne mediocriter quidem defedit. Ipsi igitur obstupefacto, rei q; causam ex me scire gestienti: quæ nunc sequuntur, exposui. Cum ea, inquam, gari ac aliorum simul cum eo sumptorum sit natura, vt aluum subducant: huic iam ita ab illis præparatæ, adstringentia postremo iniecta, subductionis causa fiunt, maxime ijs qui stomacho sunt imbecilli. Nam hæc ipsa vëtre robora, concitantiaq; deorsum trudūt in eo contenta. Hæc autē vt ita habere credas, facilius adduceris si cras inchoato ab adstringentibus prandio, proxime illis carnes, vltimo ex oleo garoque fercula sumptueris. Minime gentiū, inquit ille. nam si postremas cum oleo & garo malas essem, repente euomerem. Acu, inquam ego, rem tetigisti. Etenim hæc tum ventrem subuertunt, tum eius potissimum os, quod nunc ab omnibus trita voce stomachus appellatur. Contra adstringentia ipsum firman, atque corroborant. Ideoq; si ventriculus alius quispiam humor percellat, ac labefactet, vt solet

nonnullis flaua bilis copiosius aceruata: aliquo adstringente degustato, qui ita affectus fuerit, illico infestantem humorem deorsum expellet. Sub hæc iuuenem quendam illi commonstrauī qui paucis antē diebus purgationis gratia deuorato scammoniae succo, quinque post sumptionem horis nihil dum potuerat excernere, sed stomacho angī premique se, & ventris distentione pondereque torqueri dixerat: ac idcirco pallidus, anxius, inopsque animi, symptomata quibus obsidebatur, mihi indicare erat coactus. Proinde qua illum ratione liberauerim, ex illo ipso, inquam, malim audias. Ac cū dicto, corā illi iuuenem sistebam, quænam sibi euenissent relaturū: nēpe ut postquam ego iussissem aut mali aut punici aut piri frustulum mandere, ipse horum aliquo transglutito subito à molestijs omnibus fuisset persanatus, ventre coaceruatim & in vniuersum multa variaque extrudente. Quocirca tibi quoque, rhetori aiebā, quū adstringentibus cibo finem imponis, quoniam & stomachum & ventrem totū nactus es imbecillem, idem scito vsuuenire. At ille, nihil, inquit, verius dixisti: quippe talis prorsus natura mihi est stomachus: facile a quibuscumque euertitur: atque ego à cibo austerum quid assumere tū præcipue soleo, cū illum vehemēter supinum, & nausæ iam ferè proximum persentisco. Hic itaque qui mihi cū rhetore sermo intercessit, satis docere te poterit, ijs qui infir-



mo sunt stomacho, si adstringentium quippiam supermandant, aluum laxari.

DE COTONEIS ET STRUTHEIS MALIS.

**E**Ximium quid hæc præ alijs malis possident. nam & magis adstringunt, & durabilem succum habent, si cocta cum melle asseruare quis cupiat. Alia breui fugiunt, succusq; eorū repositus acescit, utpote frigidus, & humidis excrementis redundans. At nos medicamentum ex strutheorum malorum confectū succo, cibos auersantibus summopere expediens, non temere in propatulo expositum, sed diligenter custoditum, tandem aliquando exacto septennio inuenimus nulla prorsus qualitate immutatū. Circa autem os vasculi densa crustula concreuerat, qualis melli sæpenumero & alijs quibusdam supernasci solet. Quæ nequaquam detrahenda erit si aut mel aut medicamentum citra immutationem quā diutissime cupias seruare. Atq; hoc quidem obiter & extra rem dictum sit. Cuius porro gratia in mentionem non corrupti longo tempore medicaminis incidimus, id repetamus. Strutheorū malorum succus perennare potest vbi recte fuerit præparatus, quemadmodum & cotoneorum: verum minus hic gulam oblectat, maximeq; adstringit, ita ut huius quoq; aliquando vsus sit idoneus ad ventrem maiorem in modum dissolutum suo robori restituen-

DE. ALIMEN. FACVL.

\* Aliās *Syria.* dum. In Iberia \* placentā componunt μυλοπλακῆντῃ  
 vocatam, edulium tam longæuum, vt nouæ patinæ  
 illo refertæ Romam vsq; perferātur. Conficitur au-  
 tem ex melle, & carne [malorum] ad læuorem trita,  
 atq; vnā cum melle percocta. Nostrum vero medi-  
 camentum quod cibi fastidio laborātibus dicatum  
 est, non solo melle, & malorum succo constat, sed ac-  
 cipit præterea aliquātulum piperis albi, zingiberis,  
 & aceti. Cæterum non est nunc huius enarrandi lo-  
 cus. nam alibi ad plenum de eo disseruimus.

DE PIRIS ET PVNICIS.

**S**I quæ de malis diximus, omnia ad pira pu-  
 nicaq; transferantur, nihil nouo alio super  
 his sermone opus erit. Nā in ijs quoq; alia  
 austera tantum, alia acerba apparent, ceu quædam  
 acida, quædam dulcia, quædam deniq; ex horū per-  
 missione cōflata. Sunt quæ nullam huiusmodi qua-  
 litatem exuperātem habent: quamobrē cum aqua-  
 tici solutiq; sint saporis, nulla roborādi vi pollebūt.  
 Talis igitur omnino pirorum vsus, qualis malorū.  
 Punica, cætera illis consimilia sunt, nisi quod pisto-  
 ria crusta oblita non assantur, nec in aqua aut vapo-  
 re elixantur, succum ampliorem quā mala pirave  
 continētia, gustuq; gratiorem. Nonnūquam etiam  
 magis ijsdem fructibus comperiūtur prodesse cum  
 ad alia quædam, tum ad eum affectū quem Hippo-  
 crates in secundo libro popularium morborum re-



» citat, his verbis : Mulier quædam è stomacho dole-  
 » bat, nec consistere potuit, malove leuari prius quàm  
 » punici succo polenta inspersa vteretur: quo solo se-  
 » mel duntaxat in die sumpto contenta mansit : nec  
 » vero similiter Charionis vxori euomuit. Lique-  
 ergo mulierem ex eo quòd prauis humoribus os vè-  
 triculi permaderet ac fluctuaret, nausea & stoma-  
 chi mordicatione vexatâ fuisse. Id porro sympto-  
 ma Hippocrates & veteres græci per καρδιαλγῆν &  
 καρδιώσσειν significabant. nam illis stomachus καρδιά  
 quoq; dicebatur. Illum ergo humorem siccauit polē-  
 ta: succus vero vnâ sumptus vētriculum roborauit,  
 vt posset humorē tunicis obhærētem excutere atq;  
 exturbare. Punica parcissime omnino corpus nu-  
 triūt, adeo vt nunquam illis tanquā cibis, sed vt me-  
 dicamentis tantum vtamur. At piris, præsertimq;  
 grandibus, quæ apud nos menatæ vocantur, aliqua  
 alēdi facultas donata est. Proinde secta ea in tenues  
 orbiculos siccataq; reponūt. Quibus coctis per hye-  
 mem & ver famis tempore aliorum infirmorū ci-  
 borum vice vescuntur. Cæterum græci punica φοιὰς  
 nuncupāt. Attici priorem huius nominis syllabam  
 frequentius absq; ι, Iones cum ι proferunt. sed hu-  
 iusmodi disceptatio vitæ mortaliū nihil adfert com-  
 modi, quemadmodum nec illa de δυνῶν id est sorbo-  
 rum nomine, vt græci nunc omnes vocitant. Verum  
 Attici nostri cum ι proferre nobis nō permittunt.

DE. A LIMEN. FACVL.

Hos igitur cum suis nominum speculationibus ac contentionibus missos faciētes, fructus facultatem enarrabimus.

DE MESPILIS ET SORBIS.



Orum eadē quoq; cum prædictis est ratio. Ambo enim adstringunt, sed multo fortius mespila quā sorba. Quam ob rem aluo fluēti in cibo accommodatissime exhibētur. Sorba maiore cum voluptate sumuntur. Prorsus nanq; nihil acerbi vti mespila obtinēt: sed succus eorum citra acerbitem duntaxat austerus est. Illud porro neminem puto latere, hęc omnia parce, non affatim, vt ficus vuasq; esse comedenda. Nequaquā enim eis vt cibis, sed magis vt medicamentis egemus. Hęc nouisse longe tibi fuerit vti lius, quā si primam huius dictionis *συων* syllabam à priscis Atheniensibus per o solum prolatam scriptamq; fuisse cognoscas.

DE PALMÆ FRVCTV.



Vnc fructū siue balanū phœnicos, id est glā dē palmæ, siue arboris suæ nomine *φοινίκας* id est palmas appelles, vt omnes iā græci, nihil in ea gente refert: nec sanè quocunq; modo appelletur, ad facultatis notitiā id obesse quicquā aut pdesse potest. Est autē nō exigua in palmulis differentia. Aliæ nāq; siccæ sunt, & adstringētes, vt ægyptiæ: aliæ molles, humidæ, & dulces, vt caryotæ ap-

*Sorba et  
Mespila*



pellatæ. Huius generis laudatissimæ nascuntur in Ierichute, quod Syriæ Palestinæ opidum est. Inter has mediæ censentur reliquæ omnes palmulæ: verū concoctu difficiles sunt, capitique inferunt dolorem: aliæ alijs magis humidæ, & dulces & siccæ atque adstringentes. Sed definitis extremis, quæcunque in medio consistunt, faciles deprehensu erunt. Nulla ergo ex illis est quæ non dulce quiddam & adstringens resipiat. Nam & caryotæ leuiusculæ constringunt, & thebaicis obscura quædam inest dulcedo. Dulcem porro succum alendo esse, austerum verò stomacho cōuenire, & aluum retinere monstrauiamus. Omnes palmulæ concoqui pertinaces, capitique infestæ sunt liberalius ingestæ. Quædā morsionis quoque sensum ori ventriculi, quod & stomachum vocant, inducunt. Succus ex ijs in corpus digestus, crassus omnino est, cum quodam etiam lentore ubi pingues fuerint palmulæ, ut caryotæ. Si autem huic succo dulcedo etiam commisceatur, celerrime iecur ab eo obstruetur. Quin inflammatione, aut duritia, quæ scirrus dicitur, idem viscus tentatum, summopere ab illorum esu offenditur. Secundū iecur lien iniuriæ ac obstructioni patet. At multo sanè maxime virides palmulæ per omnia nocentiores sunt paulo largius manducatæ. Clarum autem est dulces calidiore, adstringentes frigidiore succo præditas esse. Virides præterea palmulæ inflationes pariunt, veluti & ficus.

h.j.

Ierichute

Succus dulcis  
Succus austerrus

Iecinis obstrui

DE. ALIMEN. FACVL.

Eadem nanq; harum ad alias est proportio, quæ ficuum ad caricas. Cæterum in regionibus nō admodum calidis hi fructus ad plenam maturitatem nequeūt peruenire, ideoq; nec reponi commode possunt. Quapropter virides eos coacti ingerere, crudis inde aceruatis succis, cōtumacibus rigoribus, quosque ægre calor expugnet, corripitiūtur, & iecoris obstructionem incurrunt.

DE OLIVIS.



Erquam infirmam alimoniam oliuæ corpori præbent, maxime drupæ. Mandunt has frequentius homines cū pane. Sine pane autē halmades & colymbades vocatæ, ante alias epulas alui subducendæ causa cum garo sumuntur. Quemadmodum autem drupæ plurimū pinguis, ita hæ non parum adstringentis succi in se cōtinent: ideoq; stomachum corroborant, & cibi excitant cupidinem. In quem vsum idoneæ etiā sunt quæ aceto reponuntur. Varie eas apparant qui condimentariā seu obsonatricem artem exercent: cuius ipsius non plane rudem aut inexpertum velim esse medicum. Nam duorum ex æquo salubrium, quod suauitate præstat, minore item negotio concoquitur. Verum nunc tempus non est obsonatricis industriæ experimenta, aut artis præcepta tradere, proprius nanq; ijs sermo dicatus est.

*Medicus non debet  
esse ignarus cu-  
linariæ artis*



## DE NVCIBVS.

**I**uglandes nuces græce carya nūc ab omni-  
bus vocantur: sunt tamen qui non simpli-  
citer sic velint appellare, sed basilica carya,  
id est regias nuces. Sunt & auellanæ nuces multo his  
minores, quæ gens ea idcirco leptocarya nuncupat,  
pontica ab alijs vocitata. Vtræq; multo in vsu sunt,  
quanuis haud multum nutriant. Valentiores sunt  
auellanæ quàm iuglandes Nam densior strictiorq;  
his est substantia, ac minus oleosa: contra iuglandi  
laxior vaniorque, cum multa pinguitudine. Est hæc  
adstringentis quoque qualitatis haud obscure par-  
ticeps, quæ temporis processu marcescit interitq;  
degenerante tota eius substantia in pinguem suc-  
cum, vt penitus cibo tandem fiat inidonea, quod  
veteri oleo, suo pingui liquore persimilis appareat.  
Viridis etiamnum atque humida, nec planè adstrin-  
gentem qualitatem nec oleosam representat, sed est  
quodammodo qualitatis expers: quod aquosum, vt  
dixi, solemus appellare. Iuglans felicius q̃ auel-  
lana concoquitur, & stomacho vtilior est, multoq;  
magis si vnà cum ficibus edatur. Prodiderunt ple-  
riq; medicorū, si ambo hæc cum ruta ante alias da-  
pes sumātur, hominem non magnopere à letalibus  
venenis lædi posse. Constat itē humiditas deiectioni  
magis, aridas minus cōuenire. Non pauci quoq; cū  
garo iuglādes præmādunt, quo facilius vēr solua-

h.ij.

*Auellanæ  
meliores nucib;**Contra veneni*

D E. ALIMEN. FACVL.

tur. Ad hoc virides aptiores sunt, vtpote adstringē-  
tis minus qualitatis participes. Quin aridarū quo-  
q, vbi in aqua fuerint prēmaceratæ, ceu nonnulli fa-  
ctitant, similis ac viridium vis habetur.

D M AMYGDALIS.



**N**ihil hæc prorsus adstrictorię qualitatis for-  
titæ, sola extenuandi atque abstergendi  
vi pollent: cuius nomine viscera expur-  
gant, humorumq; è pulmone ac thorace excreatus  
moliuntur ac promouent. Quædam ex ipsis tam  
exuperantem crassorum ac glutinosorum humorū  
incidēdi vim habēt, vt cibo prorsum propter ama-  
ritudinem sint ineptæ. Quin & pinguis ac oleosæ  
qualitatis participes sunt, veluti iuglandes: propter  
quam ipsas quoq; longa dies oleosas facit, vti illas.  
Minus tamē eis pinguitudinis inest, quā iuglan-  
dibus. quapropter non tam cito ac illæ, oleosæ appa-  
rent. Ex his liquidò constat neq; ad aluum soluen-  
dā eas idoneas esse, neq; corpus valde nutrire. Per-  
amaræ ad facilem saniei ex thorace & pulmone ex-  
spuitionem, & crassorum humorum ac glutinoso-  
rum educationem mirifice conducunt. Est porro in-  
utile quoddam genus hominum, tota vita verborū  
aucupio, nec vlli præterea arti quæ humanæ vitæ ex  
vsu sit, deditū, qui se Atticorum sectatores iactitāt.  
ex ijs alij fructum hūc amygdalas genere foeminino  
appellandū cēsent, alij neutro genere amygdala. id

*Amigdalæ  
+ amare*



ipsum cuius tantopere studiosi sunt, nondum scientes, nempe utroque modo apud Atticos hæc nomina scripta inueniri.

## DE PISTACIIS.



Rescuntur hæc quidem circa magnā Alexandriam: sed longe vberius in Berræa opido Syriæ: pauci nutrimenti, sed iecori confirmando, ac liberandis ab infarcto humore eius vijs non inutilia. subausteram namque & amariusculam vim cum odorifera participant. Scimus porro alia item id genus multa esse iecinori perquam accommodata: ut in opere de simplicibus medicamentis ostendimus. Cæterum an stomacho noxia hæc, an vtilia sint, nullū habeo certū eius rei testimonium, quæadmodum nec an aluū ducāt an sistāt.

*Berreæ est  
syrie oppidum*

## DE PRVNIS.



Raro fructum hunc austerum aut acidum aut omnino iniucundum inuenias ubi exactam maturitatem fuerit assecutus. At prius quam eo perueniat, nullus est ferme qui non aut acorem aut acerbicatem præ se ferat: est qui & amaritudinem. Proinde ex hoc fructu minimū alimentum corpus capessit. Verum cum humectare & refrigerare mediocriter ventrem statuemus, accommodus erit: quæ subducere etiam valet, humiditatis ac lentoris sui gratia, ceu alia quædam antè à nobis tradita. Prunis porro æquè ac ficibus cōcessum  
h. iij.

*Prunorum usus  
et vtilitates*

DE. ALIMEN. FACVL.

*Damascena  
pruna uide*

*Medicamentu  
alui subducēde  
gratia*

est vt vel exiccata vtilia permaneant. Damascenis, a  
Damasco Syriae monte, in quo nascuntur, appella-  
tis, prima laus bonitatis magna hominū opinione  
defertur. Proxima ijs quæ in Iberia & Hispania p-  
ueniunt. Verum hæc nullā adstringendi vim repræ-  
sentant, damascena quædam sanè quàm præclaram.  
Probatissima in his sunt quæ cum mediocri cōstri-  
ctione, ampla laxaq; sunt. At parua, dura, acerbæq;  
& in cibo permolesta, & ventri mouendo inidonea  
sunt: cui officio iberica maxime conueniunt. In me-  
licrato mellitiore decocta, abūde molliunt, etiam si  
sola comedantur, & multo magis si melicratum i-  
psū subsorbeat. Perspicuū vero est, si vinū dul-  
ce post assumptionem superbibatur, siq; prandium  
non statim, sed aliquanto post interuallo inchoetur,  
id ad alui solutionem profuturum. Quæ cōmunia  
omnium laxantium præcepta meminisse oportet,  
ceu & alia quæ de pluribus speciebus cōmuniter di-  
cuntur: ne identidem quæq; de iisdē repetenda sint.

DE FRVCTV QVEM SERICA  
GRAECI VOCANT.



E his quidem quid ad tuendam sanitatem  
morbosve profligandos valeant, testis es-  
se possum. Nam ab insolentibus & effre-  
natis pueris ac mulierculis cibo duntaxat  
appetuntur. Imbecillissima sunt, & difficillime cōco-  
quuntur: cumq; hoc, stomacho inutilia sunt. Sed ipsa



scilicet exiguum etiam corporibus dant alimentum.

DE CERATIIS, ID EST SILIQVIS.



Eratia per t literā scripta atq; prolata ter-  
tia syllaba, nihil cū cerasijs per s scriptis  
habent similitudinis. Lignosus nanq; est  
hic fructus, & in cibo pravi succi, necessa-  
rio etiā concoctū difficilis. Nullū nanq; lignosum fa-  
cile cōficitur. Præterea ob tardā secessionē non parū  
huic mali accedit. adeo satius fuerat ne trāsferre qui-  
dem ad nos ex oriētalibus locis, in quibus nascitur.

DE CAPPARE.



Apparis ex fruticū genere stirps est. Pluri-  
ma in Cypro nascitur. prætenuibus cōstat  
partibus: proinde minimū ex ea alimonīæ  
in vascētium corpora digeritur, vt & ex alijs omni-  
bus quæ tenuia cōsistunt. Medicinis quā cibo fa-  
miliarior est huius plantæ fructus. Importatur ad  
nos etiam sale conspersus, quia solus asseruatus pu-  
trefcit. Clarum ergo est viridem etiamnum anteq̃  
sale condiatur, plus habere nutrimenti. nam ex sali-  
tura permultū eius amittit: niq; sal abluatur, pror-  
sus haud quicquam nutrit: aluum tamē subducet.  
Verū ablutus & demaceratus donec omnē salis na-  
turam exuat, vt minimi sane alimentī cibus est, ita  
obsonium & medicamentum cum ad excitandum  
prostratum appetitum, tum ad deradendam dei-  
ciendamque pituitam ventri adhærescentem ac-

h. iij.

*Capparis fructus  
est potius  
q. cibus*

*Pro pituita  
deradenda  
excitandaq; app. chos*

DE. ALIMEN. FACVL.

commodatum erit, ac deniq; ad lienis iecorisq; amo-  
liendas obstructions. Verū in hos vsus cū oxyme-  
lite aut oxelæo ante alias omnes dapes sumi oportet.  
Tenellis porro cappar<sup>i</sup> germinibus homines vt  
terebinthi turionibus vescuntur: cūq; adhuc virent,  
in oxhalme & aceto non secus atque hos reponunt.

DE SYCOMORO.

**I**N Alexādria sycomori plātā vnā cū fructu  
cōspexi, qui parua cādidāq; ficui persimi-  
lis est. Nulla hic fructus acritudine cōstat,  
perexiguę dulcedinis particeps. facultate ad humi-  
dius frigidiusq; nōnihil declinat, veluti mora. quin-  
imo inter mora ac ficus hunc nō temere mediū quis  
ponat: atq; hinc mihi nomē inuenisse videtur. Deri-  
diculi nāq; sunt qui ex eo fructū hunc sycomorū ap-  
pellatū dictitant, q; paruis ficubus assimiletur. Alia  
porro huic nascendi ratio data est, q̄ cæteris arboreis  
fructibus. haud enī ex primoribus ramulis ac germi-  
nibus, sed à prægrādibus ramis caudiceq; pducitur.

DE PERSEA.

**H**Anc quoque stirpem in Alexandria vidi-  
mus: quæ ipsa etiam magnis arboribus est  
annumeranda. Tradūt huius apud Persas  
fructum tantæ perniciiei esse, vt edentes interimat:  
in Aegyptum verò translatum, in esculentum mite-  
scere, & pirorum malorumque modo, cum quibus  
& magnitudine conuenit, esitari.





DE. A L I M E N . F A C I L .

poris socordiam ac fatuitatem acuere volentes: fortasse verò ea quoque de causa, quoniam ita mansum facilius perfici norunt, aut ipsa experientia edocti, aut à medicis prius commonefacti.

DE A G R E S T I V M P L A N T A R V M F R U C T I B V S , I N Q V I B V S E T R O B V S T E A E G L A N D E S N V M E R A N T V R .



Yluestreis plātas omnes homines vocare solent, quæ passim in aruis campisque citra vllam agricolarum curam sponte sua proueniunt: ceu utiq; & syluestres vites nominantur, quæ nullam repastinantis, sarriētis, aut pampinantis, aliamve vinitoris operam requirunt. Ex harum plātarum genere est fagus, quærcus, ilex, cornus, arbutus, aliæque huiuscemodi arbores, quæ admodum & frutices nonnulli, vt puta rubus, sentis canis, acherdus, achras, & syluestris prunus: in Asia *περσικον* vocatur: atque is qui fert epimelidas, quem vnedonem Italiæ rura appellant. Huius fruticis fructus stomacho capitique infestus, & magnopere acerbus est, cum breui quadam dulcedine. Ergo corna, glādes, memecyla (is arbuti fructus est) rusticis in cibario vsu sunt: aliarum arborum fruticumque perraro fructus edunt. Veruntamen cum aliquando fame terra nostra obsideretur, apud Syros autē ab



unde glandes quærcinæ [ilignæq] prouenissent, rustici eas recondentes, tota hyeme, ipsoque veris initio pro frumentaceis esculentis abutebātur: quas antea sanè porcis obijcere soliti erant. At tum à consuetudine illa pascendorum hyberno tempore porcorum ob annonæ caritatem auersi, ineunte hyeme eos macabant, vt rem cibariam adiuuarent. Tandem vero ad glandes siccas ventum est: quas, cortice detracto, alio aliàs modo apte in cibum præparabant, nunc in aqua decoquentes, nunc calidis cineribus obrutas tectasque mediocriter assantes. Rursum aliquādo ex fractis molitisque pulmentum et nos vocatum instituētes: quod modo sola aqua conspergebant, superiniecto aliquo condimento: modo melle perfundebant, aut cum lacte coquebant.

Glandium porro nutrimentum copiosum est, nequaquam simile ijs quæ hætenus secundo hoc libro enarrauimus. Siquidem hæc cum multis frumentaceis in alendo certare queant. Ac antiquitus profecto, vt aiunt, mortales ijs solis victitabant: Arcades verò ad multū etiam tēpus, cū reliqui omnes græci ad cereales fruges iam essent cōuersi. Alimonia harū ægre permeat, & vitiosum succū parit: ad quæ cōsequitur, ipsi quoq; cōcoctioni rebellem esse. [Iligna glans] ad omnia deterior quærcina habetur, ceu ipsa quoq; vocatis castaneis. Istæ nāq; inter omneis glandes principatū tenent: nonnulli lopimos nuncupāt:

*Antiqui glandes comedebant*

*Castanea  
Fructus*

DE ALIMEN. FACVL.

solæq; agrestiu fructuū alimentū memorabile corpo-  
ribus præbēt. Etenim corna, brabyla, memecyla, zi-  
zipha, diospyra, seu iouis flāma, alycacaba, item ru-  
bi, canis sentis, terebinthi, acherdiq; fructus, & quæ-  
cunq; istiusmodi sunt, vt aliquantulam nutriendi  
vim habent, ita prauo quoq; humore plena sunt o-  
mnia. Quædam etiam ex ipsis stomacho inimica  
sunt, & ingrata gustui, suumq; escis, earumq; nō do-  
mesticarum, sed in montibus degentium, dicata: vt  
quæ ex ijs valentissimum capeffant alimentum.

DE ALIMONIA IPSARVM  
PLANTARVM.



Lantarum non seminibus tantum fructi-  
busq; vescimur, verum & ipsas sæpentime-  
ro totas, sæpe etiā radices aut turiones aut  
nouella germina, prout suadet singulorum vsus, esi-  
tamus. Nostrates ergo homines, raparum, quas &  
buniadas dicunt, caulem foliaq; soliti abijcere, non-  
nunquam ijs quoq; in cibo meliorum inopia coacti  
abutūtur. Sic item & radiculis, & quæ vernacula lin-  
gua rapia vocamus. Est autem, vt ita dicam, sylue-  
stris radícula hæc planta. Quin & pyrethrum, & si-  
um, & equapium, & fœniculū, & scandicem, cicho-  
rium, chondrilam, gingidium, daucum, ac complu-  
rium arborum fruticunq; tenella germina decocta  
homines comedunt haud raro fame publica coacti.  
Quædam vel extra famē, ceu nonnulli palmæ sum-

*cicini pini etc.  
sacil p*



mum, quod ipsius cerebrum vocatur. Quid insuper de teneris spinis attinet dicere? Nam ipsæ profecto extra famem etiam cū aceto garoq; sumptæ in cibo, non sunt aspernandæ. Superindunt aliqui & oleum, præsertim cū in aqua prius fuerint feruefactæ. Duplici nanq; modo, sæpenumero crudæ, aliquando coctæ manduntur. Voco autem spinosas plantas carduū, colum rusticam, eryngium, cnicum, atragida, & appellatam leucacanthum, item chamæleontis alteram speciem. Quorum nōnulla agricolæ aceto aut muria inijcientes recondunt, quemadmodum & rapas & cepas, & quæ vocantur ampeloprasa, pyrethrumque, & alia istiusmodi. Huius quodammodo generis sunt ciboria, colocasia, & quod abaton nominatur. Constat autem hæc omnia præterquam quod exiguam corpori alimoniam præbent, prauī quoq; succi esse. Quædā præterea stomacho inutilia sunt, spinis, vt dixi, exceptis modo è terra prodeuntibus. Quæcunque vero aut aceto aut muria iniecta cōduntur, ac in totum sequentem annum asseruantur, adsciscunt ex ipsa præparatione incitādi appetitus facultatem, si modice quis degustet, ceu ipsi viticis terebinthiq; turiones. Hæc itaque inter sylvestres plantas connumerantur: ac id in commune de ipsis nouisse suffecerit, omnia vitioso succo cōstare. Satiouorum vero nō communē aliquam rationem, sed propriam singulorum virtutem pernouisse longe opti-

## DE ALIMEN. FACVL.

munum fuerit, potissimumque si qua in assiduo usu habentur, quæ ob id ipsum ab hominibus expetuntur, longa experientia compertum habentibus, alijs ea esse præstantiora. Itaque deinceps de his sum scripturus, sumpto ab oleribus initio.

## DE LACTVCA.

**P**lerique medicorum reliquis omnibus hoc olus, ceu ficus autumnalibus fructibus, prætulerunt. Nam inter ipsa aliud melioris succi non inuenias. Quod porro nonnulli vitio vertunt, id in præcipuam ei laudem cedit: et si ita se reuera haberet, non modo nulli olerum, sed ne optimi quidem succi ac valentissimi cibi edulij esset secundum. Nempe sanguinem aiunt generare: quidam non simpliciter sanguinem, sed multum quoque sanguinem gignere lactucam clamant. Verum hi tametsi prudenter obijciant, longius tamen alijs a vero absunt: quam hoc ipsum, puta multum sanguinem procreare, non est quod merito quis damnet. Constat enim huiusmodi edulium laudatissimi succi censendum esse, quod plurimum quidem sanguinis, aliorum vero succorum nullum producere sit comparatum. Si vero quia permultum ex lactuca sanguinis cõgeratur, idcirco dãnãdam eam censeant, facillime huic malo occurri potest: quippe quum vescentibus & liberalius exerceri, & ea parcius uti integrum sit. Hæc er



go aduersus temerarios oleris huius infectatores dixisse sufficiat. Illud porro nouisse expediat, cunctis nimirum alijs oleribus paucissimum sanguinem & vitiosum generantibus, ex sola lactuca non multum quidem nec vitiosum, haud tamen omni ex parte laudabilem gigni. Vt plurimum cruda ipsa vescuntur. Aestate autem, cum in semen iam proruptura est, in aqua dulci præcoquentes, cum oleo, garo & aceto assumunt, aut cum aliquo ex condimentis, obsonijsve, præsertim ijs quæ caseo constant. Plerique etiam antè quàm excaulescat, in aqua elixa vtuntur: uti ego iam facio ex quo dentes mihi deteriores esse cœperunt. Nam amicus quidam meus quum olere hoc à longo tempore me ut familiari cibo usum fuisse sciret, videretque post mandî à me citra magnam molestiam non posse, cocturæ rationem indicauit. Etenim in iuuentute, quoniam assiduo os ventriculi bile efferuescebat, æstus moderandi gratia lactucas esitabam. Cum autem ad prouectam ætatem peruenissem, olus hoc, contra quàm in iuuentute, somnum iam studio accersenti mihi, auxilio fuit: quippe qui etiamnum iuuenis lucubrandi gratia vigilijs dedita opera me assuefeceram, declinante iam ætate, ipsa ex se insomni, grauius hoc incommodo molestar. Aduersus quod, vnicum mihi præsentissimum remediū lactuca vespere cōmanducata semper fuit. Græce porro hæc thridacine, & vulgo

*Modus uelut  
Lactucam*

*Nota quid mirum  
di lactuca cocta*

*Lactuca somni  
cōciliatore uale*

nunc ab omnibus thridax nominatur. Est & aliud quoddam syluestre olus thridacines nomen gerens. nascitur id in vijs passim, & sepulchrorum cacuminibus, amœnioribusque locis, quæ græce libades appellantur: præterea non consitis, incultisq;. Est item perpusillum, instar hortensis lactucæ modo exortæ. Quin & paululum quid amaritudinis præ se fert, eaque in dies euidentiore pro incrementi ratione, vt emisso caule perquam manifeste eâ liceat percipere. Est & aliud syluestre olus lactucæ nō ab simile, quod chondrila nuncupatur, maturius procaulescens, illorūq; amarius, glutinosum quendam liquorem albūq;, similem ei qui ex tithymalis manat, cōtinens: haud tamen simili acrimonia constat. eo nonnunquam ad palpebrarum agglutinādos pilos vtimur. Hæc itaq; olera ad hortensium discrimen syluestria sunt appellata. De hortensi vero lactuca, quæ trito nomine thridax græce vocatur, summatim quæ dicta sunt repetam, quò memoriæ tenacius inhereant. Frigidum ergo humidūq; succum profert, haudquaquam tamen noxium. Itaque, sicut alia olera, iusta cōcoctio-  
ne nō excidit, neq; aluum cohibet, vti neq; impellit.  
 Atque hæc illi non immerito accidunt, cum nec austera nec acerba sit, quibus auxilijs in vniuersum aluus sistitur: quēadmodum à salis, acribus, & omnino abstergendi vim habentibus ad excretionem cōcitatur: quorum nihil lactucæ inhæret.



## DE SERI, HOC EST INTYBO.

**I**N intybos à Romanis vocatos, seres tantummodo veteres attici appellarint, an & alias quasdam agrestes plantas, non planè ausim asserere. Seris cum lactuca consimilis est facultatis, suauitate inferior, alijsque quæ de lactuca perhibuimus.

## DE MALVA.

**E**st & ab hac hortensi alia quædã syluestris malua, ceu in lactuca thridacinem esse diximus. Inter vero has cõgeneres plãtas id est discriminis, nèpe q̃ sicciora sint syluestria, satiuu humidiora. Permissũ quoque est maluæ succo aliquid glutinis, quo lactuca caruit. A refrigerandi facultate manifeste abest: vt ante sumptionẽ, etiã si ex amboꝝ vicissim oleribus cataplasma ad calidũ quẽpiam affectũ quale est erysipelas, cõponas, cernere licet. id quod factitare homines cõsueuerũt, molliuscula folia perquã diligenter tũdẽtes donec ad læuorẽ exactissimũ redacta sint. Tum nanq; cognosces lactucã manifestò refrigerare, maluam vero modicũ & quasi tepidum quendam calorem obtinere. Facile hoc olus deorsum labitur, non tantum quia humidum est, sed etiam quia glutinosum, præcipue cum oleum garumque affatim vnà hauritur. Ad \*cõcoctionem mediocriter se habet. Si horum trium olerum, betæ inquam, maluæ, & lactucę succos inter se cõpares, te

i. j.

DE. ALIMEN. FACVL.

nuis & absterforius betæ, maluæ crassior lētiorq; lactucæ in vtriusq; medio statuatur.

DE BETA.



Quidē non satiuā solū maluā, sed agrestem quādā etiam inueniri perhibuimus: quēadmodū & lactucā. At agrestem betā nullam nouimus, nisi vtiq; lapathū sic quispiā arbitretur nominandū. Betæ absterforius inesse succus cōspicitur: adeo vt aluū ad excretionem extimulet, & nonnūquam stomachū demordeat, p̄sertim ijs quibus sensilior is obtingit: eoq; largius commansa stomachū infestat. Huius, ceu aliorū olerum, exigua est alimonia. Iecoris obstructionibus, q̄ malua, aptius accōmodatur: magis autē vbi cū sinapi estur, aut aceto. Lienosos item similiter māducata mirifice iuuat. Adeo medicamentum iustius quā cibis hoc modo sumpta censeatur. Videoq; homines huiusce modi omnia p̄ obsonijs nō cibarijs esse, ceu aliquādo porrum, pulegium, thymum, origanū, cepe, alliū, nasturtiū, & alia quæcunq; huius sunt generis.

DE BRASSICA.



Rassica quoq; à multis vt obsoniū estur: medici vt desiccante medicamento ea vtūtur. Diximus de hac quādā cum de facultatibus medicamentorū ageremus, vt in p̄cedēte item volumine: quæ nunc summatim perstringemus. Ergo brassicæ succus purgādi vim quandā ob-

*Beta mordicat  
stomacum*



tinet: cōtrā solidū eius corpus siccitatis ratiōe cohibere magis q̄ incitare deiectionē potest. Proinde cū expellere alui excremēta propositum erit, ahenō in quo elixa vnā cū aqua fuit, propius admoto, ipsam eximere confestim, vasculoq; in quo paratur, oleum cum garo iniicere oportebit. Si salē pro garo sumas, nihil refert. At humentem aluum siccare volētes, cū mediocriter bulliisse videbitur, priore aqua effusa repente aliā calētem iniicimus, ac ita rursus in ea discoquimus vsq; dum tenera flaccidaq; euaserit: vētris subductione proposita, minime discoquētes. Tum enim non omni proprio succo spoliare eam intēdimus, sed quantum maxime licet, seruare: quādoquidē quicquid elixatur, propriū succū omnino quidē retinere non potest: quæ tamen amplius decoquuntur, plus eius amittunt. Quinetiam lentem brassicā modo parandam esse retulimus, & vtrunq; olus simul ventrem ducere posse, ac sistere. Vocatur autem hoc modo parata siue brassica siue lens, disepthos, id est recocta. Item cepa, porrum, multoque magis ampeloprasum, & allium, adeoq; quicquid à vetere natura ad aliā cōtrariam ducere tētas, hoc modo apparatus: illius ante omnia memor, q̄ neq; aēre neq; frigida aqua tangi debet quod coquitur. haud enim vnq; postea tenerescere poterit, etiā si diutissime percoquatur. Verū oportet, veluti modo diximus, feruētē aquā paratā habere, in eāq; illico id quod priori

i.ij.

*am*  
Brassica max  
proportionē habet  
cum leni

*Modus decoquēdi  
Brassicam & lentem*

Brassica & lens  
visum reddunt  
hebetem

DE. ALIMEN. FACVL.

exemisti, iniicere. Ad hæc æquo inter se modo brassica ac lens siccant: ideoq; visum reddunt hebetiorē, nisi oculus totus præter naturam humidior sit. Cæterum lens haud exiguum corpori alimentum præbet, idēque crassum ac melancholicum. Brassica lente & infirmior est, & humidior: quippe quæ non solidæ substantiæ, sed fungosæ sit cibus: quāquam nec laudabilem succum vti lactuca ingenerat, cum eum noxium habeat, & graue olētem. De ea porro an ad vrinam prouocandam eximie conferat, an officiat, nihil certi possum perhibere. Verum hoc olus peruersissimæ fucatæque doctrinæ sectatores raphanū appellandum censent: quasi iam cum Atheniēsisibus qui sexcentis ante nos annis vixerunt, non cum nostræ tempestatis græcis nobis sermo sit habendus, quibus omnibus consuetudo est dictam iam plantam, cramben, id est brassicam nuncupare.

DE. ATRIPLICE ET BLITO.

**A** Quosiora sunt hæc inter olera, ac vti quis nō absurde dixerit, qualitatis expertia, & insipida, magis etiam quàm cucurbita, aut omnino certe non minus, cū videlicet elixa fuerint. Nā ex huiusmodi oleribus sola lactuca vtrouis modo estur. Qui porro atriplicis blitiq; gustabilē qualitatem intelligit, brassicæq; saporis cōmeminit, lactucā in brassicæ ac horū olerū medio esse non diffitebitur. Siquidem illa egregie desiccat, hæc contra planē



humida aquosaque sunt: quapropter non ex solo oleo garoque, sed addito aceto sæpius meliusque assumuntur. Alias namque stomacho infesta sunt. Diximus autem istiusmodi olera non nihil ad læuigandam aluum momenti afferre, maxime si cum humiditate glutinosam lubricitatem sortita sint. Verum id ipsum perquam exiguum est: quoniam nulla ipsis acris nitrosave adest qualitas, quæ aluum ad excretionem possit irritare. Liquet etiã quod minima ab ipsis alimonia in corpus dimanet.

## DE PORTULACA.



Ac quidã in cibo vtũtur: sed imbecillem præbet alimoniã, eamque humidam, frigidã, & glutinosam. Vt medicamentũ, dẽtium stupori medetur ob lętorẽ suũ morde nescium. de ea fusius in opere de facile parabilibus sumus locuti.

*oo portulaca. super  
med cat.  
Liber de facile  
parabilibus.*

## DE LAPATHO, ID EST RVMICE.



Rumicem, vti ante diximus, syluestre beatam possit quis appellare: cum non gustu solum, verũ etiam facultate hortensi betæ persimilis sit. Quoniam autẽ beta, aliquãto iucundior est rumice, idcirco ea magis homines vescuntur. Quare nec nos quoque prolixius hic de rumice scribere oportet, cum in beta omnia ad rem facientia exposuerimus.



El ex nomine ipso huius hærbae tū qualitatem, tum vim conijcias. est nāque rumex acutus. Et crudum sanè rumicem, vti nec betā, edere nemo sustineat: oxylapathum vero rusticae mulieres absurdo quodā appetitu, quam cittā vocant, laborantes, sicut & insolētes quidam ac curiosi pueri, esitant. Clarum quoque est hoc olus magis quā rumicem meritum esse vt ceu nullius alimenti damnetur.

DE STRYCHNO, ID EST SOLANO.



Nter olera quæ edendo sunt, haud aliud noui quod adeo vt solanus adstringat. Quā obrem non immerito crebro eo in medicinis, raro in cibis vtimur. Ergo omnibus adstringi simul ac refrigerari postulantibus efficaciter adhibetur: sed leuissime corpus alit.

DE ACULEATIS PLANTIS.



Viusmodi plantas ē terra modo exortas prius quā folia spinis asperentur, plerique rustici mandunt, non tantum crudas, sed etiam in aqua coctas: crudas garo acetoque immergentes, coctas oleo insuper vngentes. Diximus iam antè olera omnia leuissimum alimentum & humidum ac tenue exhibere. Aculeata stomacho mediocriter prosunt. In hoc genere plantarum est carduus, colus rustica, & vocata leucacantha,

*Solanus Max<sup>e</sup>  
adstringit*



labrum veneris, cnicus, tragacantha, atragis, & quæ pluris quam pro merito penditur cinara.

## DE CINARA.



Vi porro vsitata ac trita despiciunt, per y primam syllabam, nõ per i, cinaram proterunt. Præui succi esca est, præcipue cum durior iam euaserit. tum enim biliosi humoris copia abundat, totaq; eius substantia ad ligni magis naturam degenerat, adeo vt ex ipsa melancholicus, ex succo tenuis & biliosus humor pducatur. Proinde coctam edere præstiterit vnâ cum coriandro, si ex oleo garo vinoque sumatur. si in patina aut sartagine præparetur, coriâdrum ne addito. Plerique enim sic eius veluti cacumina comedunt, spondylos ea nominantes.

*Esca præui succi est cinara.*

DE APIO, EQVAPIO, SIO, ET SMYRNIO, QVOD ROMANI OLVSTRVN VOCANT.



Mnia hæc vrinę ciendæ potestatē habent. Apiū inter cætera familiarissimum est, & ori stomachoq; gratissimum. Equapium & sium insuauiora. Nā smyrniū insuauitate caret: ideoq; Romę plurimū veditur: acrius lōge calidiusq; quam apium. quin & aliquā odoris vim habet: quapropter & apio sioq; efficacius vrinā mouet. Ad hæc mulieribus mēses prouocat. Veris tempore caulem producit, qui crudus edendo est, haud aliter quam

*Appiu familiari-  
ssimum.*


folia: quæ sola per hyemem citra caulem retinet, sicut & apium. Tandem verò caule accedente, tota planta iucundior redditur, siue cruda siue cocta edatur, siue ex oleo & garo, siue vinum siue acetū libeat adijcere. Nonnulli cum aceto & garo tantū edunt, veluti apium: alij paululum affundūt olei. Sium & equapium non nisi cocta sumuntur. vtrunq; enim insuaue, si crudum edatur, apparet. Sunt verò etiam qui apium smyrniumq; lactucæ iungentes folijs, ita esitent. Etenim cum lactuca insipida & fatua quæpiam res sit, præterea frigidi succi, gratius commo- diusq; cum acrium aliquo assumitur. Hac ergo de causa quidā etiam erucæ porriq; folia ipsi admiscēt. Sunt qui & ocymī. Quod porro nos smyrniū, Ro- mæ nunc passim ab omnibus non hoc nomine, sed olusatrum appellatur. Et fortasse quispiam omni- no ne numerandum quidem inter alimenta ipsum censeat, vti nec sium, nec equapium, cum sint huius- modi omnia, ciborum obsonia duntaxat, quemad- modū & cepa, & allium, & porrum, & ampelopra- sum, & simpliciter omnia acria. Ad hoc genus per- tinent ruta, hyssopum, origanū, fœniculum, corian- drum: de quibus in commētarijs obsonatorijs tra- ctatur, qui ad medicos quodammodo ac cocos cō- muniter quidem illi spectant, proprius tamen vtri- q; finis est, ac propositum. Siquidem nos vt profint cibi in primis, non vt delectent, curamus: & volu-

*Smyrniū olusatru*




ptatem siquando quærimus, vtilitati eam cogimus  
seruire. Nam in nonnullis magnum ad cruditatem  
momentum affert edendi insuauitas: ideoq; modi-  
ce talia condire satius fuerit. Cocorū vero lautitias  
atq; cupedias prauis apparatibus instructas, vt vul-  
go passim vtuntur, cruditas magis quā laudabilis  
concoctio excipere consuevit.

## DE ERUCA.

 Lus hoc perquam manifeste excalfacit,  
adeo vt non facile solum absq; iunctis la-  
ctuce folijs edatur. nam ita nimio feruori  
par frigus admistum, tēperamentum æquat. Quin-  
etiam genitale semē augere creditur, & in venerem  
stimulos addere. Caput magis, si solum edatur, in-  
uadet.


*Cocorū lautitias*  
*Eruca genitale*  
*semē augere*

DE VRTICA, QVÆ ET ACALYPHE  
ET CNIDE DICITVR.

 Yluestrium herbarum hæc quoq; vna ha-  
betur, tenuibus partibus cōstans. Qua-  
propter vt cibus a nemine sumi mere-  
tur, nisi perq; immensa fames eò cōpel-  
lat. Vt obsonium & medicamentum alium ducens  
conuenienter accipitur.

*Vrtica est*  
*tenuiū phum*

## DE GINGIDIO, ET SCANDICE.

 Lurimum in Syria gingidiū nascitur. estur  
scandicis apud nos modo. Stomacho mire  
vtile, siue crudū siue elixum libeat sumere.

DE. ALIMEN. FACVL.

Longioris decoctionis impatiens est. Nonnulli ipsum ex oleo garoq̃ esitant. Alij vinum etiam aut acetum adijciunt: ac multo sic magis stomacho conducit. Cum aceto sumptum, fastidiosos ad cibum inuitat. Perspicuum vero est hanc quoq̃ hærbam medicinæ magis quàm cibo conuenire: quippe quæ & adstrictionis, & amaritudinis non obscuræ nec exiguæ particeps sit.

DE OCYMO.

**D**Leriq̃ hoc etiã vt obsonio vtuntur, ex oleo garoq̃ esitantes. Succo minus commendatur. Admentiũtur ob hoc quidam, si tritũ fictili nouo inditũ operiatur, citissime intra paucos dies, præsertim soli expositum, scorpiones gignere. Sed hoc sanè a vero abest. Id porro verissime de eo dixeris, nempe & stomacho inimicum, & pertinax concoctu, prauiq̃ succi olusculum esse.

DE FOENICVLO.

**S**Va nonnunquam sponte fœniculum pro-  
uenit, ceu & anethum. Seritur & in hortis. In condimentis assiduus anethi vsus, fœnici-  
culi verò & in obsonijs. Apud nos enim hoc repo-  
nunt, non secus ac pyrethrum & terebinthum con-  
dientes, vt in totum annum vsui sit: quemadmodũ  
& cepas & rapas & alia huiusmodi quædam in solo  
aceto, alia in oxhalme asseruantes.

Nota quid  
falso de cimo  
adscribebant



## DE ASPARAGIS.

**A**N per ph, an p, secūda asparagi syllaba sit proferenda, vt nunc græcis omnibus mos est, minime iam nobis contēplādum proposuimus. Haud enim atticarū vocularum captatoribus, sed bonæ valetudinis curam habētibus hæc conscribuntur. Et profecto, quod ad hanc rem pertinet, hi Platonis neq; libros neq; mentem nosse aut intelligere videntur. Quoniam quidem igitur omnes ferme græci teneros coliculos, cum ad fructus feminisq; eruptionem increuerūt, asparagos p littera sonant, illorum ego virtutes prosequar, permit- tens vnicuiq; vtenti vt libuerit appellare. Sunt ergo in oleribus ac plantis permulta quæ huiuscemodi coliculos seu germina producant. Attamen non omnia in cibo vsurpantur: ideoq; de ijs tantum quæ vsitatiora sunt, sermonem sum habiturus, ceu hæcenus in antè dictis fecimus. Itaq; brassicæ tenerior delicatiorq; coliculus (cyma id quidam vocant, per contractionem, vt opinor, nominis trissyllabi cyma) ipsa minus brassica siccatur: quanquam aliorum olerum asparagi vt plurimum ipsa planta siccioris sunt temperaturæ, maximeq; cum iam prope est vt in semen prorumpāt. Alia porro olera dico non quæuis, sed lactucam, atriplicem, blitum, betā, maluam. quum contra raphani, rapæ, sinapis, nasturtij, pyrethri, ac omnium fere calidorū acriūq; aspara-

DE ALIMEN. FACVL.

gus humidior esse cōperiatur. Ad hæc autē bulbus quoq; apiū, sium, eruca, ocymū, oxylapathū, rumex, omnesque oleracei generis hærbae huiusmodi colicolum ante seminis emissionem edunt: qui parto iam femine arefcit, & cibo inutilis redditur. Id autem generis omnia in aqua feruefacta, cum oleo & garo elstantur, adiecta exigua aceti portiuncula. Ita enim & suauiora & stomacho gratiora sūt. Cæterū corpori alimētum ista nec amplum nec boni succi præstant.

DE ALIO ASPARAGORVM GENERE.

**R** St aliud asparagorū genus, quod in fruticosis plantis prouenit, oxymyrsine, chamēdaphne, & oxyacātha. Insuper asparagorū alius regius in hortis nascens, alius helios, id est palustris appellatur: ceu alius ab ijs, qui a brionia oritur. Omnes stomacho accepti sunt, & vrinales, pauciq; alimenti. Atque hi, si quidem probe concoquantur, olerum asparagis magis alunt: nimirum quanto illis sunt sicciores. Cæterum inter fruticum arborumque germina similitudo quædam est: haud planè tamen eadem esse dicenda sunt. Quippe in arboribus magis ea lignosa conspiciuntur. Quare seorsum de ijs exinde dicendum est.

DE TURIONIBVS, SEV GERMINIBVS.

**A** Rborum fruticūq; turiones olerū asparagis proportionē respondent. sunt enim hi quoq; progerminationes quædā totius stir



pis ad seminis generationē prorūpentis. In hoc autem dissident, quod arborum caudex, qui cum oleum hærbarumque caule proportionem gerit, perennet: horum caulis annuus existat. Cuncta porro arborum fruticumque germina in aqua decocta, edendo sunt, quibusdā exceptis, quæ aut ori ingrata, aut medicaminosa sentiuntur. Haud tamē prioribus illis homines vescuntur ob aliorum esculentorū longe præstantiorū affluentiam. Cum vero famis publicæ dira vrget necessitas, ad horum cibos confugiunt. Quodā nāque modo hæc etiam nutriunt si belle conficiantur. In hoc genere probatiora sunt quæ ex terebintho, vitice, vite, lētisco, rubo, fenteque canina prodeunt. Apud nos in acetum aut oxhalmen terebinthi turiones cōiecti, in domesticos usus asseruantur.

*Oia arborum  
germina*

*Publice famis  
Dira necessitas*

DE DIFFERENTIA QVÆ IN PLANTARVM QVÆ EDENDO SVNT PARTIBVS CONSPICITVR.



Quidē vera esse in primis optarim quæ Mnesitheus in libro de alimentis scripta reliquit. Nam publici ac vniuersales sermones vt cum veritate multa breuibus docere, ita citra hanc magnōpere obesse consueuerunt. Quæ porro generatim de plantarum partibus Mnesitheus prodidit, habent in hunc modum. Primum ergo radices omnes concoctu difficiles, turbatricesque sunt, velut raphanus, allium, cepa, rapū, &

» reliqua id genus. Quorūcūq; enim radix, quodq;  
 » proxime terrā nascitur, edēdo est, omnia eiusmodi  
 » in eorū numerū quæ cōcoctioni resistūt, demigrāt.  
 » Ita nanq; cōparatū est, vt alimenta ex radicibus in o-  
 » mneis plantarū partes diffundātur. Ex quo fit vt ra-  
 » dices multū in sese humiditatis colligāt: quā magna  
 » ex parte crudā habeant necesse est. Siquidē fieri ne-  
 » quit vt omnis ea penitus in ijs concoquatur. Quod  
 » enim concoctū est, perfectū esse videtur. At in radi-  
 » cibus cōtētus humor, alibi perfectā cōcoctionē asse-  
 » quatur oportet, per singulas nimirū plātæ partes di-  
 » gestus. Cūcta nanq; à radice alimentū trahūt. quare  
 » necesse est crudos indidem humores consistere. Illic  
 » enim collecti, finē cōcoctiōis quę in superioribus fit  
 » partibus, operiūtur. Itaq; in radicibus cōsētaneū est  
 » permultū crudę & incōfectę humiditatis contineri.  
 » Merito ergo in nostris quoque corporibus humida  
 » ab ijs & turbatoria relinquitur alimonia. Hæc est  
 » Mnesitheï oratio, verbo quidē tenuis veri speciē præ-  
 » se ferēs, sed experiētia iudice falsitatis dānāda. Ete-  
 » nim raphani radix caule suo folijsq; multo acrior est  
 » ceu cepæ, ampeloprasī, porri, & allij. Quin si betæ,  
 » maluę, rapiq; radicē vnā cū folijs cōferre libeat, for-  
 » tiorē in ea virtutē deprehēdes: velut in altheę quoq;  
 » radice, quæ agrestis quēdā malua esse videtur. Ipsius  
 » ergo radix, sicut & betę, vim suam palām exerit, nē-  
 » pe cōplures inflāmatos tumores discutiēs: quod fo-



lia sanè præstare nō queant. Quinetiā in medicami-  
 nosis plantis quæcūq; radices iam dictis similes ha-  
 bēt, ipsis radicibus folia sunt imbecilliora, vt in cy-  
 clamino, scylla, aro, dracōtio, alijsq; q̄ plurimis. Quē  
 admodū enim alijs in plātis maxima substātiæ pars  
 ad caulē caudicemq; conuertitur, ita in ijs ad radicē;  
 hancq; earum natura præcipue educat, auget, ac enu-  
 trit: quodq; in ea minus probe fuerit elaboratum, in  
 folia caulesq; secernit. Proinde hæc in ipsa etiā hye-  
 me magnā radicem seruant: vere autē in semē iam  
 prorūpentia, caulē producunt. Videtur porro & in  
 animalibus natura nōnunquam totius corporis re-  
 crementis, ceu etiam Aristoteles perhibuit, ad par-  
tiū quarūdam non necessariarū generationē abuti:  
vt in ceruis ad cornua, in alijs animalibus ad copiam  
magnitudinemve spinarum, setarum, aut crinium.  
 Itaq; tutius fuerit vnāquāq; plantarum particulā  
 seorsū cōsydere, primum quidem gustando ol-  
 faciendq;, deinde ipsa quoq; cōmanducatione ex-  
 periendo. Ipse nanq; olfactus ac gustus præterquā  
quod qualē saporem odorēq; plātæ pars habeat do-  
cet, simul eius totā p̄tinus tēperiē coindicat. Per ex-  
periētiā vero, si quidē certis proprijsq; finitionibus  
tentetur, exacte virtus omnis explorata habebitur.  
 Nonnunquā etiā stirpis consistētiā vnā cū suo succo  
 simul innotescet. Alię enim humidum aqueūq;, alię  
 crassum & glutinosum habēt succū. quos ipsos per

*olfactus gustus  
 et manducatione  
 simplicia cognoscj*

DE ALIMEN. FACVL.

se rursus gustare conueniet. Horum nanq; alij acres aut acidi aut amari sunt, alij falsi, ceu quidam austeri aut acerbi, quidā insuper aquei aut dulces. Quare non oportet Mnesitheī auctoritate inductos fidē nos eius verbis tanquam perpetuō veris adhibere, sed vnamquanq; plantæ partē ipsam seorsum ac per se experiri præstiterit.

DE RAPIS.

**R**apum hanc apud græcos tā gongylis, quāmbunias appellatur. Quod eius extra terrā est, oleraceum censetur. radix, quæ terra cōtinetur, ante elixationem & dura est, & cibo aliena. In aqua autem decocta, mirum si aliqua ex congeneribus plantis minus nutriat. Hanc quoque ipsam multifariam homines parant. nam & in muria & in aceto reponunt, quō in totum annum vsui esse possit. Succus ex ea in corpus digestus, temperato crassior est: ideoq; si quis vltra modum esitaue-rit, & maxime si perfecte conficere eā nequeat, crudum succum in venis cōgeret. Ad alui deiectionem nec conferre quicquam nec officere dixeris, potissimum quando bene fuerit percocta, vt quæ longam elixationem requirat, optimaq; sit bis decoctionem perpeffa, ad eum modum videlicet quem antea in hac præparandi ratione docuimus. Sin crudior ingeratur, concoctioni pertinacius resistet, pariet inflationes, & stomachū infestabit: nonnunquā etiam



mordere illum non verebitur.

## DE ARO.



Vius plantę radix, rapi modo manditur. Quibusdā in locis acrior nascitur, vt draccontio ferē similis sit. Dum recte parare voles, prioris decoctionis aqua effusa, repente alteram calidam iniicere cōueniet, vti in brassica & lente præcepimus. Cyrenis contrā quā in nostra regione arum se habet. nam illic minimum medicinę, minimūq; acrimonię præ se fert, adeo vt vel rapis vtilior habeatur. idcirco radicem quoq; in Italiam comportant, vt quę absq; vt putrescat aut regerminet, longo tempore perennare possit. Perspicuum quoq; est, alendis corporibus hanc esse ac cōmodatiorem. Si quis vero in thorace ac pulmone collectos crassos lētosq; humores extussire studeat, acrior ac medicaminosior magis conueniet. In aqua elixa estur cū sinapi aut aceto ex oleo & garo. Quin etiam cum obsonijs quę hypotrimmata græci vocant, & sale, & ijs quę caseo cōstant, sumitur. Haud porro obscurum est, succum eius qui in iecur ac vniuersum corpus diffunditur, quo vno animal nutritur, crassiusculum esse, ceu de rapis diximus: idque maxime quum radix medica vi caruerit, similis illis quę Cyrenis aduehuntur. Apud nos nanq; in Asia terra pleręq; ari radices acriores sunt, medicinę potestatem iam obtinentes.



Racontij quoq; radicē bis terve elixam, quō omnem exuat medicinā, cibo interdum ari modo exhibemus, quum crassi ac glutinosi pectus pulmonēq; obsidētes humores fortiore vi expellendi veniūt. Illud porro cōmune ac publicū de omnibus cibarijs edictū perpetuō in memoria habendū est, nēpe acria amaraq; perexiguū corpori alimentū conferre, copiosum vero ac largum qualitatis expertia: ijsq; magis dulcia: tum verō etiam magis, quæ solidæ cōstipataeq; substantiæ sunt, ita vt neq; humida neq; laxa cōstitutio ne diffuant. Hæc ergo si iugiter memineris, atq; insuper si animaduertas an vnumquodq; eorum quæ per experientiā exploramus, elixatione aut assatione aut frixura valentem suam qualitatem deponat, nil erit opus vt speciatim de singulis nos audias differentes. Verū, vt hæctenus in alijs, ita nunc quoq; ea potissimum quæ in cibario vsu assiduō vsurpantur, enarrabimus.

DE ASPHODELO, QVI ALBVCVS  
ET HASTVLA REGIA DICTVR.



Cyllæ radici, albuci radix, magnitudine, figura, amaritudine quadantenus similis est, dūtaxat in hoc differens, quod lupini modo parata, suæ plurimū amaritudinis abijciat. Scyllæ nanq; qualitas difficulter elui potest.



Cæterum Hesiodus albucum celebrare voluisse videtur, cum inquit,

Nec quãta in malua atq; albuco sint bona norūt.  
At ego compertum habeo, famis tempore rusticos  
vix crebris dulci in aqua macerationibus, multaque  
coctura radicē hanc cibo idoneā reddidisse. Inest ta-  
men ei extenuandi facultas, atq; obstructa demoliē-  
di, veluti & dracōtio. Ideoq; ipsius coliculus arqua-  
tis tanquam summum prælidium exhibetur.

DE BVLBIS.



Vm prædictis bulbi genere cōueniunt. Nā  
horū quoq; radix direptis folijs manditur,  
in vere ipse etiam coliculus. Amarā auste-  
ramq; vim euidenter bulbi in se habent: quā ob rem  
iacentis ac dissoluti stomachi aliquatenus excitant  
auiditatē. At verò neq; ijs incōmodāt quibus ē tho-  
race atq; pulmone pus cōuenit exspuere: quāq; cras-  
sioe ac glutinosiore sunt corporis substantia. Et  
enim amaror crassitudini reluctatur, lēta crassaq; na-  
tus incidere: ceu in cōmētarijs de medicamētis pro-  
didimus. Quapropter bis elixivberius quidē alent,  
sed excreare volētibus aduersabūtur, vtpote omni  
amaritudine exuti. Tum vero ex aceto, oleo garoq;  
mistis esitare satius fuerit, nā ita magis pfecto oble-  
trabūt, ac nutriēt, minusq; inflabūt, ac facilius conco-  
quētur. Quidā horū cibo abunde & immodice vsi,  
planē seminis auctam copiā, inq; venerē se esse sala-

ciores senserunt. Hos quoque homines non vno modo apparant. Non solum enim in aqua, ut retuli, elixā, verū etiam patinas ex ipsis varie conditas instruūt. Alij quidam in sartagine frigunt. Plerique super prunas assant. Verum hi longam decoctionem oderunt, admodum pauca contenti. Sunt qui nihil prorsus præcoquant, delectat namque eos ipsa illa integra bulborū amaritudo, ac austeritas: quippe qui amplius ab ea ad cibum alliciantur. quanquam ad huiusmodi illecebram duo aut ad summū tres plus satis facient. Si verò liberalius sic apparati sumantur, præsertim vbi, ut ferè mos est, crudiores ingeruntur, amplius sua cruditate molestabunt. Quidā etiam non probe cōcocti inflationes & tormina pariunt. Qui ad hūc sanè modū esitantur, alimētum minime laudabilis succi suggerūt. At amplissime decoctorum, aut bis etiam, vti diximus, succus crassior quidem ille erit, cætera vero melior ac alibilior reddetur.

DE PASTINACA, DAUCO, ET CARO.

**P**astinacarum quoque radices manducantur. Minus quam rapæ alunt: sicut cyrenaicis etiā aris infirmius. Manifeste excalfaciūt: quin odoratum etiam quid edūt. Similiter item ac aliæ radices ægrè conficiuntur. Vrinā mouēt. Si quis immodice ijs vtatur, prauum vtrūque succum generabūt. In hoc tamē minus noxia est cari radix, quam pastinacæ. Sunt qui daucum pastinacam agrestem nominent. Vri-

*Daucus quid*



nam is sanè potentius ciet, sed ad medicinæ naturam propius iam accedit, multaue eget elixatione vt in cibum recipiatur.

## DE TVBERIBVS.

**T**uberosis radicibus tubera annumerare oportet, nulla euidenti qualitate prædita. Qui ergo his vtuntur, ad excipienda condimenta tanquā materiā habent, ceu alia quæ ἀνοια, id est qualitatibus expertia vocātur, & innoxia, gustuque aquosa sunt. Quibus omnibus cōmune est vt alimentum nulla insigni facultate constans corpori præbeāt: sed frigidiusculum duntaxat, crassitudine tale, quale erat ipsum quod ingerebatur: ex tuberibus quidem crassius, ex cucurbita liquidius & tenuius. In alijs eadem est proportio.

## DE FVNGIS.

**I**nter fungos boleti quoque rite cocti proxime ad cibos qualitatibus exortes & fatuos accedunt. Verum nequaquam homines illis similiter solis vtuntur: sed varijs modis parant ac cōdiunt, ceu alia quæ nullam insignem gerunt qualitatem. Alimonia ex ijs procedens pituitosa est: clarū etiam quod gelida, maliq; succi, si largius æquo quis vtatur. Hi porro aliorum omnium fungorum innocentissimi sunt. Secundi ab his Amanitæ. Alios omnino non attingere fuerit tutius. multis nanq; mortem attulerunt. Ego certe quendam noui

k. iij.

*Parafeli**ἀνοια . i . qualitatibus expertia**Boletj**Amanite*

DE ALIMEN. FACVL.

cui ob boletos, qui minime noxij videntur, crudiusculos, maioreq; copia ingestos, os vētriculi angustia pondereq; afflictū constrictūq; fuerit, in tantū vt spirādi difficultate, animiq; deliquio corripereetur, & frigidū exudaret, vixq; auxilijs crassos humores incidētibus seruari posset, cuius generis est oxymel tā ipsum per se, q̄ vnā cū hyssopo origanoq; mediocriter incoctis. Nam hoc, remedio esse à quodā acceperat, preterea & nitri spumā illis superinspersam. Post quæ deuoratos fungos euomuit, iam tum in pituitosum succum prægelidum crassumque quandatenus commutatos.

*Nota in qua satum  
conuertant fungi  
in ventriculu*

DE RAPHANO SEV RADICVLA.



**R**adiculam solam crudamque vrbani homines vt plurimum prima mensa ex garo sumūt, alui ducendæ gratia. pauci acetum admiscunt. Rustici vero frequenter cum pane esitant, non secus ac alia quæ nobis natura non ars parauit obsonia, in quibus est origanum viride, nasturtium, thymum, satureia, pulegiū, serpillum, mēta, calamintha, pyrethrum, eruca. quippe hæc omnia viridia, eduliorum sunt obsonia, vnā cum illis sumpta: suntque hærbacei generis plantæ. Radiculæ caulis quoq; & folia nonnunquam eduntur, sed necessitate magis quàm spōte. Radix in eorum numero est quæ obsonij potius quàm nutrimentum nomine passim edimus. Vim extenuatoriam ge-

*Contradicat  
Auiē qui vult  
q. comedat 2<sup>a</sup> mēsa*



rit, cum qua conspicue vnā calfacit. Acris enim in ea qualitas exuperat. Verno tempore caulem in altum assurgentem producere solet, ceu alia quæ nata sunt excaulescere. Hic elixus estur ex oleo, garo & aceto, vt rapæ caulis, napiq; & lactuce. idēq; magis q̄ cruda radícula nutrit, vt qui acrimoniā in aqua deponat: quanquā minimā sanē & ipse alendi potestatem habet. Quidā nō solū caulē, sed vnā ipsas radículas elixantes comedūt, raparū modo. Cæterū cū medicos illos, tum medicinę rudes homines mirari subit, qui a coena crudas eas, quō iuuēt scilicet cōcoctionē, ingerūt. Aiūt nāq; id se ipsa experiētia abūde cōpertū habere: nullus tamen eos citra dānū potuit imitari.

DE CEPIS, ALLIO, PORRO,  
ET AMPELOPRASO.



Arum quoq; plātarum radicibus percrebro vescuntur homines, rarius caule folijsq; acri admodū facultate præditis, pro radicum portione. Corpus excalfaciunt, & crassos in eo humores extenuant, glutinososq; incidunt. Bis tamē aut ter in aqua decocta, acrimonia spoliatur: quanquam ne sic quidem vim perdunt extenuandi: verum facultatem quādam obscurissimā alendi corporis exinde acquirunt: cuius antea q̄ decoquerētur, nihil prorsus obtinebāt. Cæterum alliū nō modo vt obsoniū, verūetiā vt medicamentum sanitati accōmodū, quod obstructa soluere &

k.iiij.

*am*  
Cotra auic  
in de diosc. cat.  
proprio q̄ ideo affirma  
post cibū coctū dūm  
in q̄da hīstoria hī  
magis attuat facultatē  
separatā et sic coctū  
impedit et ad vniū  
hīstoria.

Notā in uameto  
de allio

vide p<sup>re</sup>q<sup>ue</sup> scribunt de  
 Allio a<sup>li</sup>o XII m<sup>en</sup>ib<sup>us</sup>. s<sup>ed</sup>  
 dicuntur: n. flatu et uim  
 minime intena nit, et  
 Theriaci agrestium app<sup>re</sup>ta

p<sup>ro</sup>pitofis acris  
 canutur

discutere possit, vsurpatur. Aliquantisper elixum,  
 vsque dum acritudinem abijciat, vt viribus suis im-  
 becillius fiat, prauis certe succi notam deserit, quem-  
 admodum & porrum & cepe cum bis fuerint deco-  
 cta. Ampeloprasii autem a praso, hoc est porro, tanta  
 est differentia, quanta in alijs congeneribus plantis  
 inter syluestria & satiuia inuenitur. Sunt qui hoc in  
 totum sequentem annum reponant, aceto condien-  
 tes, haud aliter quam cepas: eaque ex parte cibo cō-  
 modius, & prauo minus succo obnoxium efficitur.  
 Acrium porro omnium assiduus vsus est euitādus,  
 præsertim ei qui naturæ est plus æquo biliosæ: quo-  
 niam quidem solis pituitosum humorem aut crudū  
 & crassum & glutinosum colligentibus, huiuscemo-  
 di edulia sunt accommodata.



## LIBER TERTIVS.



Eliquū nūc est vt de alimētis quæ animātia suppeditāt, differamus. quæ multum inter se viribus dis-  
sident, pro ipsarū partium ratio-  
ne, ac eorum quæ in illis continen-  
tur, aut ex illis proueniunt: in qui-  
bus sunt oua, lac, caseus, butyrum, & sanguis.

DE PEDESTRIVM ANIMALIVM  
NVTIMENTO.

Ingulæ animalium partes haud eadē facul-  
tate sunt præditæ. Siquidem caro cum pro-  
be fuerit cōcocta, optimum sanguinem gi-  
gnit, præcipue animantiū quæ bono constant succo:  
cuius generis sunt sues. At neruosæ partes plus iu-  
sto sunt pituitosæ. Inter omnia ergo edulia valentis-  
sima est suilla. Argumento sunt euidentissimo ipsi  
athletæ. nam hi si de exercitijs consuetis nihil remit-  
tentes, alterius cuiuspiam escæ parem modū vel vna  
die assumant, postridie redduntur imbecilliores.  
Quòd si plures exinde dies idem faciunt, non tan-  
tum infirmiores, verumetiam palam macilentiores  
euadēt. Idem in pueris experiri licet, qui in palæstra  
exercitantur, aut quibusuis alijs qui graues admodū  
operas obeunt, vt fossiores, ac mellores. Bubula ve-  
ro alimentum ipsa quoq; non exiguum nec discussu

*Caro suilla inter  
oia edulia max  
nubet*

DE. ALIMEN. FACVL.

*Caro bubula  
humore melancholico  
generatur*

leue prestat, sed sanguinem crassiore quam par est  
progignit. Præterea si melancholicę quilibet natu-  
re in eius cibo modum non seruet, affectu quoque  
melancholico tandem corripitur, cuiusmodi sunt can-  
cer, elephas, pfora, lepra, quartana febris, & morbus  
qui speciali nomine melancholia vocatur. Ad hæc  
lien ab huiusmodi succo intumescit: quod vitiū ma-  
la totius corporis habitudo, quam cachexiam vocant,  
& aqua intercus excipere sæpe cōsueuerunt. Quan-  
tum autem totius substantiæ crassitudiue bubula  
caro suillam superat, tanto suilla bubulam lento-  
re. Suilla porro ad concoctionem quam bubula ac-  
commodatior est: ac robustis quidē, florētibus æta-  
te, & labore se aliquo fatigātibus, ea quæ à suis in  
etatis suę vigore mactatis sumitur, cæteris nondum  
adultorum sed incrementum caro conuenit. Quæ  
admodum autem suum ætate vigentium caro bene  
habitis iuuenibus peridonea est, ita ipsdē boum nō-  
dum adultorum. Longe namq; bos sue temperamē-  
to siccior, uti vir annis florēs puero impubere. Me-  
rito igitur quibuscunq; animalibus à natura siccior  
temperies obtigit, ijs tenella ætas, quo videlicet hu-  
midior est, magis ad conueniens temperamentum  
cōfert. Contrā quæ humidiora sunt, à cōsistētia æta-  
tis, quod iustæ temperaturæ deest, tādē acquirūt.  
Quare nō solis vitulis accidit ut peradultis bubus  
melius cōcoquatur, verum ipsis quoq; hœdis ad ca-



pras collatis idem cōcessum est. Quāquā enim capra boue minus sicca est: homini tamē suiꝑ cōparata, in hoc non mediocriter excellit. Similitudinē autē quē suillæ carni cū humana est, velex hoc colligas, quod quidam humanis carnibus quasi porcinis vescentes nullam eius neque ex gustu neq; olfactu suspicionē habuerunt. Nam hoc sanē perditissimi hospites ac alij quidam patrauissē aliquando sunt deprehensi. Merito ergo porcellorum alimentum tanto magis eo quod grandes præbent fues, excrementis abūdat, quāto illi ijs sunt humidiores. Quin illud ipsum merito imbecillius quoq; erit: quādoquidē humidior alimonia vt ocyus per corpus digeritur, ita citius etiam dissipatur. Agni porro carne & humidissima sunt, & pituitosa. Quin ouilla quoq; excrementis prauoq; succo abūdat. Caprinæ præter succi malitiā accessit & acrimonia. Hircina tū ad succi probitatem, tū ad cōcoctionē omniū ineptissima est, mox arietina, deinde taurina. In his omnibus castratorū caro præstātor. Annosa autem, & a cōcoctionis & succi & nutritionis laude sunt remotissima. Quare suū quoq; tametsi propria tēperie humidarū, quēdā præsenio durā & cōcoctu pertinacē carnē acquirūt. Le- porina quāuis crassiorē sanguinē facit, succū tamen meliorē q̄ bubula aut ouilla gignere potest. His non minus prauī succi ac difficilis cōcoctiōis est ceruina. Ferorū asinorū optime habitorū ac iuuenum caro

*Suis caro similitudinē  
habet cū carne huana*

*Caprine car.*

*Caprine præter  
succij malitiā  
accessit acrimonia*

*Leporina caro*

DE. ALIMEN. FACVL.

Caro Asini

Caro camelus

Caro eq

panthera

Vulpes

proximū huic locū habet : quāquā māfuetorū quoq;  
 quorū ætas inclināt, nōnulli carnē ingerūt. ea tamen  
 pessimæ cōcoctionis est, ac succi, præterea stomacho  
 oriq; in cibo ingrata, ceu equina, & camelina. Nā ne  
 ab harū quidē esu abhorrēt homines quidā mēte pa  
 riter ac corpore in asinos camelosque degenerātes.  
 Sunt insuper qui vrsorū deuorēt carnes: atq; his ab  
 ominabiliore, leonum, ac pardorū, semel aut iterū  
 decoctas. Supra vero quid sit bis decoquere, expo  
 suimus. De canibus porro quid attinet dicere, vt  
 apud quasdā gentes, qui in ipsis iuuenes pinguesq;  
 sunt, frequenter esitentur, potissimōq; cum castrati  
 fuerint? Non pauci quoque pantherarum carnibus  
 vescuntur, ceu asinorū etiam habitiorū, quales sunt  
 syluestres. Hæc nanq; non modo eduntur, verum à  
 quibusdam etiam medicis summopere commen  
 dantur. Vulpinam pulpam esitant apud nos vena  
 tores autumnī tempore. tum nanque vuarum sagi  
 na pinguescunt. Alia item animalia quibus con  
 uenientium & familiarium alimentorum suppe  
 tit copia, multo ipsa se ipsis cibo vtiliora euadunt,  
 ceu alia deteriora, quibus ea negata est. Quinetiam  
 quęcunq; prodeuntēs ē terra hærbas depascuntur,  
 aut arborū primores ramusculos seu turiones: quo  
 hæc tempore vbertim largiterq; proueniunt, eo se  
 metipsis habitiora redduntur, magisque obesa, atq;  
 ad nostri corporis alimoniam commodiora. Eaque



ex parte quæ procerioris hærbae pastu gaudent, gracilia in hyeme adusque veris initium mediūq; fiunt, & prauum colligūt succum, veluti boues. At ijdem progredēte tempore inaucta iam hærba ac densata, inque seminis fertilitatem late se diffundente, manifestò & crassiores, & bono succo pleniores fieri cernuntur. Contra quæ ex humili hærba pastum carpere possunt, primo medioque vere melius agunt, vt oues: ineunte vero æstate, ac circa eius medium capræ: quoniam tum fruticum germina copiose proueniunt, quæ ijs in cibo gratissima esse solent. Cum ergo animantium me audis inter se comparantem species, tu quoque adhibita experiētia rem inquireto, excutito, ac prudenter iudicato, non approbe nutritum ac pingue gracili macroque componens, neque quod etiamnum adolescit, vetulo. Vitiosum enim & iniquū fuerit huiuscemodi iudicium. Verū in vnaquaq; seu specie, seu genere, seu quocūq; modo libeat appellare, quod optime cōstitutum est, ad aliud simile comparato. Ita q; nequaquam posthac erit necessarium vt prolixum de vernaculis cuiq; gēti animalibus sermonem contexamus. Nam in Iberia animalculum inuenitur lepori ad simile, quod cuniculum nominant. In Lucania Italiæ ora aliud medium quodammodo inter suem & vrsū: ceu aliud quod in eadem Italiæ regione alijsq; permultis locis estur, inter sorices & domesticos mures ac glires

quomodo orbeas  
fieri copiosa ali  
mento

Cuniculus

DE. ALIMEN. FACVL.

medium. Quæcunq; igitur ex ijs animalibus bene  
 pasta obesaq; sunt, per experiētiā ea probato, com-  
 modos præparādi modos quos quisque incolarum  
 experimento didicit, ab ijsdem percontans atq; ac-  
 cipiēns. Singulorum vero facultatem iam vel à no-  
 bis discas licet. Quæ nanq; affantur, aut in sartagine  
 friguntur, corpori siccius dant alimentum: cōtrā in  
 aqua feruefacta, humidius. Quæ in patinis cōdiun-  
 tur, inter hæc media sunt: quanquā in illis ipsis haud  
 mediocre pro modo condituræ est discrimen. Nam  
 affatim vino garoq; saturata, alijs sicciora sunt eo li-  
 quamine carentibus. Rursus quæ exiguam illorum  
 portionem, aut sapæ, quā græce etiam hepsēma qui-  
 dam nuncupant, ampliorem habent, aut in simplici  
 & tenui alboq; iure elixa sunt: multo iam dictis sunt  
 humidiora. Quæ denique ex sola aqua sumūtur, ijs  
 ipsis magis humectant. Maximum præterea præpa-  
 rationi discriminē accidere potest ex ijs quæ superin-  
 ijiuntur, omnibus quidem illis siccantibus, sed alio-  
 minus, alio magis. Sunt porro ista, semina quidem,  
 anethi, apij, cari, lygustici, cumini, & alia quædam  
 id genus. Ex plantis vero porrum, cepa, anethū, thy-  
 mum, satureia, pulēgium, menta odorata, origanū,  
 & quæcunque sunt huiusmodi, ad obsonatricem seu  
 condimentariam cōmentationem, non ad præsens  
 institutum pertinentia. Quemadmodum autē mo-  
 do præcepimus, cum animalium differentia inquiri-

*Asfa*

*Elixa*

*Decocta in patinis*



tur, optima cum optimis esse conferēda, ita nunc in  
apparatum diuersitate non nisi de optimis vtrinque  
 erit considerandum. Hæc itaque de pedestrium ani-  
 malium carne audiuisse sufficiat. De eorundem ve-  
 ro partibus deinceps, cum sermonem de limacibus  
 absoluerimus, sumus tractaturi.

## DE LIMACIBVS.

**H**oc ergo animal neque inter volatilia neque in-  
 ter aquatilia adscribi posse liquido patet.  
 Quod si ne inter pedestria quidē eius mē-  
 tionē faciamus, nūquam omnino de limacium cibo  
 differendi dabitur locus. Atqui silētio omnino præ-  
 terire non fuerit æquum, ceu lignorum vermes, vipe-  
 ras, aliasque serpentes, quibus Aegyptus ac aliæ  
 quædam gentes vescuntur. Neque enim illorū quis-  
 piam hæc nostra lecturus est: neque nos quæ apud  
 illos edendo sunt, vnquam comedemus. At limaces  
 ab omnibus græcis quotidiano cibo vsurpantur. Du-  
 ra est harum caro, eoque concoqui pertinax. eadem ta-  
 mē si cōficiatur, valētissime nutrit. Inest ipsis, veluti  
 ijs quibus testa pro cute data est, græci ostracoderma  
 vocāt, succus ventri ducendo idoneus. Quapropter  
 nonnulli limaciū oleo garo vinoque cōditarū iulculo ad  
 deiiciēda alui excremēta vtūtur. Si autē ex harū car-  
 ne cibū dūtaxat qui nutriet petas, in aqua prius fer-  
 uescito: eaque post effusa rursus in altera elixato: dein-  
 de decēter cōdiēs, tertiū decoquito, vsque dū caro tota

*Nonnulli quid  
 sciat & limacis*

*Nonnulli quid  
 sciat & limacis*

*Modus & limacis  
 limacis*

DE. ALIMEN. FACVL.

præ teneritudine intabescat. Nam hunc in modum præparata vt aluum retinet, ita alimētū non cōtemnendum corpori præstat.

DE EXCARNIBVS PEDESTRIVM  
ANIMALIYM PARTIBVS.

**P**edestrium animalium excarnes parteis homines mandunt, pedes, rostra, ac aures: easq; vt plurimum in aqua decoctas ex aceto & garo assumūt, addito nonnūquam sinapi. Quidam ex oleo & garo, vinum affundētes. Sunt qui cum oleribus aut in aqua elixis aut in patinis apparatis. | Suilli petioli omnium cōuenientissimi sunt ptisanæ incocti. nam & illam meliorem efficiūt, ipsiq; molliusculi redduntur: ideoq; tam in ore, quàm in stomacho expeditius confici poterunt. Ergo haud exigua in præparationis modo differentia existit: neq; ea tantum in partibus quæ carnis expertes sunt, verū alijs etiā omnibus: quam fusius in condimentarijs libris explicabimus. In præsentia vero ipsas in se tantum animalium parteis consideramus, earum vniuersales differentias enarrando, ita semper tēperata adinuicem comparatione, quasi ad eundem modū paratæ sint, vt prius retulimus. nam ea demum æqua fuerit cōparatio. Itaq; excarnes seu extremæ corporis partes, vt minimū pinguedinis, ita carneæ quoq; substantiæ perexiguum obtinent.



Neruorum item ac cutis natura in illis præpollet. Haud porro tales hi nerui cutisve sunt, quales qui per vniuersum corpus disperguntur. Hæc nanque in ijs magis trita sunt ac exercitata, eoque etiam glutinosiora. Etenim neruacea omnia ac cutacea dum elixantur, ad huiusmodi deueniunt naturam. Quare merito & tenuiter corpus alunt, & expeditius per alium, lentoris sui nomine, delabuntur. Pedes suilli magis quam rostrum probandi sunt, vti hoc magis quam aures. nam hæc sola cute ac cartilagine constant. Cartilago porro si ab adultis sit animalibus, omnino confici non potest. Quæ vero ab etiamnum incrementibus sumpta fuerit, si in ore dentibus bene comminuat, ac in ventriculo concoquatur, pusillum alimenti præbet. Idem de alijs animalibus ac partibus pro portione dictorum intelligito. Quanto enim eorum caro alimonie bonitate suilla inferior est, tanto summe quoque seu excarnes partes suillis deteriores sunt æstimandæ. Cæterum illud nequaquam arbitror quenquam latere, quod partes in pedibus appellem neruosas, ad eius qui proprie nervus vocatur, similitudinem, qui ex cerebro & spinali medulla originem ducit. At quæ in partibus carne nudatis neruosa apparent corpora, per similitudinem nervuorum nomine appellari permittuntur: cum vere sint ossium ligamenta, sensus expertia, & tendones quidam ad ipsa pertinentes.

DE ALIMEN. FACVL.  
DE ANIMALIVM PEDESTRI.  
VM LINGVA.

*Cavo pura z  
nera quesit*

**P**Ars hæc peculiarem quandam sibi substā-  
tiam ex carne fungosiore ac magis sangui-  
nea sortita est. Nā pura veraque caro mus-  
sculi sunt, atq; in ijs ipsis media potissimū  
pars. Siquidem multi circa fines in iustos tendones  
desinunt, quos plerique græcorū medicorū aponeu-  
roseis musculorum nominant. Nos abneruagines  
dicere tētabimur. Musculi ad artuum extrema per-  
tinentes, omnium maximas huiusmodi abneruagi-  
nes emittunt. Quin nonnulli musculi capita habēt  
neruosa. Ipsius autē linguæ propria substantia fun-  
gosa est, vti diximus, caro. Attamen coci qui eam  
ē suis solēt extrahere, non solā illam educunt, neq;  
solā decoquūt, sed simul cū adnatis musculis. Vt plu-  
rimum vero etiam cū epiglottide seu ligula, & sum-  
ma gutturis parte, quæ græce larynx nuncupatur, at-  
que glandulis illic sitis, tam ijs quæ linguæ ad generā-  
dam saluā proprie dicatæ sunt, quàm ijs quæ fauci-  
bus gutturique adherent. Nam arterias sanē, venas  
ac nervos lingua cum alia carne communes habet.  
tria enim illa conceptacula vnā cū carne edi solent, in  
lingua dūtaxat magnitudinē ac numerū proportio-  
ne excedētia. Quæ porro facultas sit alimenti à glā-  
dulosis corporibus sumpti, deinceps ex me audito.

DE GLANDIBVS.





Vantum lingua à carnis substantia, tantū glandes à linguæ natura recesserunt: haud tamen omnes pari ab ea distāt interuallo.

Quæ nanq; illi adherent, ac contingunt, ijs quadantenus similes sunt quæ in mammis habentur nōdū lacte refertis. Nec enim perpetuò suo munere funguntur mamillares glandule, ceu aliæ propemodum omnes, & hæ quæ linguæ adherēt. quippe huius glādulæ ad saluæ generationem natura sunt comparatæ: mamillares vero, cum quidem foetus gestatur, laxæ, turgidulæ, & lacte plenę fiūt. At quo tēpore lacte carent, in sese cōtractæ dēlantur, tantū inter se differētes, quātū permadidæ spongiæ ab alijs quæ græce sceleteuomenæ vocitātur, nam sic appellāt spongas quę expressa omni humiditate vinculis obductis cōstringūtur, ac in vnū corpus cogūtur. Sūt autē & circa guttur ac fauces huiusmodi quædā glandulæ, sicut & in mesenterio: verū hæ adeò sunt exiles, vt multorū oculos fugiāt. At illę quas in faucibus & gutture esse diximus, grandes sunt, omnibusque conspicuę. Præter has aliæ in multis corporis partibus glādulæ paruæ reperiūtur, quę vasorū diuisuris cōfirmandis datæ sunt. At illa sanè glandula cui thymo nomen est, non parua, sed perquàm grandis in nuper editis animantibus conspicitur: verū illis incrementibus ipsa decrescit. Itaq; cunctis glandulis illud cōmune est, vt dulces ac friabiles in ore sentiantur. In ma-

liij.

*Linguae glandule*

*Glandula que  
appellatur thymus*

Mamillæ sunt  
Sapores belluorum

Testes

Renes

Unum renes  
sunt glandule

millaribus lacte refertis, ipsius quoque lactis dulcedo quædam intelligitur. Quapropter hæ glandulæ cū sic lacte tumēt, si quod aliud epulū, à ganeonibus summopere cōmendantur, ac expetūtur, præcipueq; suillæ. Alimonia ex ijs probe quidem in vētriculo concoctis proueniens, tantum non cum carnis alimonia certat. Si vero plena concoctione frustrētur, crudum aut pituitosum humorem procreant: quæ in ipsis humidiores sunt, pituitosum: quæ sicciores seu duriores, crudū: de quo supra retulimus. Testes quāuis ad glandularum naturam spectare videntur, non perinde tamē laudabilis sunt succi vt mamillares: quinimo virosum nescio quid sapiunt, seminis, cuius sunt officina, naturam referētes, ceu renes etiā ipsius vrinæ. Et difficilioris utiq; concoctionis sunt pedestrium animalium testes. Nam gallorum gallinaceorū altilium testes & suauissimi sunt, & laudabile corpori afferunt alimentum. Glandulæ item collo vesicæ adherentes, ad testium naturam ferè accedunt. Sunt autem qui inter glandulas renes connumerant. hi nanq; ipsis etiā glandulosum quid habere videntur. Verum prauī admodum succi sunt, & cōcoctioni rebelles, vti adutorum animalium testes vbi execti eduntur. Nam iuniorum longe præstant. Taurorum, hircorum, & arietum testes insuaves, concoctioni & succo inutiles sunt.



## DE TESTIBVS.

**V**uenibus suis ac bubus apud nos testes execant: sed non eadem in utrisque spectata utilitate. nam sues cibi causa castrantur: quoniam & suauior, & alibilior, ac concoctu mansuetior talium caro redditur. Boues vero in hoc testibus orbantur, ut obeundis agriculturæ munijis sint aptiores: quandoquidem tauri nimium feroces sunt, ac rebelles. In capris ouibusque castrandis hæ simul ambæ considerantur utilitates. Omnes dictorum animalium testes difficulter perficiuntur, & vitioso succo sunt obnoxij: at probe concocti, probe alibiles sunt. Maius vero & minus in his quoque pro portione eorum quæ de animalium singulorum carnibus differuimus, inuenitur. Etenim quanto suum caro alijs præfertur, tanto harum quoque testes aliarum animalium testibus. Ceterum soli gallorum gallinaceorum ad omnia precipue comedantur, potissimoque saginatorum.

## DE CEREBRO.

**E**rebrum omne in cibo pituitosum est, crassum succi, tardi meatus, & operosæ concoctionis: nec minus etiam stomacho inimicum. Quidam vero ipsius mollitudine decepti, laborantibus offerunt, cum præter alia nauseam etiam concitet. Ergo potius cum a cibo quempiam vomere volueris, huius partem pinguius conditam ultimo edendam exhibebis. Illis vero caue ne dederis

l. iij.

Testes gallorum  
gallinaceorum  
omnium optimi

que post cibum  
vomere faciant

DE. ALIMEN. FACVL.

qui cibi fastidio laborant, quos græci ἀνοήτους appel-  
lant, ac veteres eorū ἀποσιτες. Quāobrem nemo facile  
cerebrū ī cibis vltimo loco sumere velit, nimirū ipsa  
loquēte experiētia nausēā post cōsecuturā. Neq; in-  
iuria pleriq; cū origano sumptitāt, vti nōnulli cū ap-  
paratovarijs modis sale. quippe cū crasso succo & su-  
perfluo cōstet, omnino vomitioni fit accōmodatius  
īcidētibus & calfaciētibus iūctū. Si vero recte cōfici  
possit, alimētum corpori nō infimæ notæ præstabit.

varius decoqued  
cerebrū modus

DE OSSIVM MEDVLLA.



Edulla quę in ossibus continetur, cerebro  
dulcior, iucūdior, pinguiorq; cēsenda est:  
adeo vt si cerebrum cum ea comparādo,  
degustes, putaturus sis austerum aliquid  
illud in se habere. Prouocat & medulla nausēā si li-  
beralius assumatur, veluti cerebrum: attamē si pro-  
be concoquatur, ipsa quoque alibilis erit.

DE MEDVLLA SPINALI.



Edulla spinalis eiusdē cū cerebro generis  
est: sed non recte medullam eā appellarūt:  
cum medulla humidior, mollior, & pin-  
guior non solūm spinali hac, verum ipso etiam cere-  
bro videatur. Quoniam vero ī spinæ ossibus con-  
tinetur, colore medullę non absimili, ea ex parte me-  
dullā nomināt: quo nomine quidā ipsum quoq; cere-  
brū vocitarūt. Est porro spinalis medulla cerebro cō-  
tinua, ac eiusdē cū eo naturæ, dūtaxat durior, nec id

spinalis medulla  
est cerebro continua



fanè mediocriter: præsertim quo propius ad os sacrum, qui spinæ finis est, accedit. Quanto enim à cerebro longius abscedit, tanto magis durefcit. Proinde minimum pinguitudinis habet, eoq; nauseam non æque inducit: & si probe concoquatur, non exiguam secum alimoniam in corpus defert.

## DE PINGVEDINE ET ADIPE.

**A**Mbo hæc olei quidē naturā referūt: sed humiditate & siccitate à se inuicē distāt. Pinguedo nāq; humida quæpiā res est, oleo ad- *Pinguedo*  
similis longa vetustate incrassato. Adeps vero pinguedine multo siccior est: ideoq; si ipsum incalfactū *Adeps*  
fundas, coit facili ac cōcrescit. Pauci ambo sunt nutrimenti: potiusq; ciborū nostrorū condimēta, quàm cibaria veniunt appellanda.

DE PEDESTRIVM ANIMALIVM  
VISCERIBVS.

**Q**Mniū animalīū iecur crasso succo constat, difficulter cōficiē, & tarde cōmeat. Primā in omnibus, nedū in edūdi voluptate, laudē meretur, quod græci sycotū, id est ficatū appellāt: inde inuēto nomine, q̄ i animāte maectatiōi destinato multarū caricarū sagina iecur tale sit effectū. Potissimū vero suis ita pascēdis operā impendūt, quia huius animalis viscera natura sua lōge suauiora sunt aliorū ōniū visceribus: q̄q; hæc quoq; caricas multas vorāte animali, delicatiores fieri nihil phibet. Verū id

*iecur**Iecur ficatu  
magis laudabile*

DE. ALIMEN. FACVL.

minime rationi cōsentaneum hominibus videtur, vt præteritis quæ natura cæteris præstare voluit, ad deteriora veniant. Reliquorum viscerum lien gustu non omnino iucundus videtur. est namq; in eo acerbum quiddam intelligere. Neque immerito prauis succi esse creditus est, quum melancholici sanguinis fons sit, & officina. Pulmo quanto iecore lieneq; mollior rariorq; existit, tanto concoctioni quoq; accommodatior: sed longe iocinare imbecillior est: atq; id ipsum quod corpori præstat alimentũ, magis pituitosum habet. Cor, substantia sua, fibrosa duraq; est caro: ideoq; non sine magno negotio confici potest: tardeq; cōmeat. Si tamen in ventriculo perfici possit, alimentũ exhibebit corpori nec mole nec succo contemnendum. De renibus, nam hos quoq; nōnulli inter viscera connumerāt, superius retulimus.

DE QVADRVPEDVM ANIMALIVM  
VENTRICVLO, VTERO, ET  
INTESTINIS.



HAEC partes carne duriores sunt, eamq; ob causam si rectam concoctionem assequantur, succũ edent non planè sanguineæ naturæ, nec prorsus inculpatum, verum & frigidiorẽ, & crudiorẽ. Proinde multum temporis requirunt prius quàm satis peragi, & in sanguinem valeant conuerti.

splen est fons  
melancholici sanguinis  
et officina.



DE FERORVM ET DOMESTICORVM  
ANIMALIVM DIFFERENTIA.

**D**Omestica animalia temperie humidiora sunt quam sylvestria, tum ob aëris in quo degunt humiditatem, tum vero etiã ob vitæ totius ignauiam. At sylvestria multis cursitationibus ac laboribus sese fatigantia, in aëre etiam sicciore versantur. Quapropter eorũ caro & durior est, & nulla prorsus aut pauca admodum pinguedine respersa: eoque pluribus diebus à putrefactione seruatur immunis, quam domesticorum, & inertem vitam agentium. Liquet item horũ cibum ab excrementis puriorem esse, ceu eum qui à domi natis sufficitur, magis abundare. ex quo necessarium est illum amplius quoq; nutrire, & succi bonitate longe hoc esse superiorem.

## DE LACTE.

**L**Ac quoque inter cibos qui ab animalibus proficiuntur, numerandum est: in quo haud parua ex anni temporibus differentia inuenitur: hacq; maior etiam ex diuersa animalium natura. Siquidem crassissimum pinguißimũq; est bubulũ: liquidissimũ, ac minime pingue, camelinum: mox equinum, deinde asininum. Mediæ constitutionis est caprillum. hoc crassius ouillũ. Secundum anni tempora lac quod in vere statim à partu editur, liquidissimum est: tẽporis progressu magis

DE ALIMEN. FACVL.

semper ac magis incrassescens. circa medium autē  
 æstatis in suę naturæ medio consistit: ex quo sensim  
 ad tātā crassitudinē peruenit, vt penitus deficiat.  
 Vere vt humidissimum est, ita etiā copiosissimum.  
 Quod porro lac, vt diximus, pro animalium specie  
 varietur, id vel intuenti protinus erit conspicuum:  
 clarius tamen cognoscetur si ex vnoquoq; lactis ge-  
 nere caseus fingatur. Etenim lac humidissimum, se-  
 ro: crassissimum, caseo abundat. Merito igitur hu-  
 midum lac magis, crassum minus aluū mouet: con-  
 traq; crassum valentius nutrit, tenue imbecillius. Si  
 quis vero lacti præferuefacto serum omne cōsumat,  
 iam nihil prorsus subducet. At iniectis cādentibus  
 calculis tantisper dum omne serum dissipetur, adeo  
 aluum hoc modo accuratum non subducet, vt con-  
 trarium etiam sit effecturum: ijsq; hoc exhibemus  
 quibus vēter acriū excrementorū demorsu infesta-  
 tur. quod ipsum nō segnius quā calculi, imō effi-  
 caciū, ferrei orbiculi candentes præstant. Cito vero  
 huiusmodi lac in vētriculo casei modo cogitur: qua  
 de causā mel illi cum sale admiscemus. Quin aquā  
 etiā affundere securius fuerit, ceu nō pauci medico-  
 rū factitant. Neq; mirū tibi videatur quod sero stu-  
 diose dissipato, rursus aquā infundant. Non enim  
 feri humiditas est quā fugiunt, sed acrimonia: cuius  
 nomine lac omne aluum subducit, ex duabus diuer-  
 sis permistū substantijs, nēpe sero, & caseo. Ad hæc

*vide. Hm. 1. 4. 14*

*Lac dat' his q' hanc  
 ventis laborat lac  
 mo' caratu' co' m'ate*

*ex lac et plat' q' hanc  
 totius sem' caligat  
 Et si q' lim' co' m'ate  
 d'ipond.*



pingui quoque succo constat: quo maxime, ut dictum iam est, abundat bubulū: ideoque butyrū ex eo conficiunt: quod gustu solo visuque quantū in se pinguitudinis habeat, facile cognoscas. Quod si & in vngēda quapiā corporis parte uti eo libeat, pinguedine delibutā cutem haud secus ac si oleo fricuiſſes, videbis. Præterea si mortui animalis aridā pellē eo inungas, eundem cernes effectū. Quinimō plerūque frigide inueniuntur regiones quarū incolæ olei penuria buty-ro, cum se lauerint, utuntur. Idem si cadentibus prunis inspergas, flāmā excitare instar pinguedinis cōspicietur. Per sepe etiā pro adipe id vsurpamus, cataplasmatis alijsque medicamentis cōmiscētes. Ergo bubulū lac, ut testati sumus, pinguiſſimū est. Ouillū caprinūque habēt & ipsa certe pinguedinē, sed lōge pauciorē. Asininū quā minimū huius obtinet. Quocirca perraro cuiquā in vētriculo coagulatur ubi calidū protinus ut mamillis excidit, haustū fuerit. Quod si sal cū melle adijciatur, fieri nō potest ut in vētre cōcrescat. Eandē ob causam vehemētius aluū deiicit: utpote feri copia affluēs, à quo omne lac facultatē accipit delaxādi, uti à caseosa substātia, sistēdi. Quāto vero serū alia lactis natura aluū retinēte inferius est, tātō magis iter alia oīa vētrē molliētia excellit: ideoque veteres ad aluū exonerādā creberrime hac potione vſi fuisse vidētur. Tātū vero ei mellis optimi adijciendū est, ut citra stomachi euerſionē dulce sētiatur.

*Butyrū supplet  
vicem olei*

*Lac Asininū*

Similiter salem ea mēsurā quę gustui ingrata nō sit, admiscebis. At si copiosius subducere statuas, q̄ plurimum salis immittito. Hęc equidē diffusius quā præsens postulet institutum, exposita sunt. Quæcūque enim lacti vt alimēto præclarę insunt dotes, eas duntaxat referre propositum erat. Verum cū inter alias quoq; subductio ei attribuatur, fecit rei affinitas vt in hanc digressionē exspatiaremur. Ergo rursus à diuerticulo ad rem propositā reuertamur, eaque in medium afferamus quæ nondū de lactis virtute sunt tradita. Quorum hoc vel inter præcipua habendum est, quod omnium rerum quas cibi causa capimus, lac optimum, optimi sit succi. Cæterum ne oscitanter hunc nostrum sermonem accipias caue. Haud enim simpliciter protulimus lac omne optimi esse succi, sed insuper optimum adiūximus. quippe vitiosum lac tantum abest vt ad succi probitatem conducat, vt malo etiam succo vtentiū corpora impleat. Ac illud sanè liquidū visum est, infantem priore nutrice extincta, alterius noxijs succis plenæ lac sugentem, multis in toto corpore vlceribus tandem scatuissē. quippe secunda hęc nutrix syluestribus hærbis ac oleribus ruri veris tempore cū fames grassaretur, victitauerat: quare & ipsa huiuscemodi vlceribus obsessa est, cūque ea indidem alij nonnulli simili victu vfi. Vidimus & alijs permultis lactantibus mulieribus id temporis idem accidere. Quin-



etiam si capræ aut alterius cuiuspiam animalis scāmoniam aut tithymalum depasti lac cibi loco quisumat, omnino alius illi profluxura est. Itaq; quæ admodum quæ de alijs omnibus, ita & quæ de lacte pronunciantur, non quasi simpliciter de quouis dicta sint, intelligere oportet, sed duntaxat tanquam de probatissimo. In quolibet autem genere quatenus quidq; à primo præcipuoq; recessit, eatenus ad nos iuuandos minoris erit efficacix. Lac igitur plurimo abundans sero, etiam si iugiter eo vtare, quam minimū periculi affert. Quod vero huiusce humiditatis minimam portionem, sed caseosæ crassitudinis permagnam obtinuit, omnibus vsum eius frequētātibus infidū est. Etenim renes offendit, si quidem hi calculo ingenerādo idonei sint. Iecur itē obstruit ijs qui ex facili huic iniuriæ patent, vt sunt qui fines venularū cibū ex concaua iecoris parte in gibbam traijcientium angustos habent. Thoracis pulmonisq; partibus omne lac vtile est: capiti minime, nisi admodū valenti: sicut nec hypochondrijs si qua leui de causa inflari nata sint: quandoquidem ventrem flatibus implere consuevit: vt paucissimos inuenias qui non ita ab eo afficiantur. Verū cum quopiam edulio crassi succi abūde feruefactum, flatuosam quidem naturā exuit, sed iecur magis hinc obstruit, & calculos in renibus promptius gignit. Huius autem modi edulia primo volumine esse perhi-

*de st. v. tranke  
repon.*

*de sent. in de t.*

DE. ALIMEN. FACVL.

buius amyli, similā, alicā, tragū, oryzā, lagana, rhy-  
emata, panesq; non bene in clibano coctos, nec mul-  
ta tritatione praelaboratos, saleq; nō abūde nec fer-  
mēto saturatos. Cæterū vt hæc lacti immista aliquā  
eius facultatem aut augere aut imminuere possunt,  
ita & alia quoq; omnia quæcūq; nōnulli lacti admi-  
scent. At nos breui nūc formula ipsius proprias vi-  
res perstringamus. Ergo lac boni succi & alibile esse  
dicimus, ex cōtrarijs substantijs ac facultatibus, nē-  
pe mouēdi & sistendi, obstruendi & extenuādi, cō-  
positū. Quod nāq; eius serosum est, crassitiē humo-  
rum extenuat, & aluum subducit. Quod caseosum  
est, aluū retinet, & crassos pcreat succos, ex quibus,  
vti retulimus, iecoris obstructio, & in renibus calcu-  
li oriuntur. Affiduus lactis vsus dentibus, vnaq; ad-  
natis carnibus, quas gingiuas nominant, officit. has  
enim humentes & flaccidas, dētes vero putrefactio-  
ni & erosioni obnoxios facit. Ergo assumpto lacte,  
os vino diluto colluere expediet: ac si mel quoq; ad-  
ieceris, melius habebit. Ita nanq; si quid ex lacte ca-  
seosum dentium interstitijs gingiuiscq; infarctū ob-  
hæsit, abstergetur. Quin si cuius tam robustū sit  
caput, vt vini meri collutione nō offendatur, rectius  
is & dentibus & gingiuis citra aquam consuluerit.  
Verum & admistū mel misturam ex vtroq; cōmo-  
diorem facit. Illud vero dētium incolumitati tutis-  
simum aduersus lactis iniurias fuerit præsidium, si

Nota de lacte  
quātu' alterat  
lesioni/ dentibz

remed<sup>m</sup> p lacte dñm  
a. Nox<sup>m</sup> lactis



quis post assumptionem primum melicrato, deinde adstringente vino os abluat.

DE ACIDO LACTE.



Vod græci oxygala, latini acidum lac nūcupant: dentes, qui quidē secūdam naturam se habent, nihil offendit. At qui aut ob naturalem intemperiem, aut quempiā adscititium affectum iusto frigidiores sunt, hi soli vt ab aliorum frigidorum occurſu, ita ab hoc quoq; offenduntur: acciditq; ijs nonnūquam symptoma quod stuporem nominant, quale à moris immaturis alijsq; acerbis acidisq; euenire consueuit. Illud itē liquidō constat, vētriculum qui quauis de causa frigidior sit, lac acidum non concoquere: at mediocriter temperatus, quauis ægre, concoquere tamē potest. Contrā ventres iusto calidiores, siue ab initio tales, siue à causa quapiam post adueniente in eam tēperiem adducti, adeo nihil ab huiusmodi edulijs noxæ concipiūt, vt etiam commodi aliquid sentiant. Quin hi quoque acidum lac niue præfrigeratum innoxie perferunt: ceu alias plerasque id genus escas, & ipsam adeo aquam niue sic accuratam. Ex quo medicos plerosque subit admirari, qui de singulis edulijs statim sententiam pronunciant, prodesse videlicet ea, aut obesse: facile concoqui, aut difficulter: mali succi esse, aut boni: alere, aut non

*Nota medicorum  
multorum ignorancia*

alere: stomacho cōuenire, aut aduersari: aluū ducere  
aut sistere: aut aliā quāuis virtutē vitiumve obtinere  
vnūquodq; asserētes. Nā quanuis in quibusdā per-  
petuo verum est dicere, hoc verbi gratia prauī succi  
esse, aut difficilis concoctionis, aut stomacho expe-  
dire: in plurimis tamē fieri non potest vt vnico edi-  
cto citra vllam definitionem veritas seruetur. Cæte-  
rum quoniā in longum necessario excurrisset oratio  
si per singula edulia tam naturalium quā acquisi-  
tiorū affectuum distinctiones adscripsissemus: sa-  
tius fore existimauius, si ab initio vniuersali to-  
tius doctrinæ methodo seu ratione commonstrata  
(id quod in primo horum commentariorum feci-  
mus) post in particularibus nonnunquam eam ad  
memoriam reuocaremus, præsertim in ijs quæ non  
simplicis sunt naturæ, quale vtiq; lac de quo nūc agi-  
mus, existit, ex contrarijs substantijs & facultatibus  
quæ similes dūtaxat ad sensum apparent, confla-  
tū. Huic nanq; vel optimo pro diuersa ventriculorū  
natura accidit vt modo aciescat, modo fumosum ru-  
ctū sursum mandet: quāquam diuersi affectus sunt  
per quos acidū aut fumosum euadit quod crudū in  
vētriculo manet. Siquidem caloris inopia acorem,  
eiusdem excessus nidorem affert. Quæ vtraq; lacti  
eueniunt, quia serosam nō solum in se naturam, ve-  
rum etiam pinguem & caseosam cōprehendit. Hac  
ergo de causa lac acidum si crudum in ventre more-



tur, nunquam nidorem excitat, etiam si in maxime biliosum ac feruentissimū vētriculum incidat. Neq̃ enim amplius calidam acremq̃ qualitatem ac vim retinet, quam a sero lac habet: neq̃ pinguem, & mediocriter calidam, quam tribuit pinguedo. Nam in huiuscemodi præparatione sola relinquitur caseosa substantia, eaq̃ ipsa non eiusdem omnino naturæ cuius ab initio fuit: verū ad frigidiorē statum deflecta. Itaq̃ de acido lacte suffecerit dixisse quod frigidum sit, ac crassi succi. Ex hoc enim colligitur ipsū nō facile in corpore mediæ temperaturæ elaborari. quippe ad hanc vnā in omnibus libris à me conscriptis semper referendum esse sermonē cum simpliciter quid asseritur, identidem monui censuiq̃. Cæterum crudum vocatum succum, cuius supra naturā ostendi, ac alibi etiam in præcedente volumine de eo disserui, cōsentaneum est ab istiusmodi cibis abunde procreari. Quin etiam æstuantioribus ventriculis hoc esculentum congruere haud absurde quis dixerit, veluti & frigidioribus summopere aduersari. Illud porro per singula cibaria repetere nil est necesse, sed in quibusdam meminisse suffecerit, succū videlicet qualis est is qui ex acido lacte, caseo, cūctisq̃ epulis crassi succi prouenit, calculos in renibus parere, quum hi & iusto calidiores fuerint siue ob naturalem intemperiem, siue ob alium affectū post superueniētem: quumq̃ pro caloris modo, meatuū

m. j.

ex hoc collige q. l. m.  
ut calida q. regant  
4<sup>o</sup> simpl. cal. 17

Calculus in renibus  
a lacte gignit

in ipsis amplitudo non responderit. Nam maxime  
 valetudinaria corporis constitutiones sunt hæ quæ  
 ex partibus diuersi temperamenti componuntur: vt  
 verbi gratia, si ventre admodum calido cerebrū fri-  
 gidum existat: ceu quandoq; pulmo ac totus thorax  
 frigida sunt, ventre calidam temperiem obtinente.  
 frequēter vero contrā euenit, vt alijs omnibus plus  
 æquo calidis, solus ventriculus sit frigidior. Haud  
 aliter iecur quoque supra alias partes calidius esse  
 potest. Itaq; mox ab initio etiam perhibuimus vti-  
 lissimam esse facultatem quæ alimentis insunt, do-  
 ctrinam, vbi simul differentia explicantur tam quæ  
 ex humiditate, siccitate, caliditate & frigiditate:  
 quàm quæ ex substantiæ crassitudine aut lentore  
 proueniunt: quumque ad hæc, an ipsa similarium  
 sint partium, an dissimilarium, quale est lac, distin-  
 guitur. Ad horum porro dignotionē cum per ol-  
 factum gustumq; tum per alia accidentia nos velut  
 manu duci sum testatus: de quibus in operis huius  
 initio disserui: vt nunc quoq; in hoc de lacte sermo-  
 ne, eius naturam ex accidētibus quæ aut feruefactū,  
 aut coagulo concretū, aut alio quouis modo in suas  
 partes diuisum edere natum est, demonstrans. et-  
 enim citra coagulū scissio quoq; quam vocant, eam  
 diuisionem præstat, cum lacti abunde feruenti oxy-  
 mel frigidū instillamus. Idem & mulso efficimus.  
 Interdum etiam citra vllam liquoris instillationē,



vase gelidam aquam continente in lac demisso, ipsum scindimus. Absque coagulo id etiam quod post editum foetum emulsum fuerit, mox concre-  
scit, in calidis cineribus aliquantisper feruefactum. Veteres comici lac ita coactum pyriasten videntur appellasse. Nostri homines in Asia pyriepthum, quasi igne coctum nominant. Hoc ergo purum lac censendum est, ab omni aliena substantia semotum. Cum autem melle admisto per coagulum cogunt, separatur hoc opere quod in eo tenue est & aquosum, varioque tum modo ab hominibus sumitur. Alij namq; densam ac concretam duntaxat partem quæ ex caseali lactis substantia constat, & calida igne aq; coaguli virtute, melleque ipsis admisto, alij cum eo quod cõcreuit, serũ vnà quoq; hauriunt, idq; aut simul vtrunque, neutrius portione detracta, aut alterũ altero largius. Proinde nunc amplius, nũc parcius illinc aluũ duci cõtinget, pro serosæ substantiæ portione. Liquet itẽ si quando concreta pars sola sumatur, plus nutrimenti corpori accessurũ: minus, si serosi quidpiã liquoris vnã bibatur. Adhuc vero se-  
gnius vbi cõcretæ substantiæ perexiguũ, serosæ q; plu-  
rimũ infũditur. Simili modo & in eo quod a partu siue cũ melle siue absq; eo coijt, discriminẽ nõ modicũ inuenitur. Est enim concoctu ptinacius, & succi cras-  
sioris, deniq; tardioris descensus, quod mel nõ acce-  
pit. Attamẽ vtriusq; alimonia minime est illiberalis

DE ALIMENT. FACVL.

Hæc de lactis facultate nouisse, in præsentem tractatum fuerit satis. Eius namq; vtilitates, quibus in morbis vtimur, cum aut quauis causa intabescentibus, aut pulmonis vomica obessis id exhibemus, proprie ad medendi rationem spectant.

DE CASEO.



E casei facultate diximus iam cum de lacte sermonem faceremus. Veruntamen satius fuerit peculiare huic quoq; caput dicasse. Dum namq; formatur, ab iniecto coagulo acrimoniã accipit, totamq; humiditatem relinquit. Maxime vero inueterato acrimonia crescit, & omnino quã antea calidior vrẽtioreq; is redditur, ideoq; [ & siticulosior ] & cõcoctioni rebellior, & succo deterior tandem euadit. Qua de causa nec id ipsum quod crassis epulis acris ac tenuatoriæ facultatis nõnihil habentibus, inest commodi: iste citra noxam possidet. Quippe plus dñi ex succi prauitate, & æstuanti feruore infert, quã crassorũ extenuatio possit prodesse: quando ad calculi in renibus procreationem hic item succus [ non ] minus est appositus. Siquidem in illis eos corporibus contrahi ostẽdimus, in quibus cum crassitudine humorum igneus feruor simul cõspirat. Quare istiusmodi caseus summopere erit fugiendus, vt qui neq; ad concoctionem, neque digestionem in corpus, neque

*Caseus aliquis  
pessimus est.*

*Caseum parat ad  
calculi generationem.*



ad mouendam vrinam, neq; vētrem soluendū quid-  
quam boni conferat, ceu vtiq; nec ad succi probita-  
tem. Ab hoc alius est neq; vetus, neq; acris, infestus  
quidē & ipse, sed minore noxa. Laudatissimus in-  
ter omnes caseos recens habetur, qualis is quē Per-  
gamena rura, & superior Mysia mittit, ab indige-  
nis oxygalactinus, quasi lactacidū dicas, appellatus,  
gratissimus ori, & stomacho minime noxius, alijsq;  
omnibus caseis concoctu transituq; facilior, suc-  
co constans non vitioso, neque vsque adeo crasso:  
quod omnium tamē caseorū commune vitium esse  
solet. Prestantissimus is quoq; qui Romę diuitibus  
in pretio est, vatuficus nomine: alijsq; quidam alijs  
in locis prestant. Quoniam porro permagna in illis  
particulatim inuenitur differentia cum pro anima-  
lium natura, tum pro varijs præparandi modis, ac-  
cedente ad hæc diuersa ipsorum caseorum ætate: co-  
nabimur hoc in loco quosdam ceu scopos boni-  
tatis ipsorum describere: quibus intentus quis, ex  
facili meliorem a deteriore queat discernere. Ita-  
que duplices in genere hi sunt scopi. Alter substan-  
tiæ consistentiam complectitur: penes quē, an mol-  
lis sit caseus, an durus: dēsus, an latus: lētus, an fria-  
bilis, contemplamur. Alter in gustabili qualitate  
consistit, qui alium eximie acidum, alium acrē, aut  
pinguem, aut dulcem, aut alio id genus sapore præ-  
ditum esse mōstrat, aut omni ex parte æqualem. Si

m. iij.

*Optimus caseus  
quis na sit*

*Modi cognoscendi  
bonitatis casei*

# DE ALIMENTIS FACVL.

ab his generatim prolatis ad speciales differentias venias, mollem duro, rarum ac laxum valde presso densoq; meliorē iudicabis. Deniq; cum & admodū glutinosus, admodūq; friabilis ad asperitatem vsq;, vterq; noxius sit: medium inter hos locum sortitus præstantior censebitur. Gustu autem illum optimū iudicato, qui nullam vehementem qualitatem obtineat, duntaxat paulo dulcior. Suavis item insuauē præcellit: & mediocriter salitus, permultū aut nihil omnino salis habentē. Quin etiā post assumptionē hunc ipsum, bonus ne an malus sit, poteris ex ructu cognoscere. Cuius nāq; qualitas paulatim emoritur, vtilior: cōtrā qui diu in stomacho viuit, minime probāndus. Palām enim hic difficulter quū qualitate tū substantia sua immutatur, ideoq; ægre etiā cōficitur. Siquidē dum cōcoquitur cibus, omnes quas antē diximus qualitates immutentur necesse est.

## DE PEDESTRIVM ANIMALIVM SANGVINE.



Anguis omnis cōcoctioni rebellis, præcipue crassus & melancholicus, qualis est bubulus. Leporinus vt suauissimus celebratur. apud plerosq; mos obtinuit vt cum iecore elixetur. quidam alijs etiā visceribus indunt. Sunt qui suum quoq; iuniorū sanguinē edant, ceu alij etiam adultiorū, cum fuerint castrati. Nam aprorum nemo ne gustare quidem tentauerit pro-



pter nimiā insuauitatem, & concoctionis pertinaciam. Caprarum vero sanguinem in cibo gratū esse ipse etiam Homerus nouit.

*Sanguis caprarum*

DE ALIMENTO QVOD A VOLATILIBVS SVMITVR ANIMALIBVS.



Risca græcorū gens omnes volatiles bipedesq; animantes ornithas appellauit. Hac vero tēpestate gallinæ, quas veteres alectrionas, uti gallos alectrionas vocabāt, eo nomine significantur. Auium porro omnium genus leuissimum cibum præstat, si ad quadrupedes conferatur, in primis vero si ad suillam, qua non aliud facile inuenias quod valentioris sit nutrimenti. Veruntamen eorū quæ volatu fidunt, caro, ob facilem cōcoctionem, præcipuam laudē meretur, maximeq; perdicis, atagenis, colūbæ, gallorū gallinaceorū, & gallinarum. Turdorū, merularū, paruorūq; passerum, quo numero turricolæ etiā vocati habentur, illis durior est: quas ipsas, turturis, palūbi, anatisq; caro duritate etiā superat. Phasianæ gallinis cōcoctione pares sunt, & nutrimento, cibo etiā suauiores. Dictis omnibus durior, & cōcoqui cōtumacior, fibrosiorq; pavonis pulpa. Illud porro & ijs quæ pedibus, & ijs quæ volatu magis nituntur, cōmune nosse oportet, carnem etiamnum adolescentium longe præstatiorem quā iam ætate declinantium esse: florentiū, in vtriusq; medio hærere. Noxia vero est admodū no-

m. iij.

*Pedones  
Columbe*

*Pavonis Caro*

*Caro Adolescentium*

DE. ALIMEN. FACVL.

uellorum, diuersaq; ratione admodum vetulorum.  
Etenim horum dura, sicca & neruosa est caro: ideoq;  
& concoctu peruicax, & exigui nutrimenti. Contra  
nuperrime editorum corpora, mucosa, eoq; excremē  
tis plena sunt: leuius tamē per aluum subeunt. Hæc  
in cunctis animalibus meminisse te velim. cōmuni  
ter nanq; omnibus & ex æquo hæc differētiæ quas ab  
ætate sumpsimus, inhærent. Quin & præparatio  
nis ratio sanitati accommoda, quam antea exposui  
mus, his quoq; communis existit. Rursum tamen  
breui formula repetetur, indicata tantū cuiusq; mo  
di facultate. Quippe assa, ac in sartagine fricta, sicciora  
sunt: in aqua dulci elixa, humidius corpori alimē  
tum præbent. De ijs porro quæ ex albo iure varijsq;  
patinarum condimentis esitantur, satis superius re  
latum est, ceu de domesticis quoq;, ac syluestribus.  
Haud mediocris vero differentia est inter ea quæ in  
stagnis aut paludibus aut lacustribus degunt, & ea  
quæ in montibus aut siccis locis vagantur. Nam pro  
portione locorum, animalium carnes aut siccæ, & ex  
crementis vacuæ, ac concoctu faciles, aut humidæ &  
excrementitiæ, concoctuq; difficiles redduntur.

DE ANSERIBVS, ET STRV.

THOCAMELIS.



Pud græcos anseres vsitato nomine che  
nes ab antiquis etiam appellabantur: sed  
struthocamelorum nomen ipsis inso



lens. eas nanque *μεγάλας ερσθους* nominabant. Ego vero etiamnum adolescentulus sophistam quendam ex eorum numero qui in vtramvis partem discipulant, audiui vtrunque de ijs ostendere conantem, nunc videlicet hæc animalia aues esse, nunc vero non esse. At longe præstiterit non in huiusmodi captiunculis otium terere, sed qualemnam habeat eorum alimonia virtutē, inuestigare. Ex me ergo istud ubi audieris, ab alijs, magno quidē otio, an aues istiusmodi animalia vocanda sint, an non, condiscas licebit. Ipsorum igitur caro excrementis abundat, & multo amplius concoctioni repugnat, quam prædictorum volatiliū animalium: eorū tamen alæ, aliorum alis non sunt deteriores. In multis namque volatilibus, potissimum paruis, duræque carne præditis, alarum natura fibrosa duræque est. In quibusdā etiā vniuersa carotalis est, ceu & in gruibus: quas ipsas tamē edūt, plurimis antē diebus aëre macerantes, quò tenerescant. Inter grues porro ansereſque, tardarū, quæ græce *δυπιδες* aut *ωπιδες* vocantur, caro quadatenus media est. vtroque enim modo prima syllaba apud græcos & profertur & scribitur, tam per *α* diphthongū, q̄ per *ο* vocalē.

DE DIFFERENTIA PARTIVM QVAE IN  
VOLATILIBVS SVNT ANIMALIBVS.



N volatilibus viscera ad carnes eā proportionem obtinent, quam in pedestribus haberi retulimus. Intestinavero horū omnium

Nota bonitate  
anserum

prorsus cibo sunt aliena, exceptis ventriculis. nam hi & edendo & alendo sunt. Nonnulli verò ex ipsis perquam etiam suaues, ceu anserum, ac deinde altilium gallinarum. Quemadmodum autem suum iecori, ipsis adhuc viuētibus, gratia quædam & suauitas ex caricarum pastu comparatur: ita anserū quoque iecur pabulo lacte consperso saginari video: ut nō modo iucundissimus sit cibus, sed etiam optimi alimentum ac succi, & deiectione minime difficilis, & probe in ventriculo concoctionis. Anserinæ quoque alæ nutritioni & concoctioni idoneæ sunt: his vero magis ipsarum gallinarum. Cæterum quum in iunioribus & adultioribus animalibus magnū sit carnis discrimen, in alarum quoque natura ex ætate euidentior differentia conspicietur. De obesis ac macris eadem est ratio. Ac iuniorū quidem probeque nutritorum caro præstantissima est, pessima macilentorum, & vetulorū. Pedes paulo minus omniū cibo inepti. Gallorū gallinaceorū cristas ac palearia non est quod laudes aut dānes. Testes horum maxime probantur, præcipue altilium: qui ipsi deliciores sunt quum escis ferofo lacte conspersis saginati galli fuerint. nam & bonum succum ac alimoniam præstant, & facillime concoquuntur: deiectionem tamen nec iuuant, nec impediunt. Sunt præterea volatiliū parua cerebella multo quā pedestriū meliora, quanto videlicet duriora. Inter ea verò quæ volatu fidunt, montana præ-

Anserine ale

Testes gallorū

Cerebella volatiliū  
parua



stantius quàm palustria cerebrum habent. Eadē in alijs omnibus partibus est proportio. Falsò quidā struthocameli ventriculū prædicant tanquam vnum ex medicinis concoctionem adiuuantibus. Alij vero longe magis ventriculum mergi. Verum hæc neq; ipsa facilè concoquuntur, neq; alijs in hoc ceu medicamenta auxiliantur, veluti zingiber, & piper, aliq; ratione vinum & acetū. Præter hæc autem si de volatiliū animalium lingua rostroq; tentem dicere, quæ nemo qualia sint ignorat, merito nugas me persequi quispiam sit obiecturus.

*ventriculū nō potest  
adjuuari concoctione,  
cū ipse diffici-  
liter coquatur. qui acci-  
piuntur neq; ad  
medicamentū.*

## DE OVIS.

**Q**ua quoq; inter alimenta quæ ab animantibus sumuntur, numerāda sunt, in treis differētijs partita. harū vna est a propria substantia. siquidē gallinarum ac phasianarū in his meliora sunt: anserum ac struthocamelorū deteriora. Secunda est, per quā, recentia an vetera sint, cōsyderamus. Tertia penes cocturæ rationem versatur. nā quædā affatim coquūtur, a græcis ephtha, id est cocta vocata: alia ad mediocrē vsq; consistentiā; tremulaq; dicūtur, græcis trometa. Alia duntaxat incalescunt, quæ sorbilia vocamus. Tremula, molliave, omnium bellissime nutriunt. Sorbilia minus id præstant, sed expeditius descendunt, ac gutturis scabritiem læuigant. Cocta seu dura difficilis sunt cōcoctionis, &

*Ovis tres  
differētijs*

*prima*

*secunda*

*3*

*Cocta*

*Tremula*

*Sorbilia*

*Assa in  
cineribus*

*Fritum in  
sartagine*

*Recentia na  
t vetera*

tardi transitus, crassamq; alimoniam corpori exhibent. Quæ verò in feruentibus cineribus assantur, lōge adhuc tardioris sunt meatus, & crassioris \* succi. Quæ in sartagine ad crassitiē vsq; frigūtur, eoq; à græcis tagenista appellātur, deterrimi omnino sunt alimenti. Dum nanq; cōcoquuntur, nidorem ac fumū edunt: succusq; ex ijs prognatus, nō solū crassus, verumetiā prauus & excrementitius est. Duris assisq; præstāt quæ peculiari quodā cocturæ modo suffocantur, pniēta ob id à græcis vocata. Ratio apparandi sic habet. Consperguntur oleo, garo, & momēto vini. mox vas quo continentur, aheni aquæ calidæ imponitur, superne vndiq; operculatum: deinde lento igne vsq; ad mediocre crassamentum coquuntur. Nam plus æquo conspissata, à duris & assis nihil differunt. Quæ vero ad mediocre crassamentum perueniunt: & melius quàm dura concoquuntur, & corpori præstantius alimentum præstant. Hanc consistentiæ mediocritatē ex ijs quæ sursum in ollæ labra effunduntur, erit colligere. quæ vt indurentur, non est committēdum: sed cum adhuc succum suū seruant, olla ab igne remouenda erit. Recentium porro ouorum ad vetera nō mediocris est differentia: quippe optima sunt recentissima: pessima, perquam diu asseruata. Quæ vero in horū excessuum medio statuuntur, pro portione recessus ab extremis, bonitate aut prauitate inter se different.



DE VOLATILIVM ANIMALIVM  
SANGVINE.

**G** Allinarum ac columbarum sanguine nonnulli vescuntur, maxime altiliū. Nec enim suillo inferior est, siue suauitatem, siue coctionis facilitatem spectes; longe tamen cedit leporino. Omnis porro sanguis cōcoctu pertinax est, & excrementitius, quocūque paretur modo.

DE NVTRIMENTO QVOD AB AQUA-  
TILIBVS ANIMANTIBVS SVMITVR.

**A** Nimalium in aquis degentium permulta sunt genera: inque ijs variæ differentiæ ac species. Nūcvero quę in ipsis advsu medicinalem seu salubrē vtilia inueniātur, referemus. Ergo de omnibus quę assiduō in vsu cibario sunt, sicut antē fecimus, nunc sumus tractaturi.

DE MUGILE. *capitulum*

**I** N squāmatorum pisciū genere mugil censetur, non tantum in mari, verū etiā in stagnis ac fluuijs nascens. Ideoque magnum est mugilum inter se discrimen, adeo vt pelagius ab eo qui in fluminibus stagnis lacubus aut cloacis vrbium sordes ac latrinas expurgantibus mansitat, diuersi generis esse videatur. Piscium nanq; in cœnosis aquis sordidisq; versantiū excrementitia ac mucosa admodum est caro. Optima eorum qui in puro natant mari, maxime cum vētorum aestu agitātū

*Pisces in stagnis  
degentes et in  
mari*

DE ALIMEN. FACVL.

attollitur. Nam in silēte, nullisque agitato fluctibus  
tanto piscium caro vilior est, quāto minus exercita-  
ta. In salis stagnis, quas limnothalassas græci appel-  
lant, hac etiam peior, atq; hac magis in ipsis stagnis.  
Quæ si exigua sint, nec ingētia flumina, vllsq; fon-  
tes habeant, nec copiosum defluxum: multo profe-  
cto magis noxia erūt. Quod si nihil omnino affluat  
aquæ, nec defluat, sed stagnum reses planè immotū-  
que maneat: maiorem in modum id piscibus incom-  
modabit. De ijs porrò qui in paludibus lacubusq; ca-  
piuntur, atq; id genus locis, ab initio mentionem fe-  
cimus. nam qui indidem versantur, carne longe pes-  
sima constant. Fluuiatilium meliores sunt qui in ra-  
pida ac multiflua aqua fatigantur: in stagnante ne-  
quaquam boni. Ipso præterea pastu pisces meliores  
peioresve euadunt. Nam quibusdam hæbarum ac  
bonarum radicum copia suppetit: ijq; præstantiores  
eam ob causam sunt. Alij hærbis pascūtur limosis,  
malique succi radicibus. Sunt qui in fluminibus po-  
pulosarum vrbiū, hominum stercorebus & prauis  
id genus escis victitant: qui, vt dictum est, extremū  
prauitatis gradum tenent. Si nāq; mortuos aliquā-  
diu asserues, illico putrescēt, & teterrimū edēt odo-  
rem. Sunt hi & cibo prorsus insuaues, & cōcoctu dif-  
ficiles, parūq; boni alimenti, excrementi plurimum  
reddūt. Quare mirū non est si prauum succū in eorū  
corporibus qui quotidie illis vescuntur, congerant.

*Pisces in stagnis*



Hi ergo deterrimi: sunt contrà, vt diximus, optimi qui in purissimo mari natant, maxime vbi littus nec terrosum nec læue aquam cingit, sed aut asperū, aut arenosum. Si vero ventum insuper spectet Aquilonarem, pisces longe erunt meliores. Nam cum ad succi probitatem vnicuique animanti haud leuiter peculiaria exercitia conducāt, amplius etiam flatuum qui aquis permiscentur, puritas, horum piscium augebit bonitatem. Ex quibus perspicuum est, in eo etiam mare mari præstare, quòd aut omnino purum sit, aut magnis multisque fluminibus adulteratum, veluti Pontus. Nam huius pisces quanto stagnales antecellunt, tanto alijs in puro mari degentibus sunt inferiores. Inueniuntur & stagna quædā huiusmodi, quas limnothalattas vocant, vbi videlicet fluuius ingens mari coniunctus stagnum efficit. Quinetiam absque hoc vt stagnet fluuius, quo primum loco is mari miscetur, mista quoque ex falsa & dulci aqua inuenitur. Caro autem piscium illic versantium, inter fluuiatiliū & marinorum piscium carnem media euadit. Hic porro sermo alijs piscibus qui in fluminibus & stagnis & mari degunt, communis esto. nam bona eorum pars nō ambigit: cum marini fluuiālē aquā perpetuò vitēt, fluuiatiles ac stagnales marinā. Mugilis vero inter omnes maxime vtrisque aquis vtitur: eaq; natura est, vt possit ad

uersus fluminis impetum longo à mari interuallo  
ferri. Hic mugil numerosas ac paruulas spinas non  
habet, vti nec alius quispiā marinorum pisciū. Con-  
trā qui è fluuijs aut stagnis mare ingreditur, non se-  
cus ac congeneres, plenus est huiusmodi spinarum.  
Quippe omnium piscium caro qui in stagnis agūt  
aut fluminibus, exilibus spinis stipatur, marinis eas  
non habentibus. Quo nanq; loco ingentis fluminis  
ostia mari cōmittūtur, cōtingit idētidē vt fluuiatiles  
in mari, & marini in flumine capiātur, ex eo cogni-  
ti, quod illiusmodi spinas aut numerosas aut omni-  
no nullas haberent. Itaq; fluuiatilium pauci in mare  
tranant: at marini omnes dulcibus gaudent aquis.  
Continuo autem & gustus mandenti tibi præstan-  
torem mugilem indicabit. Iucundior nanq; ipsius  
est caro, cum quadā acrimonia, citraq; pinguedinē.  
Pingues cōtrā, & soluti saporis, tum cibo, tum cōco-  
ctu deteriores sunt, præterea stomacho infesti, succo-  
q; inutiles. Quapropter cum origano ipsos parant.  
Quidā vero nostrates quosdam in fluuijs natos pi-  
scis leuciscos nomināt, diuersi à mugile generis eos  
esse opinātes: cætera tamen omnino mugili similes,  
candidiore duntaxat ac minore capite, gustuq; ma-  
gis acuto. In alendo autem eandem obtinent faculta-  
tem, quam fluuiatili mugili inesse retuli: adeo vt de  
nomine duntaxat, non de re disceptatio esse videa-  
tur. Dicam ergo quod nouisse magis sit ex vsu. Hic

*Nova quia co-  
municat sup. dicitur*



piscis vnus ex eorū est numero, qui sale asseruatur: multoque ex hoc stagnalis præstantior quā ante erat redditur. Quicquid enim sordidum aut virosū gustu refert, id totum per falsuginē amittit. Verum recens salitus, inueterato gratior est. Cæterum de salitis piscibus paulopost communis habebitur sermo, sicut & de ijs qui niue obruti macerantur.

## DE LVPO, SEV LAVRACE.

*Sturione vocat*

**H**unc piscem in dulcibus aquis natum non vidimus, sed e mari in flumina se aut stagna inuehentes conspeximus. Ideoque prauus ac aliquatulum limosus aliquando inuenitur, ut frequenter mugil. Non vitat falsa stagna, nec fluminum ostia, quanuis ex pelagiorum numero sit. Sic porro eos pisces appellitant græci, qui in altum mare secedunt. Alimentum tam ex hoc, quā ex alijs omnibus proueniens piscibus, tenuiorē generat sanguinē, quā pedestriū animalium caro, sic ut nō admodū nutriat, & celerius per halitū digeratur. Ceterū quoniam vocabulū hoc tenuius nunc de duabus inter se collatis rebus dicimus, nunc citra cōparationē: scire licet, quū absq; addito simpliciter pferimus, ad sanguinē mediæ inter extrema cōsistentiæ cōparationē spectare. Extremæ porro prauitatis, quod ad cōsistentiā pertinet, sanguis est tū crassus uti pix liquida, tum adeo serosus, ut e vena effusus vbi concreuerit, plurimū habeat aquosæ humiditatis supernantis.

n. j.

*Piscium alimentu*

*Sanguis ex me  
prauitatis*

DE ALIMEN. FACVL.

Laudatissimus verò est qui in horū medio consistit, procreatus ex pane optime vt primo libro præcepimus præparato, & volatilibus quæ diximus animalibus, perdicibus, alijsq; id genus. Quibus ex marinis piscibus pelagij proximi sunt.

DE MVILLO, SEV TRIGLA. *Borbone*



Id quoq; pelagij annumeratur piscibus, præcipue apud homines nobilitatis: quoniam inter omnes summa cum voluptate manditur. Omniū ferme aliorū durissimam habet carnē, impēdioq; friabilē: quod perinde est ac si dicas neq; glutinosam, neq; pingue. Ea ex parte cunctis alijs præstātius nutrit, dūmodo probe concoquatur. Diximus porro antea quoq; duriores cibos parteis magis crassas habere, & vt quispiā dixerit, terrestres, eoq; robustius alimētū corpori præstare q̄ humida molliaq; si quidē ipsorum substantia alēdo corpori propria sit, ac familiaris: id quod delectatio ipsa recte iudicabit. Nā edulia quæ tota natura ab aliti animalis substantia dissident, ea aut omnino in cibū nō veniūt, aut insuauiter sanē eduntur. Ex familiaribus verò cibis humidior vt minus nutrit, ita & facilius cōcoquitur, & in vniuersum corpus digeritur. Ergo nulli caro iucundi saporis est, vtpote homini natura sua familiaris. Quanquā autem alijs piscibus durior, quotidie tamē edi potest, quoniā friabilis, & sine pingui est, quadā cū acrimo-



nia. Quippe pingua & glutinosa cibaria primo esu  
 ptinus nos explent ac satiāt, ciborūq; gustū deiiciūt:  
 & quod maius est, cōpluribus deinceps diebus ab il  
 lorū gustu abhorremus. Mulli iecur à gulæ proceri-  
bus mirabilem in modum voluptatis nomine com-  
mendatur. Quidam vero ipsum ne per se quidem  
 solum edendum censent, sed garelæo quod vocāt in  
 vase præparato cum pauxillo vini viscus in eo tan  
 tis per disterunt, dum ex vniuersa eius substantia &  
 præparato liquamine vnus ac similis succus quātū  
 sensu possis iudicare, factus esse videatur. in hoc in  
 tincta mulli pulpa vescuntur. At mihi profecto ne  
 quā tantæ suauitatis esse visum est, vt eum hono  
 rem mereatur, neq; tam insignem corpori vtilitatē  
 cōferre, vti nec ipsum caput: quanquā hoc quoq; lau  
 dāt ganeones, ac secūdas à iecore ferre prædicāt. Cæ  
 terum intelligere nequeo cur permulti grādissimos  
 mullos empitent, cum nec adeo suauis sint carne, vt  
 parui: nec concoctu facili, vtpote prædura. Itaq; cum  
 aliquando quendā ingenti pecunia prægrandes mul  
 los emētē interrogarē cuius rei gratia illos tantope  
 re expeteret, respōdit iecoris in primis magnitudi  
 nē, capitiscq; in illis queri. Verū hæc de mul  
 lis dixisse nobis suffecerit, vt qui vtilitatē in sermo  
 ne pprie præcipueq; spectemus. Laudatissimi mul-  
li in puro mari gignūtur, ceu alij omnes pisces. Verū  
 alimēta quoq; si bona sint, multum illis ad bonitatē

*Mulli iecur*

*Mulli optimi*

#### DE ALIMENTIS FACILIBUS.

conferre poterunt. Nam qui cancellis victitant: & grauius olent, & insuaues, ac cōcoctu difficiles sunt, improbiq; succi. Hos porro dignoscas prius quidē quam vescare, ventre reuoluto apertoque: inter vescendum vero, ipso statim gustu ac olfactu.

#### DE SAXATILIBUS PISCIBUS.

**S**Carum, merulam, turdum, iuliam, ficedulā, percam, saxatiles appellāt pisces, a locis in quibus diuersantur. Haud enim in lauiibus aut arenosis aut terreis littoribus mansitant, sed aut saxosis in locis, aut circa promontoria delitescent ac pariunt. Inter hos scarus gulæ principatum obtinere creditur. Secundum hunc merulæ ac turdi, tertio loco iuliæ, ficedulæ, ac percæ. Eorum porro alimonia non modo concoctu facilis est, verū etiam hominum corporibus saluberrima, vt quæ mediæ cōstitutionis sanguinem procreet. Medium autem voco qui neq; admodum tenuis est, neq; aquosus, neq; impendio crassus. At cum non mediocris huius medij sit latitudo, de ipsius differentiis suo loco differemus.

#### DE GOBIONE.

**G**Obio littoralis est piscis ex eorum numero qui parui perpetuo manent. Suauissimus, ac cōcoctu facillimus, simulq; ad distributionem & succi bonitatem optime comparatus est qui in arenosis littoribus aut saxosis promontorijs viuit. At qui in fluminū ostijs aut stagnis aut



falsis stagnis natat, non perinde suavis est, nec probi  
 succi, nec concoctu facilis. Quod si coenosa quoque sit  
 aqua, aut fluuius totius opidi sordibus infectus, de-  
 terrimus hinc gobio erit cēsendus, ceu alij omnes pi-  
 sces qui in [huiusmodi] aquis versantur. Merito  
igitur in saxatilibus piscibus nullum inter congene-  
res manifestum discrimen inuenitur, vt qui perpe-  
tuo in purissimo mari maneant, ac tam prædulcem  
aquam, quam eam quæ ex falsa dulciq; cōmista est,  
vitent. Quod post istos pelagijs quoque cōcessum est.  
 Neque enim hi ipsi permultum à se inuicem distant,  
 vt qui in vtrisque aquis ambigunt. In horum nanque  
 genere optimi sunt qui in purissimo mari natāt. Cō-  
 trā pessimi, qui in fluminibus vrbes expurgātibus.  
 Medij medio ad hos se habent modo. Hęc porro su-  
 pra etiam diximus cum de mugile ageremus. Cate-  
 rum gobij caro vt carne saxatiliū durior est, ita mol-  
 lior quàm nulli. Ergo pro huius portione vescentiū  
 corpus enutriet.

*Pisces optimi*

*Pisces pessimi*

DE PISCIBVS MOLLI CARNE  
 PRAEDITIS.

» **P**hilotimus in tertio de alimētis libro, de  
 » piscibus quos græci à molli carne malaco  
 » sarcos nominant, sic ad verbū scripsit: Go-  
 » bio, fycides, iuliæ, perca, muræna, turdus,  
 » merula, lacertus, ad hęc asinus, hamia, hepatus, citha-  
 » rus, ymbra, atq; vniuersum eorum genus quæ molli  
 n. iij.

carne sunt prædita, facilius quàm alij pisces cõficiuntur. Dignum ergo admiratione est cur scarum præterierit, qui inter saxatiles pisces primas tenet, quibus omnibus mollior & friabilior adest caro quàm reliquis piscibus. Quidam enim in his molli quidem carne constant, sed minime friabili, nempe inserto glutinoso quoque ac pingui succo. [ Alij nihil glutinosum ac pingue habentes ] in hoc quidem cum saxatilibus cõueniunt: sed quod ad carius duritiem pertinet, differunt. Huiusmodi sunt omnes propemodum pelagij pisces, nisi qui sint noxijs alimētis propriam carnē corrumpentes, vt nulli cancellis pasti. Sunt porro hæc animalcula perexiguus cancris similia, colore flauo. Saxatiles nec ciborum nec locorum varietate capiuntur, nec dulces ingrediuntur aquas: ideoque perpetuo omnes integri & inculpati manent. Asini autem quos Philotimus nominauit, ab alijs dicti aselli, si quidem probo alimento, & puro vtantur mari, cum saxatilibus de carnis bonitate certare queant. At qui corruptis implentur cibis, aut in aquis mistis, ijsque maxime vitiosis diuersantur, carnis quidem mollitiem non abijciunt, verum præter eam pinguitudinem quoque ac lētozem acquirunt. Quocirca & minoris in cibo sunt suauitatis, & alimoniā excrementitiā reddunt. De omnibus porro piscibus id cõmuniter, vt diximus, memoria tenere oportet, peffimos scilicet gigni in fluuiorum

*Pisces peffimi*



ostijs, quando in eos latrinarum aut culinarum aut balneorum aut vestium ac linteorū sordes corriuantur, aut siqua sunt in vrbibus alia quæ fluminis alluuiō purgari postulant, & potissimum vbi populosa vrbs fuerit. Quin ipsius quoq; murenæ in id genus aquis educatæ caro deterrima inuenitur: & quanuis flumina eam subintrare non constat, aut vsquam in stagnis gigni, summe tamen noxia in huiusmodi fluminū ostijs, qualis est Tyberis Romam præterfluens, inuenitur. quamobrem omnium ferè marinorum piscium vilissimo venit, ceu alij quoq; pisces qui eodem in flumine nascuntur, quos nonnulli tyberinos appellant, quasi peculiarem sibi speciem habeant, quæ nulli ex marinis similis sit. Sordium porro ex vrbe confluentium colluuiem perquam vitiosos pisces efficere vel inde discas, quod ex eadem specie præstantiores sint qui in eodem flumine antequam in urbem perueniat, sunt educati. Quin & alius fluius Nar appellatus in Tyberim se plus minus trecentis quinquaginta ab vrbe stadijs voluens, eosdem pisces longe quàm Tyberis fert meliores: quādoquidē & ab ipso statim fonte ingens oritur, & purus perpetuò decliui rapidoq; fluxu in ipsum vsque Tyberim procurrit, vt nusquā in stagnū ne minimū quidē degeneret. Itaq; qui ex lōga ac familiari cōsuetudine vernaculorū piscium naturam callent, nihil

*Muvene**Tyberis*

illi notis iam dictis ad eos explorandos egēt. At quibus nouus aut infrequens est eorum vsus, siue aduenæ siue incolę sint, ijs huiusmodi omnia protinus ab initio erunt inuestiganda prius quàm in se ipsis de cuiusque natura periculum faciant. Quare Philotimum haud oportebat simpliciter de omnibus simul qui molli carne sunt piscibus mentionem facere, neque saxatiles vnà cum alijs indiscriminatim permiscere. Hi namq; perpetuo optimi sunt: quod asellis minime donatum est, nec murænis, vti ne gobionibus quidem. Etenim quidam ex his in fluuijs & stagnis, quidam in mari producantur, alij in salis vocatis stagnis, aut omnino confusis aquis, vbi ingentis fluminis ostia mari committuntur. Hac ergo ratione particulatim longe lateq; eiusdem generis pisces inter se dissident, vt mugilis sanè & murena. Aselli his quidem minus: veruntamē ipsi quoq; non mediocriter inter se discrepāt. Cæterum gobij non perinde mollem ac isti & saxatiles pisces carnē habent, veluti nec vmbra, quæ graijs tam scinides quàm sciænæ nuncupantur. De citharis quid Philotimo in mentē venerit, vehemēter demiror. Romanis enim illis persimilis, molliori cōstat carne, quāuis asello longē sit inferior. Et hos igitur, & piscem qui hepatus à græcis vocatur, atq; alios quoscunq; Philotimus cum saxatilibus & asellis permiscuit, in medio pisciū duræ carnis ac mollis positos esse sci-



to. Nondum enim durā omnino carnem obtinent,  
 & ab ijs qui eam exacte mollem habent, recedunt:  
 quibus & lingulacā Philotimus annumerare omi-  
 sit, ceu saxatilibus scarū: nisi sanè psittæ nomine lin-  
 gulacam intelligat. Similes enim quodāmodo inter  
 se sunt psitta & lingulaca: non tamē eiusdem omni-  
 no generis. Hæc nanq̃ mollior est, & cibo suavior,  
 ac in totum præstantior quā psitta. Præterea la-  
 certi medij quadātenus sunt inter pisces molli car-  
 ne ac dura carne præditos. Veruntamen nullus est  
dictorum pisciū qui acetum aut sinapi aut origanū  
poscat, veluti pingues, lenti, ac duri. Nonnulli præ-  
 terea frictis ijs in sartagine vescuntur: alij assant, aut  
 in patinis condiunt, ceu rombum, & citharum. Ve-  
 rum hi cocorum opipari ac prælauti in patinis ap-  
 paratus, cruditatis in totum causæ sunt. Summo pe-  
re verò concoctionem iuuat albi iuris confectio, quæ  
in hunc habet modum. Copiosa in æneum vas infu-  
 sa aqua, olei quod satis sit inijcito, cū anethi & porri  
 pauxillo. deinde cum hæc ad dimidium cocta fue-  
 rint, salis tantum addito, quod totum ius salsum nō  
 efficiat. Hæc præparatio ijs etiā qui se à morbo re-  
 colligunt, peridōnea est. Quibus verò inculpata sa-  
 nitate potiri cōtigit, in sartagine frictos pisceis esse  
 licet, aut etiam in craticula assos. Atq̃ hi sanè oleum  
 garūq̃ cum vini momento exposcunt. Frictis plus  
 vini gariq̃ addere conuenit, minus olei. Si qui verò

*A libj iuris  
preparat. mod.*

*craticula*

## DE ALIMEN. FACVL.

sunt quibus hoc stomachum subuertat, paratum habeant acetum modicum in se gari piperisq; recipiēs. Nam qui his in cibo vtuntur, & rectius concoquunt, & delectio nihil deterius procedit: cuius potissimū gratia ex vino & garo frictos pisces quidā sumunt, plerisq; piper immittentibus, paucis oleū. Nōnulli autem ex memoratis piscibus cum frictis puri salis callus inspersus fuerit, & cibo gratissimi sunt, & concoctu meliores: stomachoq; vtiliores ita instructi, quā quouis alio modo redduntur. Dictorum porro omnium piscium alimonia hominibus otiosis, senibus, infirmis, & qui à morbo recreātur, est accommodatissima. At exercitijs dediti, robustiores expostulāt cibos: de quibus supra disseruimus. Iam porro sæpenumero diximus molles & friabiles cibos sanitati quā maxime congruere: quippe qui omnium optimos pariant succos. Nul- lum enim maius aptiusq; ad tuendam sanitatē succorum probitate adminiculum inueniri possit.

## DE PISCIBVS DVRAE CARNIS.

» **D**E his quoq; in secundo de alimētis libro  
 » ad verbum sic scripsit Philotimus: Dra-  
 » cones, cuculi, musteli, scorpij, phagri, ad  
 » hæc trachuri, & mulli: ac rursum orphi,  
 » glauci, scari, canes, cōgri, hamia, libellæ, omnesq; du-



» ra carne præditi difficulter conficiuntur, & crassos  
 » falsosq; humores remittunt. Hæc sanè sunt Philo-  
 timi verba. Nos vero singula quæ in his recensentur,  
 ab ipso initio diligenter expendamus. Ergo dracones  
 quidem ac cuculos quiuis etiam assumendum duræ  
 carnis pisces esse palàm sit sensurus. Mustelorum  
 verò non vna est species. Nam galaxius à Romanis  
 vocatus piscis, qui in summo apud eos pretio habetur,  
 mustelini generis est: qui in græco mari nunquam  
 nasci visus est. Ideoque Philotimo ipsum incognitum  
 fuisse apparet. In græcis porro exemplaribus  
 dupliciter musteli nomen scriptum inuenitur, modo  
 galëus, per tres syllabas: modo galonymus, per  
 quinque. Et liquet sanè celebrem illum apud  
 Romanos galaxium in eorum numero qui molli carne  
 constant, habendum esse. Reliqui musteli dura  
 magis carne præditi sunt. Deinceps autem scorpium,  
 trachurum, mullum, orphum, glaucum, inter duræ  
 carnis pisces Philotimus recte connumerat. At simul  
 cum illis scarum perperam recensuit, cum hic inter  
 saxatiles ponendus sit. Post hæc canem adscribit,  
 qui cetacei potius est generis, dura atque excrementitia  
 carne. Quapropter in partes sectus, ac salitus, fere non  
 nisi vulgarium hominum est cibus. Ingrati enim  
 saporis est, & sordidus, ac mucosus. Ideoque cum  
 sinapi & oxelæo atq; id genus acribus condimentis

*Galaxius piscis*

Iban  
 sumitur. Ex hoc itē genere sunt balenæ, delphines,  
 phocæ. Ad quos proxime ingentes accedunt thūni:  
 quāquam non eiusdem in cibo voluptatis. Sūt enim  
 insuaues hi, maximeq; recentes. nam salsi sapidiores  
 euadunt. Thūnorum caro qui & ætate & corporis  
 mole minores sunt, non perinde dura est, eoq; hi cō-  
 modius quoq; perficiūtur, hisque magis pelamides,  
 quæ sale conditæ vix laudatissimis salsamētis cedūt.  
 Plurimæ hæ ex Ponto aduehuntur, sardicis dunta-  
 xat inferiores. Hæc nanq; salsamēta in summo pre-  
 tio haud immerito habētur, quoniam carne & mol-  
 liuscula sunt, & mirifice gustum delectant. Vocātur  
 autē passim vsitato nomine huiuscemodi salsamen-  
 ta, sardica. Post sardas ac pelamides myli ex Ponto  
Sardica  
 aduecti præcipue commendantur. Proxima laus est  
 coracinorū. Hęc itaq; extra rem obiterq; de salitis  
 piscibus sint dicta. Libellas porro haud perperam  
 Philotimus inter pisces duræ carnis cōmemorauit:  
 verū vnā earum quoq; insuauitatis mentionē facere  
 oportebat, ceu aliorum quoq; pisciū quos omnino  
 prætermisit. Cōgrum vero, pagrum, hamiam, & a-  
 quilam recte duram carnem habentibus annumera-  
 uit. Suntq; alij quidam, vt ipse inquit, duræ carnis pi-  
 sces, quorum nomina dicere supersedit, quoniā non  
 in frequenti hominum vsu habentur. Quare satius  
 est nos quoque omiſsis nominibus ipsorum virtu-  
 tes contemplari. Haud ergo male censuit Philoti-



mus duræ carnis pisces difficilius quam mollis confici. Siquidem tum concoctio quæ in vetriculo administratur, tum assimilatio quæ in qualibet corporis fit particula, in mollibus leuius succedit, contra in duris ægrius. Illæ nanque functiones citra alterationem non perficiuntur. Quo autem quidque mollius, eo promptius alteratur: quãdoquidem ad patiendum est accommodatius. Nihil vero aliud est alteratio, quam rerum alterascentium affectio. Proinde vere dictum est pisces duræ carnis difficulter peragi: vereq; & illud, quod crassum succum gignant. Durior namq; cibus crassioris itidem est substantiæ, ceu mollior tenuioris. An autem falsum quoq; succum dura cibaria procreent, deinceps erit considerandum. Quippe Philotimus, sicut & eius præceptor Praxagoras, falsum succum ex ijs quæ supra modum excalfaciunt, generari tradit. Mihi vero non simpliciter, sed distinctius cautiusq; id pronuncians videtur. Quoniam vero quæstio hæc ad omnia dura cibaria communiter pertinet, proprio illam capite seorsum deinceps discutiemus.

AN DVRA OMNIA PER DECO-  
CTIONEM SALSOS SVCCOS  
GIGNANT.



On solum in piscibus duræ carnis, sed in quibusuis quoq; duris edulij Praxagoras ac Philotimus falsum humorẽ ex amplio-

*Molli carne pre  
citra citius colo  
quãt i cibus  
duræ assimilant  
q dura*

re decoctione gigni arbitratur. Neque vero hunc falsum modo appellat, sed etiam nitrosum. Enimvero ego in permultis, aut si vis etiam in omnibus vfuuenire id video, quanto videlicet diutius vnūquodque elixatur, tanto eius decoctum falsius euadere: tandem vero aliquando & amarum, ut ipsis placet. Solidum autem corpus in aqua elixatum, qualitates quas initio habuit, exuere, ita ut tandem sequale & aquosum reddatur citra vllum falsitatis, amaritudinis, acrimoniae, aut constrictionis intellectum. Clarius porro huiusce rei veritatem cernes, si quidpiam, quodcunque videatur, in alteram aquam translatum, secundo decoxeris. Inuenies namque id quod decoquitur, propriam amittere qualitatem, aquamque ipsam eam in se recipere. Quam ob rem lupinum, quod inter cereales censetur cibos, aquam amaritudine inficit: quandoquidem & ipsum congenitam in se amaram qualitatem continet. Sic & eruum, absinthium, abrotonum, polium, & alia quaecunque amari sunt gustus. At solidum corpus quod decoquitur, minus amarum apparet. Quod si in alteram transferens aquam, rursus ipsum decoxeris uti modo retuli, magis etiam ac magis amarorem abijcere deprehendes. Tertio vero quarto ve translatum, longe item magis quam prius spoliabitur, adeo ut tandem omni prorsus amaritudine sit cariturum. Ad eundem modum quaecunque acria sunt, ut allium, cepa, porrum, aquam in



qua bullierunt, manifeste acrem reddūt : at propriū illorum corpus minus acre efficitur. Iterum vero atque iterum in aliam aquam transmissa, omni prorsus acrimonia priuantur. Quinetiam mala acerba, mespila, & pira syluestria quanto magis coquas, tāto efficias dulciora, ipsum vero decoctum acerbius. Cæterum si soli per se decoquantur succi, primum ipsi falsiores, postea amari etiam fient. Quam ob rē illa Praxagoræ ac Philotimi opinio nequaquā reiicienda erit, si de succis duntaxat intelligatur. Nam de solidis corporibus contra est existimandum. Et enim si, vt paulo ante diximus, ex prima aqua in secundam ipsa trāsseras, mox rursus in tertiam, aut etiam quartam : cōperies prorsus priorē saporē deponere, vt gustantibus sequalia seu insipida aquea q̃ sint apparitura. Quod si aquam non mutes : primo decoctū necessario falsius apprebit, postea vero amarius. Verū ius ipsum in primis Praxagoræ, erroris occasionem dedisse videtur, vt quod coctionis tempore falsius reddatur : qui hoc nō intellexit, si sal aut garum in principio condituræ in aquam iniiciatur, necessario procedente coctione liquamen falsius euasurum, ceu etiam si nulla alia re immissa minimum salis puræ ac dulci aque cōmisceas. Nam ea quoq̃ feruefacta falsior reddetur. Quid vero hoc miramur : cum optima aqua longius decocta falsam & ipsa qualitatem tempore accipiat?

optima aqua  
p̃ decoctionem  
salutem ne accipiat.

DE. ALIMEN. FACVL.  
DE ANIMALIBVS TESTATIS.



Voniam quidem id quo totum animalis  
cuiusq; corpus ceu adnato quopiam vesti-  
mento tegitur, cutis appellatur, eiq; buc-  
cinorū, purpuræ, ostreorū, hiatule, & quæ-  
cūq; huiusmodi sunt, tegumentum proportionē re-  
spōdet: idcirco hæc animalia ostracoderma à græcis  
sunt appellata. Nam testæ omnino aut lapidi simile  
est operimentū illud quo foris obducuntur. Omni-  
bus porro illis cōmune est vt salsum in carne succū  
contineant, aluum ducētem. quod seorsum vnicui-  
q; magis minusve inest pro qualitatē ac quantita-  
tis modo (Siquidem ostrea inter alia testacea mol-  
lissima constant carne. At parvæ chamulæ, vertibu-  
la, solenes, purpuræ, buccina, omniaque huiusmodi  
dura carne compacta sunt. Non ergo abs re ostreæ  
aluum subducunt efficacius, nostrum autem corpus  
imbecillius nutriunt. Dura vero difficilius quidem  
concoquuntur, sed firmioris sunt nutrimenti. Atq;  
hæc sanè omnia elixantur: solas ostreas citra coctu-  
ram esse licet. Sunt qui in sartagine frigrant. Quem  
admodum autem in testatis animalibus, [quæ dura  
sunt] difficilem concoctu carnem obtinent, ita etiā  
corruptū minime facilem. Qua de re cōsultò ijs sæ-  
penumero ea exhibemus, quibus cibi in ventriculo  
corrumpuntur, siue ob prauos succos ex iecore in eū  
confluentes, siue ipsius tunicis adhaerentes. Ha-

Ostracoderma

Ostrea molliss  
carne cōstat



Sole ostree



bent autē omnia, vti diximus, falsum in se succum  
ventri mouendo idoneum: sed minus quæ dura car-  
ne sunt, quàm ostrea: ideoque cibum corrumpenti-  
bus ea offerimus, bis aut ter in laudatissima aqua  
elixantes: nempe cum prior iam salsa apparuerit, in  
aliam puram trāsferentes. Cæterum ex his crudus  
 appellatus succus maiorem in modum generatur,  
 vt ex ijs quæ molli sunt carne, pituita. Quēadmo-  
 dum igitur illorum falso succo spoliatorum caro vt  
 corruptu quidem difficilis, ita aluo sistendæ idonea  
 euasit: sic & liquamen iporum si sale aut garo cōdi-  
 tum (quod in hiatulis consuetum est fieri) bibatur,  
 ventrem abunde subducet, sed nullam corpori ali-  
 moniam est exhibiturum.

## DE CRVSTATIS.



Staci, paguri, cancri, locustæ, carides, gam-  
 mari, ac id genus alia tenui testa conclu-  
 duntur, duritieq; testaceis similia sunt: sed  
 minus quàm illa falsi humoris continent: quāquam  
 illius non exiguam habent portionem. Dura in to-  
 tum carne constant: ideoque & concoctu pertinacia  
 sunt, & firmi alimenti, in dulci videlicet aqua præ-  
 decocta. Aluum quoq; horum caro, ceu ostreorum,  
continet, posteaquam in aqua falsuginem abiecerit,  
& quo præcepimus modo fuerit discocta. Proinde  
 & hæc corruptioni nō secus ac testacea duræ carnis,  
 repugnant.

**M**ollia vocantur quæ neq; squammas neque asperam aut testaceam habent cutem, sed mollem, instar humanæ: cuius generis sunt polypi, sepiæ, lolligines, quæque his sunt consimilia. Hæc ergo quoniam neque squameum neq; asperum neque testaceum tegmen gerunt, mollia tangenti apparent. Attamen duræ carnis sunt, & difficilis concoctionis, exiguum in se falsum succum continentia. Si vero concoquantur, alimentum non contēnendum corpori exhibebūt. Cæterum hæc quoq; crudi humoris copiā gignunt.

## DE CARTILAGINEIS.

**A**Spera, atque noctu splendicans horum animalium est cutis: ideoq; nonnulli selachia græcis nominata esse autumant, *ἀπὸ τοῦ σέλας ἔχει*, hoc est quia splendorem edant. Molli intus carne cōstant torpedo & pastinaca, ceu utiq; & suavi, & mediocriter per vētrem subeunte, nec concoctu difficili. Nutriūt item non in postremis, ceu alia quoque omnia quæ carne molli prædita sunt. Cunctis porro id commune est, vt mediæ partes illis quæ proxime pertinent ad caudam, carnosiores existant. id quod in torpedine præcipue est cernere. Huius nanq; animalis medium instar cartilaginis flaccidum tenerumque apparet. Raia autem, leuiria, squatina, omniâque huiusmodi du-

Torpedo



riora sunt, & concoctu pertinaciora, cibiꝫ valentio-  
ris quàm torpedo aut pastinaca.

DE CETACEIS ANIMALIBVS.

**D**Ixiſmus iam ante de cetaceis ex mari ani-  
malibus: in quo numero phocæ, balenæ,  
delphines, libellæque habentur, ac gran-  
diores thynni: ad hæc canes, quæque his  
ſimilia ſunt: de quibus nũc breuiter dixerim omnia  
ea duram, prauſ ſucci, & excrementitiã carnem  
habere. Quapropter ſale macerata vt plurimum  
eduntur, quò tenuior ſit alimonia ex ijs per corpus  
digerenda, eòque concoctioni & in ſanguinem per-  
mutationi accommodatior. Nam recēs horum ca-  
ro ni probe concoquatur, crudorum ſuccorum co-  
piã in venis ſuggerit.

*Canes piſces*

DE MARINIS ECHINIS.

**E**X mulſo & garo eduntur hi alui ſubdu-  
cendæ gratia. Parantur & in patinis, o-  
uis, pipere melléque adiectis. Imbecillis  
ſunt alimēti, in eorum quæ humores ex-  
tenuant ac incrallant, medio conſtituti.

DE MELLE.

**A**limentorum materia hæcenus tradita,  
duobus in vniuerſum generibus contine-  
tur: quorum vno plantas, altero animan-  
tes ſumus complexi. Ab vtroꝫ vero mellis ſepara-  
ta eſt natura. Fit enim in plantarum folijs: neꝫ ſuc-

Mattiolus patet apud hoc  
 loco colligi posse g<sup>m</sup> cognatum  
 manna solatiam

Modus generis mellis  
 Aeris

Mel Aerium.

Mel landat  
 islim & optimu

Mel pituitosis  
 amicu bilio is  
 inimicu esse

cus earū, neq; fructus, neque pars vllō pacto dici pos-  
 test, sed eiusdē cū rore generis est: non ita tamē assī-  
 duo nec copiose prouenit. Memini aliquando in  
 æstate super arborum hærbarūq; folia mellis q̄ plu-  
 rimum repertum fuisse, vt gaudio exultātes rustici  
 cantarent, Iuppiter melle pluit. Præcesserat autem  
 nox, vt per æstatē, satis frigida (nam tum anni æsti-  
 uum tēpus erat) pridieq; calida & sicca fuerat aeris  
 cōstitutio. Quam ob rem peritis naturæ interpre-  
 tibus halitus ē terra atq; aquis prodeuntes, solis ca-  
 lore exacte attenuati ac cocti, à frigore secutæ no-  
 ctis in vnum coacti ac densati fuisse videbātur. Sed  
 apud nos raro id accidit, in monte autem Libano  
 quotannis persæpe, adeo vt expansis super terram  
 velleribus mel à concussis arboribus decidens exci-  
 pientes, ollas ac fictilia plena referant: vocantque id  
 roscidum mel, aut aërium. Proinde liquet materiā  
 ex qua mel generatur, rori cōgenerem esse. Videtur  
 autem & ex plantis in quarum folijs mel colligitur,  
 boni malive quidpiā posse acquirere. Ideoque lau-  
 datissimū in locis thymo alijsq; hærbis sicci tēpera-  
 menti prædesse consitis inuenitur: quia tenuioribus  
 partibus constet mel in huiusmodi plātis collectū.  
 Quapropter in bilē quoq; faciliē in calidis corpori-  
 bus id vertitur. Frigidis vero, siue per ætatem, siue  
 morbū, siue naturā ita se habeāt, accōmodatissimū  
 est: ideoq; in sanguinē mutatū, nutrire ipsa potest.



Cōtrā in calidis prius quā in sanguinem vertatur,  
ad bilis naturam transit. Quoniam autem tenuium  
 partium est, necessario etiam acris sentitur: ideoque  
 aluum ad excretionem proritat. Verū ad distribu-  
tionem & concoctionem ablata acrimonia conue-  
nientissimum efficitur: quæ optime auferetur, si pri-  
 mum multum illi aquæ admisceas, ac deinde tanti-  
 sper coquas, dū spumare cesset. oportet autem spu-  
 mam assiduō mox q̄ emerferit, detergere. Nam hac  
 parandi ratione acrimonia spoliatur, neq; amplius  
 aluum ad excretionem impellens, haud segniter in  
 corpus digeritur. Melicratum vero paulisper aut ni-  
hil omnino coctum, ad descensum properat ante  
 quā cōcoqui, & in corpus distribui, & nutrire hoc  
 possit. Præterea in eo differunt, q̄ mel nō plene co-  
 ctum, ventrem ac intestina inflationibus impleat:  
 contrā quod in decoctione spumam omnem abie-  
 cit, flatus expers sit, ac vrinam moueat. Si autem ci-  
 tra aquæ admistionem mel purum per se quis delin-  
 gat, nutriet quidem infirmius, sed alui excremen-  
 ta promptius deijciet. Largius vero sumptum, os  
 ventriculi ad vomitum concitare solet. At sine aqua  
 decoctum, nec similiter vomitionem mouet, neque  
 aluum subducit: verum in corpus aptius diffundi-  
 tur, & magis nutrit: vrinam tamen segnius eo quod  
 cum aqua coctum est, ciet. quanquam ne tum qui-  
 dem cum nutrit, memoratu dignam alimoniā cor-

*Modus remou  
acrimoniā*

Mel quibus  
conueniat

pori exhibet, adeo vt non defuerint qui nihil prorsus alere assererent. quos abunde confutauimus in tertio de victus ratione in morbis acutis, qui Hippocratis est liber, à nonnullis quidem cōtra Cnidas sententias inscriptus, ab alijs de ptisana: vtrisque in hoc delinquentibus: vti in commentarijs in eum librum scriptis ostendimus. In præsentia quæ hæcenus de melle recēsuimus, dixisse satis fuerit, nisi quis ea in summa cupiat audire. Senibus ergo, ac in vniuersum frigidi temperamenti corporibus mel perutile est. In viginti autem ætate & calida temperie in bilem peruertitur. Inest præterea ipsi aliquantula alendi corporis facultas, nisi in bilem transmutari anteuertat. quippe si hoc fiat, nihil prorsus nutriet. Clarum autem est quod pallidam & flauam bilem intelligamus ex eo gigni, non atram. Idem enim multis in locis diximus, medicis ex more esse, simpliciter hanc citra coloris adiectionem nominare, ceu reliquas cum coloris sui nota. Nullam porro ex his omnibus, porracea excepta, nisi corpore admodum ægrotante, excerni videmus. Flaua vero pallida & porracea valentibus etiam nobis euomuntur sæpenumero, ac deiiciuntur.



## DE VINO.



**V**inum, omnium confessione ex eorum numero est, quæ nostrum corpus alunt. si autem quicquid alit, alimētū esse fateamur: vinum item in alimentorum censu erit ponendum. Nonnulli tamen medici alimentum id appellandū esse negant. Nam alimentum, quod & cibū & edulium & escā vocamus, potus seu potionis contrariū esse dicūt: eatq; de causa vinū alimētū vocari nolunt: quanquā alere ipsum nō diffiteātur: quod vnum fanē in pręsentia requirimus. Ac si quidem aliæ materiæ inuenirentur quæ tametsi nutrent, non tamen recte alimenta essent appellandæ, [haud fanē eas simul omnes vno seorsum volumine perstringere grauaremur. Quoniam vero solum vinum huiusmodi habetur,] permittent nobis tractationi huic de alimentis breuem de vino sermonem adiungere. Quas nanque vires Hippocrates in libro de victus ratione in morbis acutis, enumerat, verius medicamentis quàm cibis adscribas. Illas ergo & in eiusdē libri commentarijs, & in medendi methodo, ac sanitatis tuendæ libris enarrauimus. In pręsentia vero differentias quæ penes alendi rationē versantur, sumus tradituri, hinc sūpto initio: Ergo iter omnia vina, rubra crassaq; sāguini generādo accōmodatissima sunt, vt quę minimo negotio in eius naturā trāseant, mox nigra crassaque cum quadam dulcedine:

o.iiij.

*Vinum in censu  
alimētorū pon*

#### DE ALIMEN. FACVL.

deinde quæ colore rubent, quæq; nigra sunt, ac crassa consistentia, cumq; hoc adstringentia. His minus alunt cãdida simul crassaq; & acerba. Minime omniũ alunt candida, & tenuia, aquis, hydromeliti accommodatis ferè similia. Itaque crassa magis quàm tenuia alendo esse, argumento est vtriusque natura, & experientia id ipsum comprobat. In ventriculo dulcia magis quàm austera concoquuntur, & in corpus digerũtur, vtpote calidiora. Vina admodũ crassa tardius quidem perficiuntur, ac distribuuntur: sed si in ventrem adeo robustum incidant vt confici recte ab eo possint, valẽtem alimoniam corpori exhibebũt. Constat autem ista vt alendo corpori aptiora sunt, ita ad vrinam ciendam minus valere.

#### DE SALE ASSERVATIS PISCIBVS.

**D**E piscibus sale asservatis, medijsq; edulis sub finem operis scribere distulimus. Ne igitur hæc saltem desiderẽtur, opportunum iam fuerit vtrorumq; vires recẽfere. Animalium corpora quæ excrementitia carne constant, salituræ sunt peridonea. Excrementitiam autem vocamus, vt superioribus locis, quæ pituitosam humiditatem in se respersam continet. Quanto autem ea copiosior aut crassior fuerit, tanto caro ad saliendum erit accommodatior. Quæ vero admodũ mollem, aut valde siccum, & minime excre-



mentosum corporis habitum gerunt, salituræ non sunt accommoda. Salis nāque facultas, vti in opere de simplicibus medicamentis demonstraui- mus, cōposita est, nimirum simul discutiens incidensque coporis cui applicatur, superfluas humiditates, & corpus ipsum in se colligens ac cogens: cū nitri spuma & laxum aphonitrum incidere quidem & discutere possint, cogere & in vnū stringere non possint. Quæcunq; igitur sicca nature sunt corpora, salis cōspersu exarefacta, cibo inidonea fiunt. Et quidam salue leporem sale tētans seruare, mustelis assiccatis similem reddidit. Obesorum vero suum in florenti ætate carnes falsuræ appositæ sunt, ab vtriusq; ætatis incommodis liberæ, annosorum videlicet ficcitate, & nouellorum porcellorū nimia humiditate. Quæ admodum enim sicca corpora salita corij duritiem acquirunt: sic contra, supra modū humida diffluunt, & salis vi contabescunt. Hanc ob causam nec pisces mollis carnis, & excrementis vacui, vt saxatiles, & puri maris aselli, ad salituram sunt accommodi. Coracini autem, pelamides, myli, sardæ, & sardenæ, quæque sexitana vocant falsamenta, sale aptissime asseruantur. Cetacea insuper ex mari animalia si sale macerentur, meliora euadūt: quoniam & ipsa excrementosam possident carnem. Mulli, quia duri sunt, sineq; excrementis, haud commode saliantur. Ex his perspicuum est, quæcunq; dura, neruosa, mē-

*Facultas salis*

*Nota de lepore  
in sale cōseruato*

*Sardæ*

*Sardene*

DE ALIMEN. FACVL.

branæq; aut corio similia ex falsura euadūt, cōcoctū magnopere pertinacia esse. Cōtrā quæ secus habēt, & ipsa tenuia efficiuntur, & in cibo sumpta crassos ac glutinosos succos extenuant. Optima omnium, quæ quidem mihi experiētia cognoscere licuit, sunt quæ a veteribus medicis sardica falsamenta nuncupantur, hodie sardas vocāt: & qui ex Pōto aduehūtur myli. Proximus honos pelamidibus debetur, & ijs quæ sexitana appellantur.

*Sardica falsa  
menta opt*

DE MEDIIS EDVLIIS.

**I**N vnaquaq; differentia quam alimētis inesse diximus, media quædā constitutio inuenitur. Etenim inter ea quæ molli sunt carne, & ea quæ dura, mediū quiddā reperias, quod nec molli nec dura sit carne, similiter inter extenuantia & incrassantia, calfacientia & refrigerantia, siccantia & humectantia. Ac animalibus quidem naturalem seruantibus temperiē, similia suis naturis cibaria sumere expedit. Cōtrā quæ prauam temperiē, aut ab initio sortita sunt, aut post acquisuerunt: nō similibus cibatu, sed contrariorū sunt sustinenda. Quidquid enim natura sua sanū & integrū est, per similibus oblationem conseruatur: quidquid vitiatum aut corruptum, per contraria ad propriam temperiem debet reduci. Itaque singulę animalium species suum sibi proprium ac peculiare mediū habet.

*Sana corpora, cōsueti  
similibus, e cōtra  
nō.*



bunt, ceu homo utique tale, & canis tale. Sic & in omnibus alijs habet. Atque particulatim in hominum natura aliud huic ætati, aliud alij medium erit. Similiter vitæ quoque instituta, seu exercitia, consuetudo, & regiones, in quibus à multo tēpore quisque versatus est, erunt perpendenda.

F I N I S.



MAX HARRWITZ  
BUCHHANDLUNG & ANTIQUARIAT  
BERLIN W.  
POTSDAMERSTR. 41A

1811  
F. I. N. 1. 3.  
F. I. N. 1. 3.  
F. I. N. 1. 3.  
F. I. N. 1. 3.  
F. I. N. 1. 3.  
F. I. N. 1. 3.  
F. I. N. 1. 3.  
F. I. N. 1. 3.  
F. I. N. 1. 3.  
F. I. N. 1. 3.

F. I. N. 1. 3.



